

**NATIONAL ASSEMBLY OF  
SEYCHELLES**

*Tuesday 15<sup>th</sup> November, 2022*

*The Assembly met at 0902am*

*National Anthem*

*Moment of Reflection*

*Mr Speaker in the Chair*

**MR SPEAKER**

Bonjour tou bann Onorab. Bonjour nou bann zofisyé Lasanble e nou piblik parey labitid ki zwenn nou pou nou travay. Byenveni pou nou travay ozordi.

Mon'n akord Onorab Loze laparol pou fer en pwen ki lo en *matter* ki'n leve dan deba yer. Onorab Loze.

**HON JOHAN LOZE**

Mersi Mr Speaker. Mr Speaker mon pou fer sa *matter* dan zis trwa pti pwen ase kourt.

Premye, Mr Speaker mon pa santi ki i normal e i akzeptab Lasanble pou nou fonksyon lo en baz ki nou pa'n nonm non en dimoun, e pou antre dan son detay medikal personnel. I pa akzeptab pou nou kasyet deryer lefe ki nou pa'n nonm non. So

*we need to raise - generally raise the level of that discourse.*

Mon dezyenm pwen Mr Speaker. Lenformasyon medikal en dimoun, en nenport ki dimoun i en keksoz personnel, proteze *unless* li sa dimoun i anvi *part the veil* e koz lo la antre dan en konversasyon e en diskisyon. Sa i mon dezyenm pwen Mr Speaker.

Mon trwazyenm pwen, repitasyon bann profesyonnel medikal in ganny met dan dout yer, parske i annan serten ensinyasyon ki deza dan domenn piblik e ki ganny dir e repeate konmkwa ki Loze li in ganny anvoye, be tel lezot dimoun pa'n ganny anvoye.

E yer ti *insinuated* ki Loze, (pa nonm non parey mon'n dir) be li i ti pas devan lezot dimoun.

Mr Speaker nou pa kapab nou Lasanble Nasyonal kre en sityasyon kot nou senm dout lo lentegrite nou bann profesyonnel medikal, ki lezot dimoun ki bezwen sa swen e servis, demen zot poz kestyion lo lentegrite dimoun i pe donn zot swen e servis.

*I was boarded* Mr Speaker as you well know parey tou lezot dimoun i ganny *boarded* pou ganny swen medikal enternasyonal. Sa i sa

trwa pwen ki mon ti le *raise* otour sa size.

An terminan mon konklizyon Mr Speaker. Yer en size in leve otour Onorab Naddy Zialor. E sa enn ki'n leve lo mwan yer kor en *Leader* in fer en lensinyasyon lo mwan san nonm mon non, ti komans lo *Facebook* egalman e i ti komans par bann militan aktivis *LDS*, ki mon prezimen i annan lyen pre, lyen pros avek bann Manm *LDS*.

Pa ki zot ti'n fini dir depi boner espere sa pe vini e in vini. So, mon ti pou enplor Lasanble, si nou kapab *raise the level of the discourse*. Mon pa premye Manm ki tonm malad. Mon pa pou dernyen Manm ki pou tonm malad.

Zot in annan dirizan dan zot kote dan lepase ki'n al sonnen anba Gouvernman US. E mwan zanmen mon'n deza ouver *file* medikal personn, kasyet deryer mon privilege *live* lo televizyon. E mon pa vwar akoz en *Leader* lo kote *LDS* i devret pe fer sa avek mwan, ouswa okenn lot Manm! Mersi Mr Speaker.

## **MR SPEAKER**

Mersi Onorab Loze. Bon mon ava met en mo, mon le dir mon siport okenn lapel to *raise the bar*. Mon krwar i en nesesite

pou nou Lasanble e fotespere tou Manm, tou Manm ava pran sa aker.

An zeneral mon siport pwen Onorab Loze ki nou pa devret servi bann ka medikal, swa tretman ouswa kondisyon dann nou deba. Swa konsern en Manm Lasanble oubyen en manm piblik. E nou a realize ki in annan 2 ka en pe similer ki'n arive enstaman. Enn sete aksidan ki en Minis ti enplike ladan e lot se sa referans ki Onorab Loze in fer.

E tou lede i lakoz pou nou realize pou dir nou devret evit sa kalite komanter. Mersi, mon apresye. Mon le pran en moman pou repas lo en *matter of privilege* ki ti *arise* yer, akoz mon ti dir mon pou fer en *statement* an ekrir ki mon le mon pou met dan mon rikord.

Alor mon anvi partaz sa avek bann Manm e mon pa krwar vi ki sa pwen i en pwen enportan, mon pa krwar poudir mon pe *overdo* par repet mon *ruling*.

Bon mon le dir premyerman ki mon apresye ki tou lede kote lasal in zwenn pou kondann lensilt e menas anver Manm Lasanble. Nou pe fer referans partikilyerman avek medya sosyal. Me i aplik osi pou lezot mwayen.

Lasanble i kondann tou lekspresyon vyolans kont Manm Lasanble e nou devret fer tou sa ki posib pou siport e protez bann Manm ki fer fas ek tek latak. Me sa kondannasyon zeneral pa devret dan okenn mannyer diminyen konsern lo ka Onorab Zialor. Bann menas kont li in depas lezot ki nou'n war.

An plis ki sa i annan lezot fakter notaman son dezabilite ki' n ganny servi dan sa latak e osi lefe ki serten endividé ki enplike i bann lasosyete ki ase prominan ki kapab annan lenfliyans lo lezot e pas koman legzanp. Latak lo Onorab Zialor i devret vin en depar pou nou reziste e ranvers sa kalite konportman negativ.

Mon demann tou Manm Lasanble pou vin legzanp dan konportman ki nou pe war lo medya sosyal e dan nou sosyete. Lo lapar Lasanble mon pou apros bann Lotorite e parti konsernen pou war ki mannyer Lalwa kont menas e lekspresyon laenn e vyolans i kapab ganny met an laplikasyon. Mersi sa i mon *ruling*.

Bon nou ava prosede avek nou travay lo deba. E ozordi nou annan reponn Minis. Madanm reporter ou ava apel Minis Silvouple.

Bonzour e byenveni Minis pou Finans Plan Nasyonal e Komers Minis Nadir Hassan. E ou zwenn nou pou ou repons lo deba lo *Appropriation Bill, 2023*. Minis laparol.

### **MINISTER NAADIR HASSAN**

Mersi Mr Speaker. Bonzour Mr Speaker. Bonzour Dirizan Lopozisyon, bonzour Dirizan Zafer Gouvernman, bonzour tou bann Manm Onorab, bonzour tou dimoun a lekout.

Mr Speaker avan mon donn mon larepons, mon anvi lo mon non personnel e osi lo sa ladministrasyon denons sa bann menas vyolans ki'n annan kont Onorab Naddy Zialor swivan son repons Bidze 2023.

Mr Speaker dan sa lemonn ki nou pe viv ozordi, sa bann kalite konportman i nepli zistifyab. Annefe napa en letan dan nou lavi ki vyolans i devret en opsyon pou servi kont en lot nou frer oubyen ser.

Mr Speaker lo mon non personnel e lo non Egzekitiv, nou eksprim tou siper pou Onorab Zialor ki en zanfan Sesel e ki devret en legzanp pou nou tou. Ki mannyer en zenn onm ki otreman kapab, pa'n les okenn baryer dan son semen fer li avans devan pou kontribye dan son lavi personnel, son fanmir e pou Sesel.

**(APPLAUSE)**

### **MINISTER NAADIR HASSAN**

Mr Speaker lenvestisman dan nou dimoun, lenvestisman dan lenfrastriktir nou pei i asire ki nou det i reste soutenab i labaz Bidze 2023. E pou reste touzour labaz okenn Bidze ki sa Gouvernman i prepare e prezante. Ankor mon pou repete e mon pou toultan repete ki sa Gouvernman i enn ki responsab, e pou toultan enn ki reste responsab dan tou desizyon e aksyon ki i pran.

Sa Bidze i enn ki demonstre bann valer ki sa pei i bezwen pou li bouz devan. Se bann valer travay dir, travay avek en plan kler e fer sakrifis kan i neseser. Sa i bann valer ek prensip ki pou anmenn nou bokou rekompans.

En Gouvernman responsab i investir dan son dimoun ler loportinite i donnent. En Gouvernman responsab i siport son dimoun ler i tonbe e i remet li lo son lipye pou li kapab kontinyen ed son lekor.

En Gouvernman responsab i donn son dimoun zouti neseser pou li al lapes olye zis donn li pwason pou manze toultan.

En Gouvernman responsab i oule ki son dimoun

i ekipe pou pran desizyon, ki anmenn pozitivite e epanouisman dan son lavi.

En Gouvernman responsab i *empower* son dimoun pou ed son lekor.

En Gouvernman responsab pa oule son dimoun i vin depandan pou ki zot reste dan lapovrete.

Mr Speaker en Gouvernman responsab i investir dan lenfrastriktir pou developman pei, developman ekonomik e developman son dimoun. Ki mannyer nou le fer progre ler nou pa depans dan lenfrastriktir?

Ki mannyer nou oule nou dimoun i fer progre ler nou pa investir dan lenfrastriktir?

Ki mannyer nou le nou lekonomi i agrandi ler nou pa depans dan lenfrastriktir?

E ki mannyer nou relans nou lekonomi ler nou pa depans dan lenfrastriktir?

Ki mannyer nou donn loportinite ekonomik e finansyel nou dimoun, ler nou pa depans dan lenfrastriktir?

Ki mannyer nou krelarisés, lanplwa, novo biznes e developman sosyal ler nou pa investir dan lenfrastriktir?

Sa i sa largiman ki parti US pe met devan. En largiman avek bokou defayans ki montre zot napa en vizyon pou sa pei.

Mr Speaker an menm tan ki en Gouvernman responsab pe envestir dan son dimoun, e lenfrastriktir, i reste toulstan konsyan ki i bezwen depans dapre son reveni, pou li evite ki i akimil tro bokou det.

En Gouvernman responsab i bezwen annan en plan kler ki mannyer pou depanse, dan en fason disiplinen.

En Gouvernman responsab i bezwen annan en plan kler ki mannyer i pou kolekte reveni, pou finans son depans.

En Gouvernman responsab i bezwen a tou moman asire ki son det i reste soutenab, akoz a okenn moman ki nou fer fas avek en kriz nou annan lespas fiskal pou reazir a en tel sok.

Mr Speaker, mon'n komans mon larepons ladres Bidze koumsa pou ankor enn fwa met lanfaz lo sa 3 prensip enportan ki pou toulstan diriz labaz preparasyon Bidze, tan ki sa Gouvernman responsab i o pouvwar.

Avek Bidze nou pei, nou pa zwe politik popilis e sertennman nou pa zwe politik bon marse.

Bidze politik popilis ek bon marse Mr Speaker, in toulstan plonz nou pei ek nou

sitwayen dan det. Ki fer nou kontinyen servi plis larzan dan Bidze pou re pey *loan* olye envestir dan nou dimoun ek lenfrastriktir.

Sa Gouvernman Mr Speaker, ankor enn fwa mon repe, pou reste responsab dan preparasyon Bidze e pa pou zanmen fer politik popilis e bon marse.

Mr Speaker pandan sa 3 zour mon'n akord lakourtwazi tou bann Manm Onorab pou ekout zot repons atantivman.

Mr Speaker mon bezwen dir ki mon'n realiz en keksoz. Ou kapab fer pli byen, ou kapab donn 100poursan. Ou kapab donn zetwal dan lesyel, pou serten zanmen pou ase e zanmen pou bon.

Akoz zot, zot zis lafen pouvwar. Zot lanbisyon pouvwar i fer zot vin destriktif, negativ, ipokrit e manipil laverite zis pou senm konfizyon.

Mon kestyon pou sa group se, eski zot oule Sesel e Seselwa i fait zis pou zot reganny pouvwar?

Sa Lopozisyon Mr Speaker fransman i enn ki napa Sesel e Seselwa aker. Zis dan 2an apre nou pli gran kriz ekonomik dan listwar nou pei, Seselwa e Sesel pe komans rezouir benefis zot sakrifis e travay dir.

Lopozisyon i vini avek en litani konplent, konfizyon ek egzazerasyon, ki fer mwan tonm lo konklyzon ki zot pa konpran mannyer en lekonomi en pei i marse. Selman mon krwar ki sa pa naryen nouvo.

Listwar in prouve ki zot sertennman enkonpetan e *grossly ineffective*, an sa ki konsern zer lekonomi e finansman sa pei!

**(APPLAUSE)**

### **MINISTER NAADIR HASSAN**

An dizan sa, mon oule fer mazin bann Onorab Lopozisyon sirtou Onorab Cosgrow ki'n dir nou ki son parti in etablir bann fon fondasyon ekonomik zis an ka ki zot in blyie ki dan sa listwar ekonomik Sesel zis en parti ki'n fer sa pei fait.

Eski zot oule mon dir lekel sa parti? Wi zot menm US ek tou zot predeseser avan zot!

**(APPLAUSE)**

### **MINISTER NAADIR HASSAN**

An plis zot pa'n fer sa pei fait, 1fwa me 2fwa! Mr Speaker an 2008 e 2020. Alor mon anvi demann zot, ki bann bon fondasyon ekonomik ki zot in met an plas? Bann ki montre nou ki mannyer pou fer en pei fait?

Annou pa pliy letan 'NAPA' avan 2008. Ozordi omwen nou annan en kantite swa pou nou swazir kwa ki nou depans nou larzan lo la. Pa blyi ler ti napa deviz etranzer. Kot nou ti annan drwa vwayaz avek zis \$400.

Be nou'n pas dan ben nou, akoz sa parti ki ozordi Lopozisyon. Ler ou ti pe fer ou kommisyon, si ou ti vreman sanse ou ti bezwen pas dan en karantenn laboutik avan ki ou ganny sa ki ou bezwen. Ki pli pa gou ankor Mr Speaker, ozordi nou war ki pandan sa bann menm letan kot ti napa marsandiz e ti napa deviz. Seselwa ti pe trimouse, serten zot ban dalon tre pros avek per fonder ti pe donn bal!

**(APPLAUSE)**

### **MINISTER NAADIR HASSAN**

Nou pei ek nou dimoun ti pe soufer, me zot, zot ti pe sis nou sistèm ziska ti'n nepli kapab debout, alor deklar fait, rod IMF pou vin tir nou dan sa ben US. Atraver ou Mr Speaker sa Onorab Loze i en fe!

E lo sa not Mr Speaker, mon annan en lapel avek tou Seselwa sirtou bann zenn. Pou silvouple pa al aprann *economics* lo *YouTube*,

kontrerman avek sa ki Onorab in demann ou pou fer.

**(APPLAUSE)**

**MINISTER NAADIR HASSAN**

La prezan mon konpran akoz sa pei in fait anba zot. Zot in al pran *economics* zis lo *YouTube*.

*(laughter)*

**MINISTER NAADIR HASSAN**

Sa lektir sa Onorab mon bezwen dir i depas tou ki mon'n aprann dan mon letid e mon karyer. Enkrwayab Mr Speaker! Apard sa Mr Speaker mon napa bokou pou dir lo sa Onorab ki in dir akoz *economics* lo *YouTube*, pa dan mon domenn.

Mr Speaker mon lapel avek tou Seselwa sa bann zoli parol ki sa Lopozisyon pe pas o bor zot lalev i zis zoli parol. Me enn ki pa responsab, pa serye e en parti dan konfizyon total, en parti resikle ek en bann Manm resikle, ek en bann Polisi resikle!

**(APPLAUSE)**

**MINISTER NAADIR HASSAN**

Zot pe zis tourn an ron zis akoz zot dezespere pou vin o pouvwar. Sa Bidze 2023 Mr Speaker ...

**MR SPEAKER**

*(murmurings Off-Mic)*

**MINISTER NAADIR HASSAN**

Ale bann Manm silvouple nou ava ekout avek respe? Eski ...

*(Interruption)*

**MINISTER NAADIR HASSAN**

... mon pe *call* bann Manm to *Order* ankor enn fwa. Tou Manm ki'n koze in lib pou eksprim zot lopinyon politik e zot in fer li fortman.

Alor permet Minis fer son larepons.

**MINISTER NAADIR HASSAN**

Sa Bidze 2023 Mr Speaker i enn ki ankor enn fwa i baze lo distribye en pe sa bon rezulta sa travay dir e sakrifis ki nou pep i fer pandan sa dernyen 2an.

Mr Speaker apre 2an sakrifis en group Seselwa pe al ganny en logmantasyon saler. Apre 2an tou travayer i garanti en poursantaz premye peyman 13enm mwan e bann ki travay dir pou ganny 100 poursan.

Apre 2an, Gouvernman i met en striktir an plas pou asire ki tou zanfan dan lekol Leta i ganny en goute.

Apre 2an, tou etidyan ki'n kalifye pou kontiny zot letid iniversiter in kapab ale.

Apre 2an, det pei i lo bon semen pou redwir pou vin soutenab.

Apre 2an, depandans lo benefis sosyal in redwir akoz plis dimoun i dan travay.

Apre 2an, lenvestisman dan facilite sportif ki'n anvair anba zot Gouvernman pe ganny fer.

Apre 2an, bokou lenvestisman dan lenfrastriktir lo bann Zil Pros pe ganny fer.

Apre 2an, Gouvernman pe etablir fondasyon pou diversifye nou lekonomi e redwir depandans lo Sekter Tourizm.

Apre 2an, bann zenn ki'n tonbe pe al ganny en Sant Reabilitasyon.

Apre 2an, Servis *Home Care* pe al ganny profesionalize anba en lankadreman legal.

Apre 2an, Gouvernman pou annan plis larzan pou envestir dan proze lakaz.

Apre 2an, Gouvernman pe met plis facilite a dispozisyon nou dimoun pou zot ed zot lekor ki swa dan ledikasyon, lakaz, Sekter Sosyal, lenfrastriktir, lapes, lantreprenarya e tou lezot sekter ankor.

Mr Speaker, sa i nou realite 2an apre sa pandemik *Covid-19*. E an plis apre sa kriz mondyal ki ankor pe devlope akoz sa lager ant Larisi ek

Ikrenn. En realite ki sa Gouvernman responsab pe delivre pou Lepep Seselwa.

Mr Speaker sa ki Onorab Cosgrow pe dir ki nou pe ankor pe anmenn Polisi son parti. Me les mwan fer kler ki sa ki mon'n mansyonnen anler i nou Polisi.

**(APPLAUSE)**

### **MINISTER NAADIR HASSAN**

Ser, frer, pep Seselwa, ler aksyon ou Gouvernman pe ganny rekonnet pou son aksyon responsab e disiplinen pandan sa dernyen lannen, e ki son rezulta i enn ki remarkab, eski ou demann ou lekor akoz lopozisyon li i annan en lot versyon?

Ler ou tann bann zofisyen *IMF* pe koze ki mannyer sa relansman lekonomi Sesel i enn empresyonan, eski sa bann dimoun pe fer krwar? A sak fwa ki nou al *meeting* nou ganny demande pou fer prezantasyon lo ki mannyer relansman nou lekonomi in en sikse. Nou *meeting* i plen avek sa bann kalite prezantasyon. Eski sa bann dimoun pe fer krwar?

Ler ou war bann lenstitisyen enternasyonal parey Labank Mondyal, Labank Afriken pou Developman e Labank Developman pou Komers, e bann pei zanmi pe

pare pou envestir e siport Sesel, eski sa bann dimoun pe fer krwar?

Eski lemonn antye pe tou senpleman fer krwar, pe koz lalang, pe manipil Seselwa ek kominate enternasyonal? Ser, frer Seselwa annou pa les nou ganny anbete par en bann politisyen ki zis vin fer politik popilis ek politik bon marse, zis pou zot ganny vot.

Mr Speaker aprezan les mwan vin en kou lo bann repons apre mon ladres Bidze. Mon'n anvi premyerman remersi bann Manm parti mazoriter *LDS* pou zot sipor. Mon osi vreman rekonforte avek *feedback* Lepep Seselwa ki an gran mazorite in demontre zot sipor Bidze 2023.

Mr Speaker, ankor enn fwa mon'n vreman dezapwente avek repons bann Manm parti Lopozisyon. Dezapwente me pa soke. Enn bann pli gran dezapwentman se zot mank konprenezon ki mannyer en Bidze i ganny prepare e ki bann paramet ki egziste.

Mr Speaker mon a sey met li dan en fason pli senp posib pou zot kapab konpran. Dan en Bidze i annan 2 konponan kle. Enn, se depans ki Gouvernman i fer. E de, reveni ki ou Gouvernman i anmase.

Ladiferans ant le de Mr Speaker, i fakter i determinen si ou annan en defisit ou en sirplis. Si ou annan en defisit ou bezwen al pret plis larzan pou finans sa bann depans. E si ou fer sirplis ou servi sa pou re pey ou det.

Mr Speaker sa i menm prensip ki okenn lakour oubyen en fanmir i bezwen fer. Ou depans dapre ou mwayen. Si non ou tonm dan det e ou napa *saving*.

Mr Speaker ou pa bezwen al lo *YouTube*, ni *google* pou aprann sa. Rezon mon anvi eksplik dan en fason pli senp posib sa bann prensip se akoz mon santi ki bann Manm dan Lopozisyon pa'n konpran li ditou. E akoz mon dir sa? Ler mon'n ekout zot repons bokou bann largiman i montre ki zot konprenezon lo Bidze en pei i vreman feb.

Zot dir Gouvernman in *fail* akoz i pa'n donn travayer sekter prive en logmantasyon saler; pa'n donn pansyoner plis larzan. Annefe donn tou dimoun plis larzan. I annan serten zot, zot in osi dir napa ase larzan ki'n ganny mete lo bann proze kapital oubyen nou pa'n met ase larzan dan Ledikasyon. Dan Lasante osi napa ase.

Be Mr Speaker lo lot kote selman zot dir i mal ki Gouvernman in met bann nouvo *tax* pou anmas plis reveni. Dan en senp term Mr Speaker sa ki mon'n tande avek bann Manm lopozisyon pandan sa 3 zour se ki Gouvernman i devret pe depans plis, me anmas mwens!

Mon kestyon pou zot dan Lopozisyon. Be kote sa larzan pou finans bann depans an plis pou sorti? Eski zot annan en sours larzan ki nou pa konnen? Eski zot konnen kor sours larzan i ete? Petet sa bann larzan koripsyon lepase. Si wi les mon konnen e nou ava fer sa travay pou met sa larzan travay dan Bidze!

Mr Speaker *Leader* Lopozisyon i dir tir larzan dan proze kapital e met dan saler. Serten son bann lezot koleg i mansyonn plizyer lezot proze kapital, ki'n devret ganny fer tel dan Sport, dan Lasante, e lezot.

Eski ler zot in prepar zot larepons, zot pa'n konsilte, pou asire ki zot lo menm frekans? Pou asire ki zot pe koz menm langaz e pa vin kontradwir kanmarad?

Ler mon lo sa size proze kapital bokou in ganny dir. Lo kote Lopozisyon bokou in dir pa ase ouswa tire met dan saler. Me enn bann komanter ki mon

tande se ki Gouvernman i inefektiv e pa pou delivre.

Wi Mr Speaker parey mon'n dir dan lepase egzekisyon bann proze i en gran defi. I en defi ki sa Gouvernman i pran tre o serye e ki i determinen pou adrese. Me selman Mr Speaker parey labitid i annan bokou lipokrizi dan kan Lopozisyon e les mon ilistre akoz mon'n dir sa.

Nou pa bezwen al tro lwen pou ilistre sa kalite lipokrizi. An 2019 lannen ki ti napa gran defi dan lekonomi, Gouvernman *US* ti anonse dan Bidze pou sa lannen, ki pou annan plizyer proze kapital ki pou ganny konstri.

Mon a liste, rekonstriksyon Lekol La Rosière Primer. Eski in fer? Non, nou Gouvernman ki pe fer.

**(APPLAUSE)**

### **MINISTER NAADIR HASSAN**

En dezyenm Lekol Primer Ile Perseverance, eski in fer? Non!

Rekonstriksyon lekol La Digue, eski in fer? Non, nou Gouvernman ki pe al fer.

Nouvo lekol pou Letid Biznes e en lot pou *Arts and Designs*, eski in fer? Non!

Konstriksyon lopital La Digue, eski in fer? Non, nou Gouvernman ki pe al fer.

**(APPLAUSE)**

**MINISTER NAADIR HASSAN**

Konstriksyon Klinik Baie Lazare, eski in fer? Non, nou Gouvernman ki pe fer.

**(APPLAUSE)**

**MINISTER NAADIR HASSAN**

Konstriksyon Unit Izolasyon, eski in fer? Non!

Konstriksyon *Maison Trwazyenm-Az* eski in fer? Non!

Konstriksyon Semen Pasquere, eski in fer? Non, nou ki pe al fer.

**(APPLAUSE)**

**MINISTER NAADIR HASSAN**

Renovasyon batiman Karnegi, eski in fer? Non, nou ki pe al fer.

**(APPLAUSE)**

**MINISTER NAADIR HASSAN**

Renovasyon Sant Kiltirel Nasyonal, eski in fer? Non, nou ki pe fer.

Konstriksyon en nouveau blok ladministrasyon pou Lenstiti Kreol, eski in fer? Non!

Mr Speaker tousala ti dan Bidze 2019 e ti pou ganny fer

par en Gouvernman efektiv dapre zot.

Mr Speaker tou sa proze ki mon'n fek mansyonnen ti dan Bidze 2019 e larzan ti'n bidzete. Eski Gouvernman US ti fer? Larepons se non. Zot pa'n delivre. Eski sa alor i fer ki zot Gouvernman pa ti efikas, bann amater, mank leksperyans e *grossly ineffective?*

Vreman drol ler zot in o pouvwar depi 1977. En lot laspe zot lipokrizi Mr Speaker. Retar dan lenplimantasyon proze in toultan egziste e i sertennman pa en fenomenn nouvo.

Mr Speaker si i annan en distrik dan pei ki apre tou a letan ki'n ganny neglize sa se La Digue. Me ozordi sa bastyon pe ganny en nouveau souf. Zis pandan sa dernyen 2an sa zil pe ganny li en nouveau Lopital modern gras a sa nouveau Gouvernman.

Zis pandan sa dernyen 2an sa zil pe al ganny en nouveau sistenm *sewage*. Gras a sa nouveau Gouvernman. Zis pandan sa dernyen 2an pe annan lagrandisman Por lo sa zil, gras a sa nouveau Gouvernman. Zis pandan sa dernyen 2an, sa zil pe al ganny li son lekol nef. E ankor enn fwa se gras a sa nouveau Gouvernman.

*(Interruption)***(APPLAUSE)****MINISTER NAADIR HASSAN**

Mr Speaker sa Gouvernman pe travay pou Digwa. Alor mon pa war li drol ki sa Onorab ki sipoze pe rod tou sa ki pli meyer pou son distrik, pe sant laglware pe dir se gras a li ki sa Gouvernman pe travay e zot pa lo vakans.

Onorab, Onorab zis an ka ou'n bliy ou listwar, les mwan fer ou rapel si vreman ou ti met presyon pou ganny sa novo Lopital.

Lekel sef pou fer petisyon kont sa novo Lopital? En petisyon ranpli avek fo sinyatir mon kapab dir Mr Speaker!

**(APPLAUSE)***(Interruption)***MR SPEAKER**

*Order!*

*(Interruption)***MINISTER NAADIR HASSAN**

Sa ti sel presyon ki ou ti mete. Ou seryezman pa ti oule ki ...

**MR SPEAKER**

Minis, Minis aret en pti kou. Onorab Pillay mon pe demann ou aport en pe respe pou Minis ki la. Mon pe fer sorti ankor enn fwa ki Onorab Pillay avek parti Lopozisyon in ganny sans dir tou sa ki zot ti anvi dir. E in anna lakizasyon kont Minis, kont son konpetans, kont son Bidze.

Minis parey in dir, in asize in ekoute avek kourtwazi. Donk mon pe demann Onorab Pillay ankor enn fwa, i ki sipoze en *Leader* dan Lasanble, pou konport li, konport li silvouple. Konport ou silvouple Onorab.

Nou pou bezwen, nou bezwen fer kontinyasyon sa prosedir lo *Appropriation Bill* annord. Mon a profite mon ava demann Manm *LDS* pou gard en pe tanpere zot aplodisman silvouple, pou pa deranz Lasanble. Mersi.

Minis eskiz mwan pou sa enteripsyon ou ava kontinyen silvouple.

**MINISTER NADIR HASSAN**

Mersi Mr Speaker. E wi sa ti sel presyon ki ou ti mete. Ou seryezman pa ti oule ki La Digue i ganny en novo Lopital pou servi tou Digwa. Zis akoz

ou Gouvernman pa'n kapab fer akoz li i ti lo vakans.

Promes sa Lopital La Digue i en promes en bann lannen. Mon kestyон pou ou Onorab se lekel ki ti lo vakans? Be pa ti ou Gouvernman?

Mr Speaker sa Lopozisyon in toulstan akiz nou pou koup riban e pran laglwar lo zot proze ki zot Gouvernman in konstri oubyen ti pe konstri.

Mr Speaker sanmenm ki arive ler ou en Gouvernman inefektiv e pa kapab fer naryen ou konplet naryen. Ou kanmarad i bezwen vin fer pou ou. Onorab fer sir ki ou pa lo vakans ler riban i koupe pou novo Lopital La Digue!

**(APPLAUSE)**

### **MINISTER NAADIR HASSAN**

E dan en siny ki vreman sa Gouvernman pe travay e sertennman pa lo vakans, Zedi mon pe mont La Digue avek en delegasyon Saoudyen ki pe finans sa *loan* pou novo lekol. Fer sir ou pa lo vakans Zedi Onorab. E fer sir ki nou pa ganny en lot petisyon kont sa proze, akoz ou konn tre byen ki nou fer avek sa bann kalite petisyon.

Mr Speaker mon anvi refer lo serten bann pwen ki Onorab Lemiel in fer monte lo

son repons Bidze. Premyerman mon vreman rekoforte ki in admet ki bokou dimoun in dir ki sa en bon Bidze. Metoudmenm in vin avek en lalis proze dan son distrik ki osi mon distrik.

Premyerman Lakres Anse Royale; Mr Speaker retar dan lakres Anse Royale i enn ki fer mwani vreman ankoler. Akoz sa retar? Senpleman move planifikasyon.

En plan inisyal ki ti mank plizyer konponan pou en lekol, ti menm annan laport ek lafnet ki ti manke.

E sa i fer bann travay adisyonnel ki fer pri monte e i annan en dezakor avek kontrakter. Sa retar konstriksyon lakres Anse Royale, i en legzanp tipik ki mannyer proze ti ganny fer dan lepase. Zis parey le fame *Music Stadium*. Alor ozordi Gouvernman pe bezwen al rektifye tou sa problem e rod larzan adisyonnel pou son finansman. Sanmenm ki zot dir zot ti en Gouvernman efektiv.

Be prezan ou blanm nou Gouvernman pou zis koup riban ler ki zot ki'n donn nesans? Zot Gouvernman inefikas pa konn planifie, sanmenm apre ki zot donn nesans, set en lot ki bezwen fer grandi. Sa se en Gouvernman ki

ti mank responsabilite. Koman en vre zabitan sa zoli Distrik Anse Royale kot mon'n ne e grandi, kot mon paran e granparan in ne e grandi, mon pou fer tou pou met li o sa oter ki i merite.

Onorab mon krwar ou a dakor ek mwan ki Anse Royale osi in ganny bokou neglize, kantmenm in toultan ganny dekrir koman dezyenm lavil. E sa lannen bokou travay pou bezwen ganny fer pou nou ganny nou *sport complex* dan nou distrik. Mon asire ki nou ava koup sa riban finalman pou Anse Royale. Mon swete ou ava la pou koup sa riban ek mwan.

Mr Speaker sa Gouvernman pou toultan envestir pou lager kont koripsyon. Sa i enn bann prensip nou Gouvernman. Okenn dimoun ki mal servi oubyen vol larzan piblik pa pou ganny soutire anba sa Gouvernman. E la mon anvi reasir Onorab Gabriel ki'n lev konsern lo sa size, kantite larzan ki Komisyon Anti-Koripsyon pe gannyen an 2023.

Ki sa pou kontinyen an vi lakantite e konpleksite bann ka koripsyon ki'n arive anba zot Gouvernman Mr Speaker. Sel lasirans ki mon kapab donn sa Onorab se espere apre ou ava konnen akoz sa Gouvernman

pe donn plis larzan ACCS. La ou a konnen ki mannyer son parti in les koripsyon ronny Sesel e lekel ki responsab.

Mr Speaker ler mon koz en kou lo sa size saler, les mon koz en kou lo sa size saler. Parey ti ekspekte Lopozisyon in sey tir lipou ek sa logmantasyon. Me in vreman difisil pou zot ganny ni en pti lipou. An rezimen, zot largiman i donn sa logmantasyon depi Zanvye olye Avril. Me dan Bidze 2019 zot Minis ti anonse ki sa logmantasyon 5 poursan ti pou pran lefe an Zilyet.

Apre an ka zot in bliye sa logmantasyon ti pou lekel? Me ti pou zis travayer sekter piblik. Zot Gouvernman pa ti anons okenn logmantasyon pou travayer sekter prive. Lopozisyon silvouple avan zot vin remontrans nou, get dan zot pase avan.

En lot largiman popilis ki zot pe anmenn pandan sa 3 zour, se pou donn sa logmantasyon travayer sekter prive. Ankor enn fwa mon pou repeate Gouvernman i travay lo en Bidze pou Gouvernman. Si nou pou donn travayer sekter prive logmantasyon, be ki mannyer Gouvernman pou finans sa logmantasyon?

Eski zot pe dir nou al fer en lot FA4JR? Zot konn tre byen

konbyen FA4JR in kout sa pei. La nou annan en det plis ki R1.5 bilyon ki'n ganny azoute lo sak Seselwa pou bezwen peye. Les mwan fer kler okenn det ki pei i pran i tonm lo sak ant nou pou peye dan lavenir. Sa i larealite.

Me an dizan sa Mr Speaker, mon ankor enn fwa fer en lapel avek anplwayer dan sekter prive pou silvouple donn zot travayer en logmantasyon si zot kapab.

Mr Speaker an sa ki konsern Sekter Parastatal, mon anvi dir ki laplipar travayer dan sa sekter ozordi, zot saler i bokou pli o ki Sekter Gouvernman.

*PEMC* pe esper propozisyon sorti kot sa bann antite, an sa ki konsern saler dan Sekter Parastatal pou asire ki i annan egalite e lazistis dan nivo saler onivo Sekter Piblik e Sekter Parastatal, touzour prenon kont bann spesifisite.

Mr Speaker dan lepase Lopozisyon ti fer bokou tapaz e demande kantmenm pei pa ti ankor ganny resours zot ti kriy aotvwa, Mr Speaker pou kantmenm donn 50poursan 13enm mwan. zot dir donn ogmantasyon saler. Si ozordi nou pe kapab donn sa ki zot in demande, se gras a aksyon e

desizyon en Gouvernman responsab.

En Gouvernman ki pa pou zanmen pran zot presyon e i pou donn li ler i kapab. Me pa akoz zot presyon. Sa Gouvernman pe travay e nou pe demann tou Seselwa pou kontinyen travay e dousman, dousman nou pou kontinyen rekolte sa ki nou merite.

Mon rapel pou US ki ankor pe demande menm, ki pou arive ler nou pou napa personn ankor pou donne. Ki zot pou dir nou donne prezan. Eski zot pou dir nou donn pou grenwir? Mon kit sa la.

Mr Speaker kestyon ki'n ganny demande a plizer repriz isi la anndan se, akoz bann pansyoner pa pe ganny en logmantasyon? Mon anvi fer en keksoz kler ki sa sipor finansyel tanporer entrodwir an Zilyet 2022, pou kontinyen pandan 2023 pou bann pansyoner ki pe ganny mwens ki R9 mil.

Savedir laplipar pansyoner pou ganny R9mil par mwan. An plis Gouvernman i sibvansyonn zot pri tiket bis avek SPTC. Par an i kout Gouvernman R10 milyon pou asire ki nou bann pansyoner pa pey tiket bis SPTC.

Mr Speaker mon le dir ki ler bann pansyoner zwir en pansyon ki enkli Sekirite

Sosyal, Fon Pansyon, ansanm avek sa sipor finansyel tanporer ki fer zot R9mil par mwan, i annan 4 mil 927 travayer dan Sekter Piblik ki enkli bann *home carers* ek travayer *Cleaners Corporative* pe travay a ler aktyel ki ganny mwens ki 9mil par mwan.

Zot, zot bezwen pey pri tiket bis pou al travay laplipar zot, zot annan zanfan anba laz ki ankor pe lekol e zot kapab annan en *loan*. E zot pe *rent* lakaz. Mr Speaker depans pa parey. Alor annou get byen. Me mon kapab dir avek bann pansyoner ki nou pa'n bliy zot.

Lo sa size *home carer* pa kree enn Lazans *Home Care* Gouvernman in oule profesyonnalizm sa servis. Kot bann ki ti ganny anploye avek sa Lazans zot ava ganny formasyon neseser ki mannyer pou okip en dimoun aze. Mr Speaker nou tou nou konnen ki mannyer i annan en kantite defo avek sa sistenm ki'n toulstan la.

Sa bann dimoun ki pe pran ka avek sa bann dimoun aze zot napa formasyon zot napa en *job description*. Nou oule ki servis *home care* i ganny enplimante dan en lankadreman legal kot sa bann *home carers* ek zot kliyan zot konn zot drwa e responsabilite.

Deplis ler bann *home carer* i ganny anploye formelman zot ava annan akse avek lezot servis tel ki pran en *loan*, ki anba sistenm aktyel zot rankontre pa mal problem. Mr Speaker sa Gouvernman efektiv pe finalman donn *home carers* zot dinyite koman en travayer.

Mr Speaker mon osi koz en kou lo sa size benefis sosyal e la mwan mon bezwen dir ki lo sa size nou annan en gran diferans fondamantal ant le de parti.

Prensip parti *LDS* i ki lasistans sosyal i la pou ed ou dan moman ki ou tonbe. I la pou ed ou, ed ou lekor pou sorti dan lapovrete e ganny ou laliberte ekonomik, kot ou vin en sitwayen ki lib, annan dinyite pou ou kapab sonny ou fanmir.

*LDS* pa oule ki personn ki kapab pou vin depandan lo benefis sosyal. *LDS* i dir ek ou leve e al debourye. Pa depandan lo okenn pou ou viv. Par kont Mr Speaker parti *US* son policy *Welfare* i fonde lo bann prensip kontrol. *US* i anvi ki ou toulstan reste dan lapovrete. Akoz? Akoz ler ou depandan i kontrol ou, akoz lo ki determinen ki lasistans ou pou gannyen.

I oule ki ou manz dan son lanmen pou larestan ou lavi. Akoz son sel bi se ki li i pou

servi ou pou li reste o pouwwar. E bann Gran Sef i ava benefisyé lo ou lasyer. Seselwa sa i en sistenm ki bezwen ganny kase a tou pri. Pa les ou vin en pyon ki pou ganny servi zis pou serten reste o pouwwar. Nou tou nou annan nou abilité pou epanouir, nou zis bezwen asire ki nou sezi nou loportinite ki vin devan nou.

Mr Speaker politik fey tol, *flat screen* ek masin lave in fini Sesel.

**(APPLAUSE)**

**MINISTER NAADIR HASSAN**

Mr Speaker apre 2an travay dir ek sakrifis de lapar nou tou. Sa Gouvernman in reisi ozordi donn Seselwa serten rekompans pou zot pasyans ek rezilyans.

Dan sa ki nou ede konstri pou rekolte ansanm, Gouvernman pe partaz en pe sa larises. Alors mon pa konpran akoz i annan sa retorik ki Bidze 2023 i en Bidze politik.

Kisia vreman en Bidze politik mon demann mon lekor? Eski akoz nou pe partaz en pe sa ki nou rekolte, ki sa i fer ki Bidze 2023 i vin en Bidze politik?

Kwa ki mal dan partaze ler rekolt in bon? Mon krwar mon kapab annan en larepons pou sa kestyon Mr Speaker.

Anba Lopozisyon listwar in monte ki Seselwa ti ganny en pti zafer selman ler sa parti ti oule en keksoz avek ou.

I ti sere, i ti get zis pou zot bann, i ti les son bann dalon pran, pran, e pran. Sis resours nou pei pou zot benefis personnel pandan 43an. E ki ti arive pros avek eleksyon? Sang ti pete apre tou sa letan ki ou ti'n ganny demande pou ser sang. La zot ti mazinen ki zot bezwen vot Seselwa e alor zot ti donn en pti gin.

Sa Lopozisyon in kontan donn Seselwa pti bout par pti bout, tandis ki pli gro bout i partaze antre zot. Seselwa zis mazinen si zis dan 2an avek sa travay dir ek sakrifis, sa Gouvernman responsab e serye in kapab *afford* pou donn ou en logmantasyon 10poursan lo ou saler. Apre 2an tre dir.

Be ki mannyer zot ti pou lwen ozordi si sa Lopozisyon ti'n byen zer nou pei pandan sa 43an ki zot in pran. Zis mazinen 2an *LDS* e 43an *US*. Seselwa ziz-e pou zot menm.

Mr Speaker les mwan reasir tou Seselwa ki sa Gouvernman pa pou zanmen zwe politik avek Bidze pei. Dan sa Gouvernman ler nou kapab nou pou toultan distribye sa larises, san ki nou bezwen esper okenn eleksyon. Mr

*Speaker Seychelles and  
Seychellois deserves better!*

Mr Speaker Bidze 2023 i montre, Mr Speaker Bidze 2023 i montre nou gran diferans avek *LDS* ek *US*. Dan 2an nou striktir lekonomi fiskal e monneter pe met fondasyon pou ou pei kontinyen progrese e reste rezilyan an ka okenn kriz i tap nou pei.

Mr Speaker kantmenm pa relye avek Bidze, mon anvi koz lo sa size pri lavi. Enn sa largiman ki mon'n komans fer nasyonalman. Parey labitid *US* avek zot politik popilis in fer bokou teat lo la. Me si zot ti pou realize ki zot, pou ki si zot ti ekoute e aprann sa ti pou en bon keksoz pou zot.

Les mwan met serten statistik depi 2008 devan zot ki mannyer pti in monte Sesel. An 2008 pri ti ogmant par 27 poursan. 2009 - 31poursan. 2010 ti tonm par 2.4poursan.

Mont ankor 2011 - 2.6poursan. 2012 ti mont par 7.1poursan. 2013 - 4.3 poursan. 2014 - 1.4poursan. 2015 - 4 poursan e mazorite lannen i monte. Menm si ou al pli lwen ki 2008 ou pou war ki pri an mwayenn pa'n desann. Mr Speaker ni menm pri en boutey lasos tomat *US* pa'n kapab fer desann.

**(APPLAUSE)**

**MINISTER NAADIR HASSAN**

Mr Speaker rol Labank Santral se kontrol to ki pri i monte. Sa i rezon ki mwan mon'n dir se *income* ki bezwen monte. Pri lavi i toulstan depan lo si ou *income* i ase kantmenm pri komodite i o. Savedir ou kapab *afford*.

La kot nou bezwen komans mazin diferan. Akoz pandan sa 43an parti *US* pe dir ki zot pe fer pri desann. Me *statistic* i montre ki sa i pa'n le ka. Savedir zot in *fail*? Me mon pe met en lot propozisyon lo latab. Se annou kree bann sekter ek louvraz ki pey plis. Savedir nou dimoun ava ganny plis reveni pou depans lo komodite ek servis.

Mr Speaker, me selman si parti *US* i ankor le fer *economics* *YouTube* ek *google* parey Onorab Loze in *advice*, sa i zot problemm. E mon asir zot rezulta i pou menm parey ki nou'n war pandan sa dernyen 43an kot pri a long term pa'n desann. Seselwa reflesir byen lo sa bann largiman ki mon'n met devan.

Mr Speaker avan terminen ou konnen dan sa ladministrasyon nou'n ganny akize konmkwa nou pe donn nou lekor logmantasyon isi, logmantasyon par laba. Me sa

Lopozisyon ipokrit zot pa koze lo zot prop *perks* ki zot gannyen.

Dirizan Lopozisyon i ganny en saler R53mil 652 par mwan.

I ganny en *constituency allowance* R17mil par mwan. I ganny transpor. I ganny R86 mil zis pou karbiran. Parey zot kontan dir i ganny en *allowance palto*, ouswa petet en *allowance pitenge* ki R18mil par an.

*(Interruption)*

### **MINISTER NAADIR HASSAN**

I ganny en *hospitality allowance* R75mil par an. I ganny en *allowance telefon* R55mil par an. I ganny *security allowance* R350mil par an, ki tonm R29mil par mwan. I ganny lasirans medikal lavaler R16mil 58 par an.

Mr Speaker mwan mon dir avek Lopozisyon, “*if you live in a glass house don't throw stones!*”

***(APPLAUSE)***

### **MINISTER NAADIR HASSAN**

Mr Speaker en pti kestyion pou Onorab Cosgrow. Bann Minis dan Gouvernman dan son parti zot ti ganny lasirans medikal pou depans lasante? ZOT TI

ganny *clothing allowance?* ZOT PA TI GANNY *SECURITY ALLOWANCE?* ZOT PA TI GANNY *ALLOWANCE TELEFONN?* MON KIT LA LANMENM.

An konklizyon Mr Speaker, mon swete ki mon ganny sipor tou bann Manm Lasanble. E la mon mesaz pou parti Lopozisyon, se pa fer parey lannen pase kot zot ti vot kont merit Bidze 2022, me apre vot pou tou son bann *headings* ki ti demonstre zot lenkonsistans, lipokrizi e konfizyon.

Mr Speaker mon swete ki sa lannen zot in matir en pe plis politikman e zot kapab met Seselwa ek Sesel premye, par vot an faver Bidze 2023.

Mr Speaker, pandan deba Bidze pandan sa dernyen 2an, mon'n toulstan fer en lapel avek Lopozisyon pou zwenn ansanm avek nou pou nou travay pou Sesel. Mon ankor enn fwa fer sa menm lapel avek zot.

Mr Speaker, avek sa mon ti ava kontan ankor enn fwa remersi tou Seselwa ki'n travay konsyansyezman pandan sa dernyen 2an pou ed nou Gouvernman pou retir nou pei dan sa pli gro kriz ekonomik dan son listwar.

I pa'n fasil, in anfet difisil pou tou Seselwa. E pou nou osi koman en Gouvernman. Me sa Gouvernman in prouve ki i enn

ki efikas, responsab, pran aksyon ler i neseser e ki Lepep Seselwa i kapab fer li konfyans e kont lo li. E avek sa mon demann sipor lasanble pou aprouv sa Bidze 2023. Mersi Mr Speaker.

**(APPLAUSE)**

**MR SPEAKER**

Mersi Minis.

*(Interruption)*

**MR SPEAKER**

Bann Manm Lopozisyon - bann Manm Lopozisyon ki'n lev lanmen mon pa pou donn zot laparol.

**HON SEBASTIEN PILLAY**

*(Off-Mic)*

*(Interruption)*

**MR SPEAKER**

Onorab Pillay mon pa pe donn okenn *point of order* la! I pa lemoman.

**HON SEBASTIEN PILLAY**

*(Off-Mic)*

*(Interruption)*

**MR SPEAKER**

I pa lemoman pou *point of order* e mon pe demann ou respekte

Lasanble silvouple. E Onorab Loze.

Manm i ava prezan vot lo *general merit of the budget*. Manm ki an faver lev lanmen silvouple? Mersi. Manm ki vot kont lev lanmen silvouple.

Bon vot lo *general merit Appropriation Bill 2023*, 22 Manm in vot pour, 0 kont e 9 in *abstain*.

**(APPLAUSE)**

**MR SPEAKER**

*Appropriation Bill* in aprouve lo *Second Reading*. E Madanm Clerk i a fer *Second Reading*.

**MADAM CLERK**

Mersi Mr Speaker. A *Bill for an Act to provide for the service of the Republic of Seychelles for the year ending December 31<sup>st</sup> 2023*. Mersi Mr Speaker.

**MR SPEAKER**

Mersi. Minis mersi pou ou repons e mersi ou prezans pou sa Bidze lo deba, dan staz deba bann Manm.

Bon nou pou pran poz la e Lasanble pou repran 10 edmi pou komans *Committee Stage* lo alokasyon bann MDAs. Nou pran poz.

**(BREAK)**

## **PLANNING AUTHORITY**

### **MR DEPUTY SPEAKER**

Bonzour tou Manm Onorab. E byenveni a kontinyasyon nou travay lo *Appropriation Bill*, 2023 pou bomaten. E aprezan nou pe komans *Committee Stage*. Mon panse krwar ki bann komunikasyon in ganny sirkile avek tou Manm, nou annan tou bann dokiman ki nou pe travay avek apartir la.

E premye antite se *Planning Authority*. Donk nou pou bezwen al dan *Committee Stage*, pou kapab pou nou kontinyen. Nou al direk donk nou ava demann Serzan e *parliamentary reporter* pou kriy delegasyon *Planning Authority* ki nou kapab komans travay.

Antretan ki nou pe esper bann delegasyon arive, *time is of great importance* apartir la. Zot ava vvar poudir nou ti'n allocate 1erdtan pou *Planning Authority* apre i vin *Infrastructure*.

So bann kestyon silvouple. Tou lede *Caucus* mon ti ava demann zot pou kit li lo Bidze an-term target, an-term programm ki alokasyon in ganny fer. E nou evit bann kestyon lo *policy* ki souvan fwa i pran en kantite letan e kit

kestyon lo *policy* pou *Question for Oral Answers* ki nou ganny sans demande pandan lannen.

So koumsa nou ava kapab focus lo *the task at head* ki se regard Bidze e alokasyon ki pe donn sak bann antite. Mersi. Mon war Onorab. Onorab Pillay ou pe lev ou lanmen pou met ou non lo lalis kestyon?

### **HON SEBASTIEN PILLAY**

Non Mr Speaker, mon ti pe demann ou en led, si i posib. Wi mon ti pou bezwen ou led pou get en pti pe dan bann *allowance* ki mon sipoze pe gannyen. Akoz i annan detrwa *allowance* ki mon pa pe gannyen R75mil e R86 mil.

Mon krwar sa i al kot Lasanble petet si ou kapab ed mwan, akoz ou osi ou pe ganny sa ta *allowance* so ...

### **MR DEPUTY SPEAKER**

Non ki mon ti ava sizere ou fer letan nou *deal* avek Bidze Lasanble Nasyonal, ou lev sa bann size akoz *Planning Authority*, napa naryen pou fer avek ou bann *allowances*. Mersi.

### **HON SEBASTIEN PILLAY**

Ok savedir Minis pa'n koz laverite alors. *Thank you*, Mr Speaker, mersi en, *thank you*.

**MR DEPUTY SPEAKER**

Mon fini donn ou laparol se tou ki mon pe permet ou dir. Minis avek delegasyon arive eskize pou sa bann kalite komisyon ki zot pa ti sipoze pe *witness* bomaten. Mersi.

Bon nou ava swet labyenveni delegasyon ki pou avek nou pou travay lo Bidze *Planning Authority*. I dirize par Minis pou Later avek Lakaz Minis Billy Rangasamy. Sa ki pe akonpanny li i annan Sef Egzekitiv *Planning Authority* Ms Angela Servina. Mon osi rekonnet Depite *Comptroller General* Mr Jude Commettant ki sorti kot Minister Finans.

Apre i annan 2 zofisyen ki zot non i la, me solman akoz mon pa konn zot figir. Nou ava enform piblik lekel ki avek nou apre.

Wi akoz lo lalis i annan tou bann non, prezant mon pa neseserman asire lekel ki. I annan Ms Tania Desnousse li i *assistant accountant*. Ok. Apre nou annan en zofisyen ki - Terryl Adrienne li ki *Senior Finance Analyst*. Byenveni dan Lasanble Nasyonal.

Ki nou ava petet komanse nou tou nou konnen *Planning Authority* preski i annan nou ki'n la depi 2016, i annan ki'n la depi 2020, nou konnen rol ek fonksyon *Planning Authority*.

Me kekfwa nou ava donn pou komanse laparol swa Minis ouswa *CEO Planning Authority* pou donn nou en pti rezime sa Bidze *capture* kwa, koman aktivite *Planning Authority* pandan 2023, ki ava petet provok bann kestyon bann Manm Onorab. Mersi.

**MINISTER****BILLY****RANGASAMY**

Mersi bokou Mr Chairman. Tou Manm Lasanble prezant bomaten. Tou piblik a lekout, mon le dir zot en gran bonzour.

Annefe i fer mwan bokou plezir ozordi koman sa premye Minis ki'n vin devan Lasanble Nasyonal, pou vin prezant avek zot bann Bidze ki pe ganny propoze pou lannen 2023, pou bann antite ki tonm anba mon portfolyo.

E enn sa bann antite se Lotorite Plan Sesel. Me avan mon demare Mr Chairmen avek ou permision, mon priye ki Bondye Papa i ava beni nou pandan sa sesyon deba lo sa Bidze Nasyonal ki devan nou.

Alor san tarde, mon a komanse avek Bidze ki nou'n travay lo la e nou pe propoze pou Lotorite Plan Sesel pou 2023. Sa Lotorite i tre enportant e la mon anvi felisit Lotorite selebre zot 50an ki zot fek selebre. E felisit zot pou zot

50an ki zot fek selebre. Tou bann travayer, tou bann ki ankor ek nou. Bann ki'n kit nou osi mersi bokou.

Parey nou konnen Lotorite Plan i sa regilater prensipal Sekter Konstriksyon dan Sesel. Lotorite i fonksyonnen e retir son manda anba son novo Lalwa *Physical Planning Act, 2021*. Pou ki Lotorite Plan i kapab efektivman delivre son manda, an 2023 nou pe demann tou bann Onorab, tou Lasanble pou silvouple aprouv sa sonm R18.3 milyon pou ki sa Lotorite i ava kapab ganny ede fer son travay.

Sa i reprezent en logmantasyon R1.8 milyon an konparezon avek sa Bidze ki zot ti resevwar an lannen 2022. Sa logmantasyon i anliny avek bann logmantasyon dan revizyon saler ki Gouvernman pou donn bann travayer dan sekter piblik an 2023. I osi pran kont 13enm mwan saler ki Gouvernman pou donnen lo en baz performans an Zanyye 2023.

Sa Bidze i partaz an de; R13.4 milyon pou ede pey peyman saler e lezot benefis tel ki bann *allowance* e gratwite sa 50 travayer Seselwa.

E R4.9milyon i pou al dan *goods and services* ki kouver depans pou loperasyon

toulezour pou sa biro e travay Lotorite ki enkli son *Board* e 5 differan Komite. Parey ki mon'n mansyonnen pli boner, Lotorite Plan i sa regilater prensipal seksyon konstriksyon dan Sesel.

E i osi ganny mandate pou regilariz litilizasyon later atraver son bann teritwar dan nou pei. Loperasyon sa Lotorite i etale atraver preski tou sekter dan pei e son bann prosedir e loperasyon. I ganny fer konzwentman avek plizyer lezot Minister, Lazans e regilater tel ki regilater tel ki Departman Lanvironnman, Minister Lasante, Tourizm, Transpor, Lendistri parmi plizyer lezot.

Alor nou kapab vwar lenportans sa Lotorite. Avek larzan ki'n ganny met dan Bidze Nasional bann travay ki pou ganny fer dan lannen 2023, anliny avek son manda i *comme swivan*;

Enn, kontinyasyon preparasyon e lenplimantasyon bann plan litilizasyon later e bann plan devlopman - sa ki nou apel bann *land use plan* e *development plans*.

Dezyenmman, konsider bann laplikasyon laprouvasyon plan devlopman tel ki lakaz, plan arpantaz, plan pou batiman komersyal e endistriyel, semen, miray

plizer ankor ki pou ganny soumet an 2023.

An zeneral, nou ganny environ 2400 laplikasyon pa an. Swivan lo lenplimantasyon bann proze konstriksyon ki'n ganny laprouvason, nou pou bezwen kontinyen ek bann travay vreman enportan.

Bann *monitoring* bann sipervizyon lo sante pou nou travay for e fer sir bann plan ki'n aprouve pe ganny respekte. Alors la nou pou osi bezwen zot bann Onorab e tou kominote pou ed nou dan sa demars parke nou konnen nou bann proze i eparpiye partou dan distrik, dan montanny, dan vilaz.

Alors zot osi zet en koudey pou fer sir ki devlopman pe ganny fer lo en baz soutenab.

Katriyenmman, nou pe ofer gidans preliminer e konsey lo devlopman e konstriksyon potansyel - sa ki nou apel bann *pre-planning*. Sa nou ankouraz bokou parske i ed en developer ganny en apresyasyon si son proze pou ganny sa laprouvason neseser. Si i anliny avek *land use plan* e an menm tan avan ki i depans an ekse i ganny sa gidans byen boner.

Senkyenmman, nou pou fer bann travay final lo 2 regilasyon ki vreman enportan

ki reste pou siport *Physical Planning Act, 2021*.

Sizyenmman, nou pou travay pou revwar e redevelop bann Polisi e bann diferan gid parey nou dir sa bann *guidelines* dan domenn *land use planning* e dan domenn konstriksyon. So i annan en kantite travay devan nou. Me mon konvenki ki mon lekip i determinen.

E zot annan sa dinamiz koman bann zenn Seselwa for e konpetan pou zot fer sa bann travay.

So Mr Chairman avek sa de pti mo mon ava envit Lasanble Nasional pou Silvouple aprouv sa Bidze, fer deba neseser me a lafen aprouv nou Bidze afen ki nou kapab debrouye fer nou travay. Mersi Mr Chairman.

### **MR DEPUTY SPEAKER**

Mersi Minister. Donk nou ouver lasal aprezan pou kestyon pou *panel*. Premye entervenan mon pe evite se Onorab Vidot. E pou lenstans 2 kestyon par Manm apre nou ava gete ki manyer nou pe fer ek letan. Mersi.

### **HON AUDREY VIDOT**

Mersi Mr Speaker. Bonzour Minis ek ou delegasyon, tou Manm Onorab. Zabitan Roche

Caiman e tou manm piblik ki a lekout.

Minis i annan en logmantasyon signifikan dan Bidze 2023 pou karbiran, espesyalman anba programm 3 ki sorti 4milyon 2022 pou ariv 20milyon 2023, pour *fuel* sa en?

Apre i annan osi anba programm 3 pou *planning* anba programm 3 i annan en nouvo sonm sorti 60 ki'n ganny mete 60milyon ki'n ganny prozekte pour bann levennman, 60mil eskize. Eski ou kapab donn nou leksplikasyon lo la?

E dernyerman Minis eski sa Bidze i fer provizyon pou okenn nouvo demann Zofisyen ki pe fer supervizyon bann proze ki ganny aprouve, zisteman pou evit bann konfli ki arive dan bann distrik, kot parfwa bann semen lipye i ganny bloke ki anpeste sa i arive pou le fitir ler i annan bon *monitoring*? Mersi.

### **MR DEPUTY SPEAKER**

Mersi pou ou kestyon Onorab. *Panel.*

### **CEO ANGELA SERVINA**

Mersi Mr Chairman. Mersi Onorab pou ou bann kestyon. Sa *increase* ki nou pe vwar dan Bidze ou *fuel* i an relasyon avek fonksyon nouvo *Appeals Board* anba Lalwa ki i annan en nouvo

*Appeals Board* ki'n ganny etablir. Avan sa zot ti pe servi tou bann resours;- savedir an lannen 2022 sa *Board* ti ganny met ater an Avril 2022, letan ki nouvo Lalwa ti vin an fors e zot ti pe servi bann menm resours ki nou ti'n gannyen avek dan Bidze pou 2022.

So nou'n war ki i annan en pe presyon ki vin lo nou, akoz zot fer en kantite vizit, tou le semenn zot fer vizit. E nou ti fer en demann avek Minister Finans pou *increase*, ki en mannyer ki sak sa *Board* i a ganny son bann neseser pou li kapab fonksyonnen, enkli tou nou bann lezot *Board* osi akoz nou annan nou an tou 6, *Board* ek Komite nou annan 6, zot tou zot fer vizit.

So sa i aproposyonnen pou tou. E osi pou nou bann lezot aktivite ki nou fer sa i enn *in regards to fuel* i pran kont osi lenflasyon en pti pe ki i ladan. Ou dezyenm kestyon i *about*, si ou pa'n zis repet avek mwan Onorab - R60mil ou'n dir mwan?

### **MR DEPUTY SPEAKER**

*Proceed.*

### **HON AUDREY VIDOT**

I annan dan menm programm 3, i annan sa bout kot i dir "facilitate for special event". Si

ou kapab donn nou detay ki bann kalite levensman ki zot pe konsidere anba sa vot, akoz ou war i novo pou 2023. ti napa lannen pase - (sa lannen).

### **MR DEPUTY SPEAKER**

Mersi. CEO.

### **CEO ANGELA SERVINA**

Mersi Onorab. Ankor parey mon'n eksplike avan sa i pe al dan Bidze pou *Appeals Board*. Si petet zis mon ava klarifye avek Lasanble.

Oparavan dan Lalwa avan ti annan en Komite, *Appeal* ti tonm anba Minis. E ti annan en Komite ki ti fer sa bann travay preliminer pour desid lo *appeal*. Me letan ki Lalwa in sanze i annan sa *Board* ki'n ganny met an plas tou bann keksoz in sorti anba Minister. So tou sa bann aktivite ki zot ti pe fer pou zot fonksyon in tonm anba *Planning Authority*.

Sa R60mil i pou zot *venue* ki zot pou bezwen peye akoz, an vi Lalwa ki mannyer i ete zot konpletman lotonomi avek nou dan Lotorite avek Minister. So zot *meet* an deor *Planning Authority* - an deor Minister. Sa larzan i pou ganny servi pou lan, pou pey zot *venue* kot zot pou fer zot bann rankont - *ok?*

Mon krwar ou trwazyenm kestyon ti baze lo zofisyen an

term *development control* mon krwar pe koz lo la. Nou annan en- mon krwar ou'n demande si nou'n ganny novo *post* dan Bidze la - wi.

So nou Bidze i pa'n fer provizyon pou novo post *per se* dan *development control*, nou annan nou zis en novo *post* ki nou'n gannyen dan *Land Use Planning*. Me selman bann mouvman ki nou'n fer *internally* dan lannen 2022 anndan menm kot nou, in fer ki nou annan 2 *post* adisyonnel prezan anba *development control*.

So i annan sa zefor ki nou pe ganny fer pou re organiz en pe striktir travay ek prosedir, pou nou met en pe plis lizye lo teren. E parey Minister osi in fer sorti oparavan nou apresye ki parey ou menm ou en Onorab ki travay byen ek nou Onorab e letan zot war bann - kekfwa bann *issues* bann keksoz zot fer nou konnen osi.

Akoz nou kantite nou avek kantite devlopman aktiv ki annan dan pei *right now*. Mon pe koz ou en 1730 devlopman ki konstriksyon ki pe *go on*. I pa neseserman ki nou pou kapab ariv lo tou *site* a tou ler, a tou moman.

So nou kont lo distrik osi lo zot bann Onorab e bann manm piblik osi pou ed nou letan i annan bann keksoz ki

zot war in bezwen anmenn a nou laporte. Mersi bokou.

### **MR DEPUTY SPEAKER**

Mersi CEO. Prosen entervenan Onorab Pillay.

### **HON SEBASTIEN PILLAY**

Mersi Mr Chairman. Mr Chairman zis avan mon demann mon kestyon mon oule zis *remind* ou *Order 81(6)* ou pwen lo *policy*, e pou demann ou pou egzers serten fleksibilite akoz; -

*“Debate may take place upon that question, such debate being confined to the policy of the service. 81(6) consideration and ... Appropriation Bill” ceci dit mon kestyon pou CEO Planning Authority premye kestyon ki mon annan, ler mon pe regard ou bann emoluments mon war sa logmantasyon.*

E sa i relate to sa ki'n ganny anonse. Me mwan oule vin lo sa size konpansasyon. Eski anba bann *PSB Contract* ki bann zofisyen *Planning* i annan parey ou menm ou pou annan enn, eski *compensation for past year service* i ankor an aplikasyon? Savedir si ou'n fer 2an, apre ou fer ankor en Kontra 2an i annan sa 4an ki ou fer?

Oubyen, eski sa in ganny konsolide anba *Public Service*

*Bureau* an en *central vote* pou pey konpansasyon laba? E eski *Public Service Bureau* pe pey bann travayer pou sa bann *length of service*? Sa i mon premye kestyon.

Mon dezyenm kestyon, an relasyon avek *development control*, yer mon'n ekout bann deba Bidze e mon'n ekout mon koleg Onorab Hoareau from Beau Vallon e mon ekout plizyer lezot koleg, i annan en *issue* ki'n ganny souleve lo kantite letan ki pran pou aprouvasyon pou bann proze Gouvernman.

Eski ou kapab dir nou - malgre ki bann Manm lo lot kote in dir tou keksoz i *ok*, me eski ou kapab dir nou lo ou kote si i annan okenn retar lo kote Lotorite *Planning*? Akoz zot ki bann profesyonnel e *as far as I know* zot sey fer zot louvraz pli byen posib malgre tou difikilte ki zot gannyen - eski i annan sa difikilte ki Onorab Hoareau ti pe dir an piblik yer, an relasyon avek *Planning Authority* pou zot delivre lo zot manda?

E si ou a permet mwan Mr Chairman en dernyen pti pwen *regarding* en sonm dan Bidze. Ler ou dir nou ou'n ganny larzan pou *recruit* zis en *Development Control Officer. Land Use, Land Use sorry.*

Konbyen Zofisyen *Development Control* bann DC Officers la ou annan e eski sa realistikman pe permet ou delivre lo demann ki *Planning Authority* i annan pou la kantite proze ki i annan? Mon prezimen i annan en kantite proze e souvandfwa nou blanm Lotorite, me i annan en eleman ki nou bezwen konsidere si nou annan ase dimoun pou nou kapab fer sa travay? Mersi Mr Chairman.

### **MR DEPUTY SPEAKER**

Mersi Onorab. CEO.

### **CEO ANGELA SERVINA**

Mersi pou ou kestyon *Leader Lopozisyon*. Ou premye kestyon an term konpansasyon sa i ganny peye par *PSB* i nepli sorti dan anba nou Bidze. So tou bann konpansasyon i ganny peye par *PSB*.

Bann proze pou Gouvernman ou ti pe demann mwan. As far ki mwan mon aware la mazorite aepre 85poursan laplikasyon ki ganny submit avek nou, be it pou Gouvernman oubyen pou bann dimoun prive i ganny en larepons *within 4 weeks, 4 to 5 weeks*.

Me selman i annan proze ki pran plis letan ki sa toulstan depandan lo spesifisite sa

proze. Akoz i annan proze ki merit en pe plis *assessment maybe* en pe pli *in-depth* ouswa i annan ki bezwen nou bezwen bann *input from bann referral agencies* parey nou dir, nou bezwen konsilte ki kapab pran en pti pe letan akoz zot osi zot annan bann resours pou zot.

So i annan ki depas sa 4 semenn, me selman an mazorite an mwayenn mon pou dir, i sa 4 semenn ki nou pe koz lo la. Mon krwar CEO SIA pou antre apre mwan, zot kapab demann li en pe pli detaye si zot oule, lo ki kantite letan ki bann proze - son bann proze ki i submit ek nou akoz tou proze Gouvernman i submit par SIA zot kapab ganny son apersi pou li lo la i ava donn zot.

An-term *Development Control Officers* ki nou annan, nou annan nou 12 pou le moman enkli son direkter, son *Principal*, son bann *Senior* avek bann DCO menm nou ankor annan en *vacancy* pou enn, pou en *Development Control Officer* ki nou pa ankor *recruit*. I annan enn *in fact* i fek komanse yer dan travay.

Parey mon'n dir pli boner sa i anliny avek bann mouvman ki'n arive *internally* dan 2022. Akoz lannen pase pou Bidze 2022 ti annan provizyon pou en nouvo *post* dan *DCO*, ki nou'n

kapab *fill li in* e i annan bann mouvman ki'n arive. So sa i sa kantite *staff* ki nou annan dan sa *unit*.

Parey mon'n dir osi Onorab *right now* dan pei i annan 1730 devlopman konstriksyon aktiv ki pe arive. So mon pa krwar ki nou Gouvernman pou *ever* kapab donn tou sa mendev pou *monitor* tou sa konstriksyon ki annan dan pei.

Me selman nou fer nou mye avek resours ki nou annan *already*, avek bann travay ki nou'n fer pandan sa lannen 2022 ki nou'n reorganiz seksyon, pou nou fer sir ki la mazorite *site* pe ganny vizite omwen *at least* en 3 fwa. Tou site ki en *commencement notice* i ganny *submit* pou konstriksyon i pe al komanse i ganny vizite. Tou!

Si i annan en *commencement notice* ki'n ganny mete, tou *site* i ganny vizite. Sa mon kapab asir ou. Me i annan bann konstriksyon kot bann kontrakter ouswa bann devloper pa pe met zot bann *commencement notice*. So i fer nou pa konnen si konstriksyon in komanse, *unless* ki nou dan nou pe pase nou vvar ouswa *unless* ki dimoun in *call manm piblik* i dir nou.

So lo sa kote ouswa bann devlopman ilegal osi, sa mon krwar i annan, nou pa kapab met li zis lo Gouvernman. I annan en gran ledikasyon pou li an zeneral deor osi ki nou bezwen pran nou responsabilite nou tou *be it* ou en kontrakter ou en developer. Mersi.

### **MR DEPUTY SPEAKER**

Mersi CEO. Proceed.

### **HON SEBASTIEN PILLAY**

Mersi Mr Chairman. E mon pa'n abiz mon privilez pou mwan demann en trwazyenm kestyon. Mon oule respekte lord parey in ganny donnen.

Mr Chairman lefe ki ou'n dir nou i annan 1730 proze ki deza *ongoing* ki en kantite proze, diferan groser byensir. E lefe ki nou'n vvar Gouvernman osi pe al anbark li dan en programm devlopman proze kapital, ki ase konpreansiv e ase larz, eski *Planning Authority* pou dan en pozisyon pou li *cope* avek sipervizyon e son rol ki i bezwen fer vizavi sa la kantite proze ki Gouvernman i annan lentansyon met an plas?

Prenon kont ki mon pa pe vvar en logmantasyon signifikan dan ou Bidze, pou ou kapab *recruit* ankor dimoun pou fer sipervizyon e kontrol lo proze? Mersi Mr Chairman.

**MR DEPUTY SPEAKER**

Mersi Onorab. CEO.

**CEO ANGELA SERVINA**

Mersi ankor Onorab pou ou kestyon swivi. Mon kapab dir ou avek mendev ki nou annan pou le moman, ki nou pou annan *once* ki nou finaliz, en kou ganny tou nou dimoun *in post*.

Parey mon pe dir i reste ankor en *post* pou nou *fill in*. Nou annan nou en zenn lekip. Lekip *Planning Authority* i zenn li an mwayenn. So nou annan bann *staff* ki dinamik, bann *staff* ki travay for. E ki mon kapab dir ou osi Onorab, *Planning Authority* in deza annan en lenstans kot nou annan nou over 2mil devlopman ki nou'n *monitor*.

So mon kapab dir ou ki mon ase konfidan ki nou pou kapab fer nou louvraz. Mersi.

**MR DEPUTY SPEAKER**

Mersi CEO. Mon pas laparol avek Onorab Aglae.

**HON EGBERT AGLAE**

Mersi Mr Speaker. Bonzour CEO, *Minister and the panel*. CEO i annan anba *SP(2)* en lesplikasyon ki mon bezwen anba *Other Service Agreement* ki 2022 ti annan en sonm

apepre 102mil e la mon war poudir 2023 petet si ou kapab eksplik nou ki'n arive ki sa sonm in ganny sorti ladan?

Dezyenmman Minis, ou'n fer resorti la kantite proze ki annan- *sorry CEO* pou zot *monitor*, eski lo kote transportasyon akoz enn de fwa in annan bann petet i koz en pe retar, sirtou akoz ou annan bann preplanning vizit osi ki ou pou *advice* kliyan ki bezwen ganny fer avan proze i komanse.

So eski lo kote transpor li menm li zot ase ekipe pou kapab efektye sa bann *pre-Planning visit* ki parfwa distrik li menm li i demande? Mersi.

**MR DEPUTY SPEAKER**

Mersi Onorab. 2 kestyon. CEO avek Minis.

**CEO ANGELA SERVINA**

Mersi Onorab pou ou kestyon. Sa sonm ki ou pa pe vwar anba *Service Agreements* mon ava eksplik ou.

Avan sa nou ti annan nou 2 dimoun ki nou ti pe - 3 dimoun ki nou ti pe annan en *Service Agreement* avek anba sa *Code*, me ki'n arive nou annan nou 2 *staff* ki nou'n kapab anploye *during this year*. E nou annan nou en lot *Service*

*Agreement ki nou'n konmsi nou nepli pe proceed avek.*

So sa larzan in ganny bouze anba en lot *Code* kot nou pe al ver *consultancy* pou serten travay ki nou pou bezwen fer lannen 2023. Ok.

*In regards to transpor, Planning Authority i annan li en fleet 10 transpor. Pou le moman nou annan nou en transpor ki nou pe al dan nou'n fini ganny laprouvasyon avek Minister Finans pou al dan prosedir *write-off*. E nou'n ganny permisyon pou nou purchase en lot vehicle. So tousala i bann demars ki nou pe al ladan.*

Ou konsern *in regards to* tarde ki ou gannyen; sa zis transpor ki nou annan i ganny partaze ant bann diferan seksyon dan Lotorite. So sa Seksyon *Development Control* ki parey Onorab avan ti pe koz lo la, li i pli gran seksyon ki servi transpor so i annan li 3 ou 4 transpor ki atase ek li.

Sa seksyon ki fer *preplanning*, li sa seksyon ki nou apel *Land Use Planning*. Li i annan son transpor osi ki atase avek son *unit*, ki i annan 6 Zofisyen fer vizit e zot tou zot annan zot *schedule* avek zot ler. So petet ou pa sipoze pe ganny retar, me petet si ou'n gannyen petet i annan serten keksoz

*internal maybe sa dimoun pa'n la en semenn ou lot me selman i sipoze ok.*

Sa ki nou pe fer osi la, nou pe travay *closely* avek Minister Finans dan bann Bidze ki pou vini, pou nou fer en pti pe ranplasman nou *fleet vehicle*, akoz nou bann *vehicle* laplipar i *over - la* mazorite apepre 10an in gannyen, ti depi ler Mr Hoareau ti *CEO* ki nou ti *purchase* bann premye transpor.

So nou'n arriv en pwen kot nou pou bezwen komans fer ranplase, akoz nou pe depans bokou lo *maintenance* osi. So i annan sa nesesite. Nou en Lotorite ki aktiv, ki mobil ki bezwen toultan partou lo bann *site*, e i annan sa nesesite pou nou fer sir ki toultan nou kontinyen reste aktiv. Mersi.

### **MR DEPUTY SPEAKER**

Mersi *CEO*. Mon pas laparol aprezan avek Onorab Churchill Gill.

### **HON CHURCHILL GILL**

Mersi Mr Chair. Bonzour Minis. Bonzour *CEO*. Bonzour tou Manm.

Mon premye kestyon, Minis dan son lentrodiksyon in fer sorti ki provizyon pou 13enm mwan saler osi i ladan. Mon kestyon se vi ki desizyon

pou donn 13enm mwan saler i lo *performance-based* e eski sa provizyon pou 13enm Mwan Saler i pou tou travayer *Planning Authority?*

Rezon ki mon dir sa se si i arive ki ler *performance based* i ganny fer tou sa bann dimoun i ganny *full points*, eski pou annan ase provizyon pou pey tou sa bann dimoun? Sa i premye.

Dezyenm kestyon, anba *strategic priorities 2020 a 23 - 2023 a 25, bullet 9 ou'n koz lo “the new housing estate extension guidelines and emphasize on orderly housing extensions in areas where common guidelines are not feasible, as a means to reduce pressure for demand for housing on Ministry of Lands and Habitat”.*

Mon kestyon lo la se ozordi ler nou pe koze, mon mazinen plizyer distrik ki annan *housing estate* nou annan en pe konsern kot bann paran ki annan later ki ase gran ki zot deza annan zot lakaz e zot pou kapab *accommodate* zot zanfan.

Alors sa legzersis ki ou'n mansyonnen la, eski i en legzersis ki pou kapab ganny konplete sa lannen, pour ki bann kestyon i a kapab ganny, desizyon i a kapab ganny pran

lo la? Oubyen si sa pa ankor konplete, i annan bann *case* ki vin kot ou departman serten desizyon i kapab pran *on a case-to-case basis*. Mersi.

### **MR DEPUTY SPEAKER**

Mersi Onorab. Mon ava envit CEO pou reponn.

### **CEO ANGELA SERVINA**

Mersi Onorab pou ou bann kestyon. 13enm mwan saler wi provizyon in ganny fer dan Bidze pou tou *staff*. E si tou *staff* i ganny maksimonm pwen, zot tou zot pou ganny zot maksimonm saler. Savedir zot full saler.

Be i pou depan lo ou *appraisal* pou sa dernyen bout ki mon pou fer la komansman Desanm. *Strategic priorities* ou pe koz lo *extension guidelines* - wi. So wi *in fact* pou fer bann *guidelines* pou *extension* i en keksoz ki toulstan nou fer i en *continuous*. Sa lannen nou'n travay *closely* avek SIA akoz nou napa en *architect in house* la, *currently*.

So SIA in ed nou. Nou'n come up avek *extension guidelines* pou Perseverance par egzanp. So i en keksoz ki nou pou kontinyen. Toulstan nou pe fer, akoz toulstan ou war i annan *estate* ki nou war i arriv

sa konmsi lo sa nivo kot i bezwen.

I zis sa ki mon kapab dir ou se ki sa bann *guidelines* i en gid. I pa *cast in stone* ki vedir ki si ou vin avek en keksoz ki en pti pe depareye nou pour refize, non. I en *guideline* ki nou servi pou konmsi anmenn en pti pe armonizasyon pou dan *estate* pou fer sir ki napa bann keksoz ki tro depaye.

En nenport dimoun ki vin avek son plan kot nou, nou pou konsider li wi, definitivman e *in fact* i ed nou pli vit osi i anmenn sa *guideline* pli vit osi. So wi nou pou pran kont. Mersi bokou.

### **MR DEPUTY SPEAKER**

Mersi. Ou annan en klarifikasyon Onorab. *Follow-up.*

### **HON CHURCHILL GILL**

Mersi Mr Chair. Me selman sa i pou sa reprezantan Minister Finans ki la. Mon ti'n manke ler mon'n demann sa kestyon.

Mon kestyon pou li se nou konvenki le 1 Avril pou annan ogmantasyon e *come Zen*, Zilyet en dimoun ki li lontan i dan *Planning Authority* i deside pou li met son *resignation*, i annan li 10an, 15an anba son *belt*. Eski ler i pou fer sa - naturelman son konpansasyon pou vin lo son nouveau saler;

E eski sa bann keksoz in ganny pran kont dan Bidze, omwen sa i en sityasyon ki zot dil avek si *ever* i arive epi sa i anviron dan *Mid-year Review*. Mersi.

### **MR DEPUTY SPEAKER**

Mersi Onorab. Ou pa pe ankouraz tou travayer fer sa selman? Reprezantan Finans i ava annan en larepons pou sa.

### **HON CHURCHILL GILL**

Non. Pou fer sir ki tou keksoz i annord.

### **MR DEPUTY SPEAKER**

Reprezantan Finans i ava annan en larepons pou sa?

### **DEPUTY GENERAL      COMPTROLLER JUDE COMMETTANT**

*Thank you* Onorab. *Thank you* Mr Chair. As far ki kalkilasyon Bidze in ganny fer in pran kont tou bann *dues* ki en dimoun i sipoze gannyen a lafen ki i pou kite.

Me par kont si i annan en lenstans kekfwa kot i- kekfwa dan milye lannen en keksoz i arive ki i pou kite, *then* i ava vin en *case-by-case basis* ki pou ganny dil avek pou *assess* ki *dues* ki i pou gannyen e Bidze permet i ava ganny son

konpansasyon, ganny son *dues basically*.

### **MR DEPUTY SPEAKER**

Mersi. Donk mon ava pas laparol aprezan avek Onorab Cosgrow.

### **HON WALLACE COSGROW**

Mersi Mr Speaker. Bonzour Minis. Bonzour tou dimoun. Mr Speaker mon kestyon i diriz strikteman lo *wages and salaries*.

Annefe dan tou *heads Planning Authority* mon war i annan en *increase* dan *wages and salaries*. Espesyalman *basic pay*. Mon pe gete sa bann *increase* dan sa bann *heads*, eski i pou osi novo Zofisyen ki pou vin travay kot *Planning Authority*? Akoz mon konpran ki i annan apepre 8 dimoun ki'n *resign* pandan lannen.

So eski i pou *cater* osi pou novo dimoun ki pe vin travay *Planning Authority*? E eski zot krwar ki zot pou kapab *fill* sa bann pozisyon diran lannen ki pe vini? Akoz souvandfwa nou war i annan ba antite ki vini ki ganny larzan komansman lannen, apre zot pa kapab depanse ler in ariv *Mid-year Review* nou war larzan i tourn dan Bidze.

So eski zot krwar ki zot pou kapab depanse, (*sorry* eski

i pou bann novo dimoun e eski zot krwar ki zot pou kapab depanse? Mersi.

### **MR DEPUTY SPEAKER**

Mersi. Kestyon i ase *straight forward*. CEO.

### **CEO ANGELA SERVINA**

Mersi Onorab pou ou swivi. *Planning Authority* in fini *fill - eksepte* en pozisyon ki nou pa ankor *fill*, nou'n fini *fill* tou bann *vacancies* ki nou annan. Eksepte sa *DCO* mon pe dir apre en *Policy Analyst* ek *Architect*.

Sa i sa 3, so wi i ganny pran kont ladan e *anyone* ki pou vini i bezwen ganny pran kont akoz i Polisi Gouvernman ki in met ater. Mersi.

### **MR DEPUTY SPEAKER**

Mersi. Onorab ou annan en klarifikasyon?

### **HON WALLACE COSGROW**

Mr Speaker mon ti pe rode eski zot krwar zot pou kapab *fill* sa bann pozisyon? Rezon akoz nou konnen sa bann domenn i vreman teknik, vreman spesifik e ou napa sa kantite dimoun lo *market*? So eski zot krwar ki zot pou kapab *fill* ki zot pa bezwen tourn ek larzan an 2023 *Mid-year Review*? Mersi.

**MR DEPUTY SPEAKER**

Mersi. CEO.

**CEO ANGELA SERVINA**

Mersi Onorab pou ou swivi. Mon kapab dir ou pozisyon ki nou pa ankor *fill ziska* la i *Architect* parey mon'n dir ou apre *Policy Analyst*. *Policy Analyst* nou'n gannyen bon aplikan ki'n fer *interview* me selman *at the end of the day* zot pa ti satisfe avek *package* ki *PSB* ti propoze - ti met devan.

So sa nou pa ankor ganny dimoun. *Architect* nou annan en *Architect* lokal deor me ankor *it comes down to the salary package*. En profesyonnel deor, i fer bokou plis - i pa *willing* pou kit son travay pou vin dan Gouvernman.

So sa i sa 2 pozisyon, i pou bezwen annan bann desizyon ki pou bezwen ganny pran lo nivo L'Egzekitiv. Pou deside *how to proceed* lo sa 2 - pa zis sa 2, me bann pozisyon parey ki pa zis nou, me mon asire bann lezot Minister ek departman osi i pas ladan. Mersi.

**MR DEPUTY SPEAKER**

*Thank you CEO.* Mon pas laparol aprezan avek Onorab Rocky Uranie.

**HON ROCKY URANIE**

Mersi Mr Deputy Speaker. Bonzour Minis avek ou delegasyon. Mr Speaker i annan en keksoz ki mon bezwen met dan ou latansyon irzan la en pe bomaten, akoz mon'n ganny en konplent sorti kot bann travayer Lasante La Digue e osi bann pasyan.

Ki Cat Cocos pe refize donn zot tiket medikal pou zot vin Mahe, pou zot vin zot apwentman ozordi. Akoz i dir ki Minister Lasante pa ankor pey Cat Cocos. Petet atraver ou lofis si ou ti kapab rod en leklersisman ek Minister Lasante, pou gete ki pe arrive ki sa bann dimoun i kapab ganny zot lapwentman isi lo Mahe. Prezan mon kestyon pou-

**MR DEPUTY SPEAKER**

*Hang on.* Be koman en *MNA* ou'n sey fer en *call* avek Lotorite Lasante? Akoz souvandfwa mwan mon ti pou fer sa mwan, koman *Leader of my community to intervene on behalf of my constituents*. So mon ti ava *advise* ou sey fer en pti *call* me otreman nou ava kapab pas ou konsern. Mersi.

**HON ROCKY URANIE**

*Ok* Mr Speaker. Mon kestyon prezan mon vvar ki i annan en pti rediksyon dan elektrisite. Me anba admin *HR*, *Admin and*

*Finance.* Mr Speaker be par kont pou delo mon vwar ki sa in double, so in plis ki double. Alors mon ti a kontan konnen petet ki pe arive avek sa sityasyon? Mersi.

### **MR DEPUTY SPEAKER**

Mersi. CEO. *Very specific question.*

### **CEO ANGELA SERVINA**

Mersi Onorab pou ou kestyon. Nou bann provizyon dan Bidze ki nou'n mete pou bann *utilities*, i parey Minister Finans in donn nou i baze lo bann *zero based*, konmsi nou'n pran li lo bann *actuality* ki nou ti annan.

An term delo i annan en serten *issue* ki'n petet letan *PS* pou Lakaz i vini taler i a kapab donn en pti pe plis leksplikasyon lo la. I annan serten keksoz pe ganny *sort out* avek *PUC* akoz in annan serten de balansman dan bann serten *Bill* ki nou'n gannyen, *during the last year or 2 years maybe* ki nou ti annan en *overpayment* ki *PUC* ti pe sarz nou pou nou *bill* delo.

So sa pe ganny *sort out* ki koman *tenant* dan *Independence House* mon krwar *the question should be addressed to the PS for Housing.* Mersi.

### **MR DEPUTY SPEAKER**

Mersi CEO. Mon pas laparol aprezan avek Onorab Labrosse.

### **HON RICHARD LABROSSE**

Mersi Mr Speaker. Bonzour Minis ek ou delegasyon. Bonzour tou dimoun a lekout. Mr Speaker dabor mon ti a kontan remersi CEO Servina pou son bon travay ki i fer sa lannen pou nou distrik e son zenn lekip. Sak fwa nou'n bezwen li zot in aport zot sipor.

Ms Servina mon kestyon ler mon pe get lo Bidze plis ki 19milyon, eski dan sa Bidze li menm zot pe mazin met sa programm *online application* pou *planning* parey ti en konversasyon ki ti'n deza komanse? Mersi.

### **MR DEPUTY SPEAKER**

Mersi. CEO?

### **CEO ANGELA SERVINA**

Mersi Onorab pou ou kestyon. Mersi osi pou ou lapresyasyon pou nou travay ki nou e fer. *E-planning system* i deza an mars, parey tou bann *DA* i konnen zot servi. I annan zis serten *improvement* ki nou bezwen ganny fer ankor lo la.

Nou'n fini deza lyez avek *DICT* pou premye kar lannen, akoz i annan serten sanzman ki bezwen ganny fer anliny avek

nouvo Lalwa ki'n pase ki i annan bann lamannman ki bezwen ganny fer lo bann form, lo tou sort kalite zafer.

E osi nou annan sa dernyen bout ki nou pe mazin enplimante an 2023. E sa se pour kapab ganny bann *tablets* pou *allow* nou bann travayer letan zot al lo *site* pou pli fasil pou zot fer ot bann *assessment*. Akoz zot kapab konekte direk avek sistenm dan pals asize *print* laplikasyon ki ava koup en pe osi lo *printing* papye. So sa i sa dernyen bout ki nou pe fer.

Nou pa'n met li dan Bidze akoz nou ti'n fer en demann atraver Minister Zafer Etranzer pou zot kapab ed nou akoz nou konnen i annan bann Lanbasad ki ed ede. So nou'n ganny en bon parol avek Lanbasad Sinwan ki zot pou ed nou avek en pe bann *tablets*. So nou ankor pe espere atraver Minister Zafer Etranzer pou finalize. Mersi.

### **MR DEPUTY SPEAKER**

Mersi *CEO* pou sa leksplikasyon. Donk sa ti dernyen kestyon par bann Manm ki ti'n endike poudir zot ti pou oule. Onorab William ou ti annan kestyon? Mon pa ti'n war ou lanmen avan. *Proceed*.

### **HON WAVEN WILLIAM**

Mersi Mr Speaker. Mr Speaker zis anba sa vot. Mon anvi demann avek Minis fas a sa legzersis pou annan bann plan devlopman distrik, zis pou donn nou en pti nide vizavi sa bann plan devlopman.

Konbyen bann distrik ki'n fini avek zot bann plan e ki zot prozeksyon pou konplet sa legzersis? Mersi.

### **MR DEPUTY SPEAKER**

Ou pe koz lo *land use plan* bann distrik la ou? Ki konsiltasyon in komanse. *CEO*.

### **HON WAVEN WILLIAM**

Yes.

### **CEO ANGELA SERVINA**

Mersi Mr Chair. Mersi Onorab pou ou *query*. Wi nou travay lo preparasyon e devlopman bann plan litilizasyon later ek plan devlopman i kontinyen. La konmela nou pe - *I mean* la dan sa kar lannen nou'n, nou pe travay lo *review* pou bann plan pou bann distrik ki bord avek lavil, parey zot in bezwen tande lo televizyon partou.

Nou ti annan distrik pou Les Mamelles avek Plaisance ki nou ti kennel akoz serten *issue internal*, ki nou pe *plan* pou refer le 25, *either* le 23 or le 25 Novanm. Nou pe ganny kontak deza avek distrik lo la pou nou

gete which is the best date. Mon lans en lapel avek manm piblik pou vini partisip aktivman akoz partisipasyon i pa'n ase nou'n vwar.

Nou anvi ki letan nou fini travay lo sa bann *land use plan*, travay lo sa bann *development plans*, bann dimoun dan distrik i war zot kapab annan sa sans lapartenans avek sa bann plan. So i enportan ki nou ganny *input* dimoun ladan. Nou envit zot osi pou fer en pti pe sansibilizasyon pou nou lo ki lenportans sa travay.

Annou pa esper demen e letan plan *tourism*, plan lotel in aprouve pou nou desann ek bord non, *it starts now*. So nou kont lo zot pou edik en pe zot bann dimoun dan distrik osi lo la *how important it is*. Lannen prosenn nou pou annan bann lezot distrik, distrik Grand Anse Mahe nou'n fini komans fer travay *review*. Nou'n deza fer miting dan distrik avek ou avek serten bann group dimoun dan distrik.

Nou'n komans lo Bel Ombre, nou'n komans lo Beau Vallon osi. So i annan i tout en faz, I annan bann travay ki nou fer *internally deskwork* parey nou dir nou menn nou apre i al lo lot faz travay lo *Land Use Committee*. Apre nou al en faz bann lezot konsiltasyon an deor

en pti pe ek distrik ek tou bann dimoun.

E finalman letan nou'n tonm lo en plan ki nou tou nou vwar - konmsi i ase akseptab - la nou anmenn dan distrik pou prezante. Prezan depandan lo sa komanter ki nou gannyen, la nou retournen si nou bezwen fer lamannman. Si nou bezwen diskite, revwar, regete la nou fer sa travay. E apre finalman letan nou'n ganny en satisfaksyon ase zeneral avek tou bann parti la nou anmenn li *Cabinet*.

Mon vwar ki Onorab Lemiel pa la, petet mon konnen i ti pou kontan konnen poudir nou'n deza ganny en *approval in principle* avek *Cabinet* Konsey Minis pou son plan litilizasyon later son distrik. Toultan i kontan demann mwan, so i annan serten pti travay final ki nou pe fer, avan ler nou *proceed* pou avek bann lezot formalite gazete *and all that*.

Zis pou mwan fer sorti osi Onorab ki i en travay ki - i en gro travay en - nou ptipti, pti me travay i bokou. Nou bann zofisyen pe travay vreman dir pou nou kapab finaliz tou bann travay enportan ki nou annan, akoz annan bann plan litilizasyon later i pou bon pou pei an term la transparans.

En devloper, en envestiser i kapab vwar kwa ki i kapab fer,

kwa ki i pa kapab i konnen otomatikman. I fer nou louvraz pli fasil, pli transparan pou pran desizyon. So mon mazinen pou tou dimoun i pou bon. Mersi bokou.

### **MR DEPUTY SPEAKER**

Mersi pou sa CEO. E mon krwar mon ava profite pou azoute. Wi, non-selman bann Lotorite Distrik me piblik ki reste dan sa bann distrik fodre i angaze dan sa bann konsiltasyon letan *Planning Authority* pe fer ki'n komanse e i pou kontinyen lannen prosenn. Dernyen kestyon lo sa alokasyon Onorab Bastienne?

### **HON DESHEILA BASTIENNE**

Mersi Mr Speaker. Bonzour Minis ek ou delegasyon. *CEO* dan priorite stratezik 2023-2025 i annan plan pou *digitalize* bann laplikasyon lepase. Konbyen sa proze i pou koute letan in fini konplete? E ou kapab dir nou ki lobstak sityasyon aktyel pe koz Lotorite *Planning*? Mersi.

### **MR DEPUTY SPEAKER**

Mersi Onorab. *CEO*.

### **CEO ANGELA SERVINA**

Mersi Onorab pou ou kestyon. Onorab mon kapab dir ou ki sa plan *digitalization* i deza an

mars. I annan apepre en 3an depi ler nou pe *digitalize* bann vye *file*, bann lontan menm i annan.

I annan en bon pe *file* ki'n ganny *destroy* akoz avek laz kot *storage* osi petet pa ti tro bon, i annan in ganny *destroy*. Me i annan en bon pe ki'n fini ganny analize, nou'n fini *digitalize*. Nou annan nou en server kot nou *store* sa bann vye laplikasyon lo la, i fer li pli fasil pou nou. An menm tan nou oule kapab transport sa dan nou sistem *e-planning once* ki nou fini.

So nou pe mazinen petet apepre en 2an ankor pou nou finaliz tou sa ki reste. *Obviously* i annan ki nou pa pou kapab fer akoz bann paz in telman ganny abimen ki koman ou tyonbo i grennen dan ou lanmen. Me selman i en legzersis ki *ongoing* e nou byen satisfe avek kot nou'n arrive la avek sa legzersis. Mersi.

### **MR DEPUTY SPEAKER**

Mersi *CEO*. Donk sa in anmenn nou lafen nou seri kestyon pou Lotorite Plan. E aprezan i moman pou nou pran en vot pou sa alokasyon ki premye pou Bidze 2023 dan Staz Komite. I en sonm R18milyon 384mil.

Donk mon ti ava demann tou bann Manm ki an faver pou endike silvouple? Mersi. Okenn Manm ki kont? Mersi. Mersi Madanm Clerk. Donk premye vot pou Lotorite Plan trouve lo paz 349 a 357 pou en Bidze R18milyon 384mil. I annan 25 Manm ki'n vot an faver. Okenn Manm pa'n vot kont. E okenn Manm pa'n absténir. Donk vot pou Lotorite Plan ki nou premye pou ozordi i pase.

Nou ava aprezan eskiz bann zofisyen ki ti la pou Lotorite Plan. Donk nou ava remersi CEO Lotorite Plan manmzel Servina. Nou pou osi remersi manmzel Adrienne. Nou pou pran en poz *sanitize* pou nou apre pas lo lot antite. Mersi pou zot prezans bonn zournen.

*(technical break)*

### **SEYCHELLES INFRASTRUCTURE AGENCY**

#### **MR DEPUTY SPEAKER**

Nou pou kontinyen avek nou travay dan Staz Komite nou pou pas lo en dezyenm antite aprezan ki Lazans Lenfrastriktir Sesel ki son Bidze i trouve lo paz 343 a 348 e son alokasyon bidzeter i R108milyon 844mil.

Nou ava akeyir Sef Egzekitiv *Seychelles*

*Infrastructure Agency* - Mr Jitesh Shah avek nou i akonpannyen par Mr Keith Arnephys ki *Chief Operations Officer* e osi manmzel June Loveday ki *Financial Controller*. E Minis Rangasamy i reste avek nou. Mr Commettant ki Depite *Comptroller General* avek manmzel Terryl Adrienne *Senior Finance Analyst* sorti kot Minister Finans i reste avek nou.

*CEO welcome.* Ki nou ti pe fer se nou ti pou komanse donn en *overview* swa ou, swa Minis lo sa alokasyon ki zot pe gannyen, ki i sipoze pe fer ki i ava provok bann kestyon sorti kot bann Manm. Antretan ki mon ava pran lekel bann entervenan. *Proceed.*

#### **MINISTER RANGASAMY**

#### **BILLY**

Mr Chairman, permet mwan pou partaz en pti lントro diksyon. Tou Manm Lasable e tou piblik ki a lekout, mon pou kontinyen avek Bidze ki bann diferan antite ki tonm anba mon portfolyo e Lazans Lenfrastriktir i enn ankor. E nou travay dir lo nou Bidze sa lannen e mon fyier pou mwan partaz sa avek zot.

Lazans Lenfrastriktir parey zot konnen i sa Lazans ki responsab pou

lenplimantasyon mazorite proze konstriksyon Gouvernman nasyonalman. Nou rapel i sa Lazans ti ganny formen an Mars 2022 anba son Lalwa Seychelles Infrastructure Agency Act, 2021.

Zot a dakor ki en kantite in ganny fer dan sa premye lannen, pou met an plas bann striktir e prosedir neseser pour sa Lazans i a kapab realiz son manda e devlop bann proze nasyonal dan en fason ki byen planifye, byen kordinen e en fason efikas.

I tre enportan pou nou note ki tou sa travay administrativ ki ti pe ganny fer pandan ki Lazans ti pe fonksyonnen, e ti pe travay lo environ 400 proze pandan lannen 2022.

A sa moman mon ti a kontan remersye CEO e COO *Chief Operations Officer* e *Chief Executive Officer* ki'n travay dir 2 zenn dinamik dan mon kote ki travay dir ek tou zot lekip pou fer sa bon travay. Mon konnen zot pros avek Mr Shah dan tou zot distrik, dan tou zot demars proze. E nou Minister i konnen Lazans Lenfrastruktir ki mannyer i pe travay for.

Ozordi nou devan Lasanble Nasyonal pou propoz en Bidze R108.8milyon pou lannen 2023. Sa mon konvenki

i a donn sa Lazans sipor neseser, pou li kapab enplimant vizyon Gouvernman an sa ki konsern proze lenfrastruktir proze kapital pei ki Gouvernman i met bokou lanfaz lo la e tre enportan pou nou lavenir.

Si nou po konpar sa Bidze avek Bidze 2022, nou pou vwar en gran rediksyon dan sonm total ant sa 2 lannen. I annan en leksplikasyon pou sa. Sa rediksyon i prensipalman dan son Bidze Kapital pou lenplimantasyon proze. Lannen 2022 ti annan li en tranzitwar kot bann proze kapital pou nou Minister Later ek Lakaz - setadir bann proze later ek lakaz ti ganny bidzete anba Bidze dan lepase ki nou ti apel Departman Lenfrastruktir.

Alors apartir 2023 lannen prosenn, sa konponan Bidze pou sa bann proze later ek lakaz, pou ganny mete anba Bidze Departman Later ek Lakaz. So sa bann diferan Minister ki Lazans in fer travay avek, pou annan zot prop Bidze kapital.

Parey Later ek Lakaz i annan pou li, Ledikasyon, Lasante eksetera, zot annan zot Bidze Kapital. Par konsekans Mr Chairman apartir 2023, selman bann proze spesifik ki tous plizyer sekter devlopman

nasyonal ki pou ganny aparet dan Bidze Lazans Lenfrastriktir, tel ki par egzanp lenfrastriktir lo Ile Du Port.

Anba sa Bidze ki pe ganny propoze en sonm R41.1milyon in ganny aproposyonnen anba “compensation of employees.” Sa i kouver saler bann travayer Lazans e osi bann lezot benefis parey lakaz pou bann *expatriate*. Nou annan en bon lekip *expatriates* avek nou, akoz i en departman spesyalize.

Tou zefor pe ganny fer pou nou ranplas sa bann *expatriates* parey bann zofisyenzer, arsitek, *quantity surveyor* lokal. Me pour le moman nou annan sa bann zofisyen teknik ki pe travay avek nou e partaz zot konesans ek leksperyans, sa sonm i reprezent en logmantasyon environ R3.7milyon konpare avek Bidze ti'n ganny revize pandan lannen 2022.

Sa i prensipalman pou bann pozisyon dan kad administrativ parey Divizyon *Accounts*. E osi enn de pozisyon kritik tel ki en enzenyer prensipal eksperyanse, pou siport teknik tou bann zenn enzenyer ki deza dan servis.

I a vin parey en konponan *mentoring* pou nou kapab donn zot sa kapasite pou zot amelyore dan zot laspe pratik.

Sa diferans i osi kouver sa 10poursan logmantasyon dan saler parey in ganny anonse par Minister Finans. Anba ‘goods and services’ en sonm R10.9milyon pe ganny propoze.

Mr Chairman enn bann rezon ki sa Lazans ti ganny kree se pou anmenn lefikasite dan planifikasyon e egzekisyon proze kapital pei. Malerezman pou lannen 2022 Lazans in fer fas avek plizyer difikilte an vi ki sa bann resours i eparpiye dan plizyer lokasyon. Annefe 5 biro. Ou annan bann ki kot Minister Lasante, kot Ledikasyon, anba kot Lakaz eksetera.

Alors Gouvernman in pran en desizyon brav pou anmenn tou bann resours anba en sel twatir. E sa Mr Chairman, e se sa ki pe kontribye anver sa logmantasyon R3.1milyon ki mon fek anonse oparavan dan ‘goods and services’, konpare avek Bidze ki ti ganny aprouve dan komansman lannen 2022.

Me par kont nou konvenki ki sa lenvestisman R3.1milyon adisyonnell, pou transmet dan en loperasyon ki pli efikas e dan benefis pei. Byensir sa pou annan en lenpak pozitiv lo lenplimantasyon nou bann proze Nasyonal. Pa blye ki sa i en valer en pti pe plis ki R1.3bilyon pou lannen 2023.

Alor sa R3.1milyon ekstra ki nou pou depanse pou met tou sa resours teknik ansanm dan en sel landrwa, pou nou kapab travay dan en sel fason travay. Servi bann prosedir ki konsistan eksetera e i ava anmenn bokou benefis pou sa R1.3bilyon proze ki nou pe planifye envestir ladan dan 2023.

Mr Chairman avek sa 2 pti mo, mon envit Lasanble Nasyonal pou fer deba lo sa propozisyon Bidze R1.8milyon pou Lazans Lenfrastriktir Sesel, pou lannen 2023 e mon konvenki ki zot pou donn sa Lazans tou zot sipor. Parske zot travay i enn ki eksepsyonnell e ki pou anmenn nou pei devan dan en bon direksyon. Mersi bokou Mr Chairman.

### **MR DEPUTY SPEAKER**

Mersi Minister. Donk nou antre direk lo lalis pou kestyon. Aprezan Onorab Woodcock.

### **HON WAVEL WOODCOCK**

Mersi Mr Speaker. Bonzour Minis ek ou lekip. Tou Manm e tou dimoun a lekout. Minis an vi ki ozordi koman nou pe koze bann MNAs ek DAs pe travay an etrwat kolaborasyon avek ou Minister, pou idantifye bann kare later dan nou bann distrik.

Me anba ‘current

challenges’ en defayans ki'n la pou plizyer lannen e ki ou'n osi fek souleve dan ou lentrodiksyon se kot i konsern bann *specific skills*.

I annan serten defayans kot i konsern parey bann *land surveyors*, *electric engineer* parey e bann lezot spesyalis ki annan en mank pou le moman aktyelman Sesel, preznan ki pe fer li en pe difisil pou fer sa bann legzersis pou sirvey plizyer sa bann kare later.

Mon kestyon i en pti pe ki ou Minister pe fer, pou ou ganny sa bann *skill set* sa bann dimoun pou kapab ed ou Minister pou kapab fer sa bann travay sirtou konsern *land surveying*? Akoz sa defayans i fer ki i met bokou retar avek plizyer bann proze dan ou Minister? Mersi.

### **MR DEPUTY SPEAKER**

Mersi. I annan en kestyon la lo *skill set* travayer.

### **MINISTER**

### **BILLY RANGASAMY**

Mersi Mr Chair. Mersi Onorab pou ou bon kestyon. Annefe ler nou'n fer analiz lo ou Minister i ou pwen i *spot-on*. Nou annan sa lafables lo *land surveying*, sa i kler. E mon kapab konfirm avek ou ki tou zefor pe ganny fer. E mon kontan pou dir ki

letan nou ava diskit Bidze Later ek Lakaz pli tar e ou ava vwar bann konponan kot bann *surveyors* pe ganny *recruit*.

Malerezman lo nivo lokal i en *area* spesyalizasyon, ki pa fasil po ganny arpanter Seselwa pou le moman dan *market*. So alor nou'n bezwen al aletranze e nou'n resaman *recruit* 4 arpanter, 2 pou travay lo proze *Land Registration Project* pou Praslin, La Digue e 2 pe ranforsi lekip dan Minister.

E an plis ki sa ler Prezidan Kenyatta ti vin Sesel, nou ti profit sa lokazyon pou partaz ek li sa laspe lafebles ki nou annan e demars in ganny fer dan sa laliny, e byento nou pou annan osi de *land valuers* e osi 2 *land surveyors* ki pou zwenn nou.

Alors nou pe ranforsi sa lekip sa lafebles me osi an prensip nou pe al dan bann lekol sirtou bann *site* e osi dan lekol segonder pou nou met lanfaz lo sa profesyon tre enportan pou pei.

E bokou zefor pe ganny fer par Departman *Survey*, Departman *Human Resources* dan mon Minister pou adres sa problem, pou nou kapab - I a pran en pe letan sa karyer i pran omwen 3 a 5an pou devlop li pou al fer ou degre eksatera. Me tou lanbisyon i la pou nou fer sa en fason nou kapab

ranforsi, pou plizer lannen i annan en *gap* ki'n arrive dan sa laliny profesyonnel. Mersi Onorab.

Kot i konsern Lazans Lenfrastruktir zot osi tou zot proze i bezwen en konponan *survey* ladan. Swa ou pe fer topo swa ou pe fer *setting out* letan proze pe komanse.

Alors nou pe profite ki sa bann resours sipleanter ki Departman Later pe envestir ladan ek bann arpanter nou a kapab donn sa sipor dan lentermedyer pou SIA. Me, me dan lavenir dan zot programm la fitir se zot pou anmenn zot prop lekip arpantaz osi dan zot tim. Mersi Mr Chair.

### **MR DEPUTY SPEAKER**

Mersi Minister. Mon a pas laparol aprezan avek Onorab Mondon.

### **HON TERENCE MONDON**

Mersi Mr Speaker. Bonzour Minis avek ou lekip. Mon premye kestyon, mon vwar en *safe* 39milyon 337mil pou *Social Housing Project* e 14milyon 139mil pou *Special Housing Project*. Eski Minis i kapab dir nou ki kantite proze zot pe anvizaze fer pou sa 2 kategori proze e pou sa sonm ki'n ganny fer provizyon?

E mon dezyenm kestyon, i zisteman mon oule konnen si Takamaka i pou *feature* dan sa bann proze akoz mon pa'n tann Takamaka ditou dan Bidze. Minis dezyenmman.

### **MR DEPUTY SPEAKER**

*Hang on.* Mon pe mazinen si sa kestyon i merit vin la ouswa si apre letan Minister Later avek Lakaz i vini, wi akoz la nou pe dil avek *Seychelles Infrastructure?*

### **HON TERENCE MONDON**

Mr Speaker mon pe demande akoz sa bann proze spesifik i annan en sonm larzan mon anvi konnen kantite proze. Zis mon anvi mon'n osi si i annan keksoz ki pou ganny fer Takamaka anba sa bann proze spesifik silvouple. Mersi merit Speaker.

E mon dezyenm kestyon Mr Speaker ...

### **MR DEPUTY SPEAKER**

En pti moman mon konnen nom lakaz prezantou dimoun pe eksite pe rode dan zot distrik si pou annan lakaz. *Let's focus lo kestyon Onorab. Proceed.*

### **HON TERENCE MONDON**

Ler mon pe get zot bann kantite proze ki zot in fer ki vreman i en kantite proze pou sa Lazans.

Mon konnen zot pe travay en kantite. Ler mon pe gete i annan 26 proze ki'n ganny konplete sa lannen ki relye avek Minister *Housing* ek Later. E ki pou en valer 80milyon.

Si zot kapab dir nou aprezan zot prozeksyon pou lannen prosenn an term kantite proze e sonm larzan ki pou ganny depanse an 2003 an relasyon avek sa ki'n ganny fer an 2002. Parey mon'n dir \*76 proze - a 26 proze mon'n vwar ki - (*sorry* 26) pou sa lannen ki'n ganny konplete anba sa Minister Later i pou en sonm 80milyon.

Mon ti a kontan konnen konmsi konpare avek lannen prosenn ki zot prozeksyon pou sa? Mersi Mr Speaker.

### **MR DEPUTY SPEAKER**

Mersi Onorab. Mon *panel* diriz nou akoz i kapab annan en tandans, akoz ou dernyen kestyon ankor in lev size later, i kapab annan en konfizyon Minister Later avek Lakaz pe vini apre. La nou pe dil avek lenfrastiktir ki lo paz 343 a 348.

So *panel* ava dil avek son larepons e apre annan pou focus lo *Department of Agency of Infrastructure*. Mersi.

**MINISTER**  
**RANGASAMY**

Mr Chair mon krwar ou pwen i valab. Apre midi nou pou al diskit lo Departman Minister Later ek Lakaz. E la nou pou tous tou lo sa bann proze e CEO Lazans Lenfrastriktir pou prezan avek nou.

So i a kapab donn tou sa bann leklersisman lo sa ki nou'n *achieve* sa ki nou pe al fer i a kapab donn tou bann detay la apre midi. Mersi Mr Chair.

**MR DEPUTY SPEAKER**

Mersi Minister. So nou pou *park* sa 2 kestyion e nou *come back to it this afternoon*. Onorab Esparon ou prosen.

**HON REGINA ESPARON**

Mersi Mr Chairman. Bonzour Minis ek ou delegasyon. Mr Chairman mon ti ava kontan demann Minis mon vwar i annan en logmantasyon sibstansyel anba '*office expenses*' e letan non pe regarde mon konstate ki pou *uniform* la in sorti 67mil in ariv 291mil.

Mon pe zis regarde, mon konnen i annan en propozisyon letan dan bann deba ki'n vini ki pou demande ki bann *staff* i ganny zot *badge* avek zot non, eski anba sa larzan osi zot pe mazinen si pe ganny liniform?

**BILLY**

Mon vwar in ogmante la, zot pe osi mazinen met en pti *name tag* lo bann travayer dan biro?

Parske parfwa ennler i en e difisil pou *capture* zot non oubyen keksoz pou rankontre enn ou pa konnen ki mannyer i apele e letan oule fer referans ou pa pe konn sa non.

E dezyenmman letan mon pe regarde anba menm *head menm* '*office expenses*' la mon vwar pou telefonn la, telefonn *local and rental* dan detay sa in sorti 288mil in vin 471mil.

E mon anvi demande mon konnen poudir dan lepase ti annan sa sizesyon pour ki zot revwar zot sistem telefonn mon konnen poudir ti annan en vye *PABX* ki zot ti pou sanze.

E kot *Housing* laba i annan pa mal problem leta ou pe *call* o pa pe ganny dimoun ki pe reponn telefonn, eski sa larzan ki'n mete an Polisi la i pou *improve service delivery* an sa ki konsern telefonn? Parske ennler telefonn i sonnen, sonnen ziske i koupe e personn pa pe reponn. Mon ti ava anvi sa klarifikasyon Minis. Mersi.

**MR DEPUTY SPEAKER**

Mersi Onorab. *Panel*.

**CEO JITESH SHAH**

Mersi Mr Chair. Mersi Onorab. Mr Chair mon a zis profit sa

premye parol zis pou mwan demann leskiz mon'n blyie *bowler* mon'n antre. Sa kantite fwa mon'n vin la *I still get nervous. Sorry about that.*

### **MR DEPUTY SPEAKER**

Serzan pa'n war ou.

### **CEO JITESH SHAH**

Ok. Pou bann kestyon Onorab lo kote ma pran sa enn *telephone local* avan. Rezon prensipal pou sa logmantasyon Onorab, i akoz laplipar bann larzan dan '*goods and services*' sa lannen ti ankor pou sa *core group of staff* ki ti ganny transfer from the Infrastructure Department.

Akoz bann lezot *staff* ki'n transfer from lezot Minister zot, zot siport' *goods and services*' ti ankor anba zot bann Minister.

So nou ler nou gete nou'n sorti en lekip kot Departman Lenfrastruktir aepre 60 dimoun, e ozordi la nou en lekip 118dimoun. So sa logmantasyon i akoz sa increase in number of staff.

E osi nou'n negosye en nouveau package avek Airtel pou nou bann telefonn pou nou kapab ganny en pti pe plis *data* akoz nou anvi bouz en pti pe plis *digital, moving forward* manrmay ler zot lo site zot kapab menm anvoy portre back

to the office zot pa bezwen sak fwa zot vin biro. So sa i en pti pe plis fleksibilite. So si en pti pe lot lo kote telefond li menm.

Parey Minis in fer resorti dan son *opening remarks* nou pe bouz, nou sipoze pe bouz en nouveau lokasyon. So nou pou annan nou sistenm telefond ki vin avek laba. Selman mon krwar sa ki osi enportan pou fer resorti is - anefe i pou pran en pe letan pou sansibiliz dimoun lo sa bann keksoz. Selman koman en Lazans Lenfrastruktir nou pa pe vreman delivre en servis direkteman kot piblik.

Nou pe delivre en servis kot bann Biro Gouvernman ek bann Departman Gouvernman. Parey si nou pou koz par egzanp lo lakaz, ler nou pe konstrir bann proze lakaz nou pe ekspekte avek letan lenteraksyon pou vin ant piblik avek Minister Lakaz.

Nou, nou pou bezwen fourni Minister avek lenformasyon ase souvan, pou zot kapab annan sa lenformasyon pou zot kapab donn manm piblik ler zot bezwen. Selman nou lenteraksyon prensipal pou vin avek bann diferan Minister as oppose to bann manm piblik.

E definitivman manm piblik pou annan en serten konsern zot pou bezwen call

nou, en dimoun i kapab pe war en proze ki nou pe fer i annan *issues* avek. So nou pou annan en fasilite ki dimoun i kapab kontakte nou. Selman i pa pou en gran volim kot Lazans Lenfrastriktir li menm *moving forward*.

Lo kote *uniform;- uniform* Onorab sa lannen akoz nou ti fek formen nou pa ti ankor organiz en *logo* pou Lazans, i bann keksoz ki nou pe travay lo la ki nou pe ekspekte finalize la avan lafen lannen. So nou ti napa en gran kantite *uniform* ki nou it aste sa lannen. So i pa ti'n ganny bidzete pou nou fer sa, sa lanmen. *Next year* nou bezwen aste aprezan *uniform* pou tou nou *staff*. Parey mon'n dir i annan parey mon'n dir i annan 118. So *obviously* pou annan en gran logmantasyon lo sa sif.

Ou'n koz en pti pe lo *name tags*: ki nou pe planifye fer i nou pou annan kot nou, novo biro pou ete nou pou annan kart access pou antre dan biro. So i pou en sel avek son kart pou annan non sa dimoun tou keksoz avek.

### **MR DEPUTY SPEAKER**

Mersi CEO. Prosen entervenan Onorab Gabriel.

### **HON CONRAD GABRIEL**

Mersi Mr Speaker. *Welcome* Minis ek ou delegasyon. Dabor mon konnen ou ankor an roulman mon krwar mwan ki *in order*. Mon ti a kontan parey mon'n komanse dan mon ladres *Reply* Bidze kontinyelman persiste, koman Manm Elekte Pointe Larue mon ti a kontan zis demann *panel* petet nou proze Nageon Estate *phase 1, phase 2* ki sityasyon?

*And then* nou proze *ex Sarlezia* osi. Apre sa proze Adela Road ki'n nonmen dan Bidze. *And then* sa proze *land bank* osi ki *status*? Apre dernyen pti pwen i annan *infrastructure* dan '*office and expenses*' - *infrastructure support* dan zot *office expenses*, elektrisite in ganny *revise* sorti 539mil pou en sonm 1.3milyon. Zis ou a donn nou en pe *update* lo la silvouple? Mersi.

### **MR DEPUTY SPEAKER**

Mersi Onorab. Mon krwar ou bann kestyon zis bann zafer '*office*.' Akoz ankor mon pou retourne lo apre midi, nou pe dil ek later ek lakaz. Eski sa Minister ki pou dil ek sa bann proze so- pou nou limit nou bann kestyon pou *Infrastructure*, oule klarifye kek keksoz? Ale *proceed*.

### **HON CONRAD GABRIEL**

Yes, mon panse Mr Speaker ti annan serten proze ki ti deza annan zot larzan pou zot, CEO ti kapab pran li.

### **MR DEPUTY SPEAKER**

Ok. Annou klarifye sa si CEO i kapab reponn. Selman wi *proceed*.

### **CEO JITESH SHAH**

Mersi Onorab pou ou kestyon. Mersi Mr Chair. Onorab mon en pti pe konfize ki mannyer mon pou dil ek sa, akoz an menm tan mon anvi akoz sa bann proze i konsern lakaz. Mon pou la apre midi pou ler Minister Later ek Lakaz i la. Selman mon ti a prefere mon pe reponn sa dan prezans *PS Housing as well* akoz i relye avek son departman. So mon pou la - nou kapab *take sa up* apre.

Lo kote, mon a reponn sa bout pou Bidze kot ou'n koz en pti pe lo elektrisite. Ankor sa i mars avek sa *change of location* pou SIA ki nou pe fer. Pou le moman elektrisite SIA li menm pe pey en porsyon konsonmasyon elektrisite *Independence House*.

Akoz parey mon fer resorti ava Departman Lenfrastriktir ki ti la avan, ti pe deza pey en bout pou son *staff* ki baze *Ministry of Lands and Housing*. Pou bann lezot Departman SIA ki dan

bann lezot Minister, swa dan Minister Lasante ouswa dan Ledikasyon. Sa nou pa pe pey *Bill* pou le moman akoz Bidze pou sa bann *staff* ti deza anba Bidze sa bann diferan Minister.

*And sa prozeksyon ki nou'n fer pou R.3milyon i actually baze lo- parey nou'n fer pou sa Bidze, baze lo Bidze lo based budgeting, sa lokasyon kot nou pe bouze son current electricity consumption nou'n pran sanmenm sa pou nou prozekte pou nou moving forward.*

### **MR DEPUTY SPEAKER**

Mersi CEO. Mon'n not la kantite Manm ki'n lev zot lanmen lo sa heading mon pou zis report zot ankor lo manda *Seychelles Infrastructure Agency* lo paz 343 pou reviz zot bann kestyon avan zot demande, akoz laprosenn fwa ki i vi demann lo later ek lakaz mon pou senpleman *rule out*. Prosen entervenan Onorab Andre.

### **HON CLIFFORD ANDRE**

Mersi Mr Speaker. Mon kestyon i lo paz 347. Letan nou pe get bann *performance indicator* ki'n ganny mete, mon larzan ki zot bezwen pou fer sa travay mon satisfe ki i an konformite e mon pou remersye CEO a sak fwa ki mwan *MNA Anse Aux Pins*, mon

*call li i reponn e nou fer letan menm dan Sanmdi pou nou al get en pe bann proze.*

So mon ti a kontan remersye li pou sa. Me letan mon pe get bann *outcomes, outcomes indicator* mon pe get pou 2023 letan nou pe koz “percentage project with contractual claims by contractor” - i annan 15 poursan pou 2023. Letan nou osi get *percentage projects* i 50poursan, “percentage projects completed within contract timeframe” 50poursan.

Mon en pti pe dezapwente letan mon gete, akoz si nou en Lenfrastriktir ki pe ganny - en departman ki pe ganny Bidze e prezan nou *meet* nou target, 50poursan solman mon en pti pe konsernen, akoz mon ti a prefere nou met nou target o. Epi pou bann rezon nou pa *attain* sa *target*, nou kapab eksplike akoz nou pa'n *attain*.

Eski i pa byen pou nou fer nou target sitan ba kan pe ekspekte nou delivre letan nou'n ekout Minis dan son diskour Bidze se nou oule vin en Gouvernman ki efikas a 100poursan, me mon santi nou pe devret met nou target sitan ba.

So kekfwa ou kapab eksplik- kekfwa ou kapab annan en rezon akoz ou'n mete.

Me vi ki nou pe diskit Bidze e sa i en departman vreman, vreman - akoz SIA i en departman vreman enportan pou nou tou MNA e pou pep Seselwa. Alors kekfwa nou ti a mont sa oubyen ou ava eksplik nou silvouple. Mersi.

### **MR DEPUTY SPEAKER**

Mersi Onorab. CEO.

### **CEO JITESH SHAH**

Mersi Onorab pou ou kestyon. Onorab annefe wi i en keksoz ki nou osi nou'n fer en pe diskisyon *internally* lo la. I annan 2 fakter ler ou pou get sa, faktor prensipal avek si ou pou get bann sif pou lannen prosenn i en kantite akoz bann proze ki la deza *ongoing*. I en bann proze ki'n komans swa sa lannen oubyen menm lannen pase, ki deza an retar en kantite an retar *and* zot, zot pe al konplete lannen prosenn.

So i pou definitivman enpakte lo sa bann sif ki pou antre lannen prosenn *in terms of actual completion date of en proze and the real completion date* ki in aktyelman konplete lannen prosenn. So nou bezwen pran sa an kont *as well* poudir nou annan en kantite proze ki bann *past projects* ki an retar, selman son *completion* li menm pou reflekte an 2023 nou pou

rikord li an 2023 akoz i pou konplet an 2023. So sa i enn.

Epi dezyenm wi mon konnen i get en pti pe *pessimistic*. I get en pti pe *pessimistic* ler ou pou get li an izolasyon. *Unfortunately*, i pa en keksoz ki'n deza ganny rikorde dan en fason vreman strik. lenformasyon i la selman i pa ti pe ganny *capture* dan en database pour kan en proze ti komanse kan i ti, and ti napa okenn *reporting* ki ti ganny fer lo la.

Parey mon dir lenformasyon ti la selman nou ti pou bezwen pas dan sak proze pou ou konpran sa bann zafer. Selman nou konnen poudir *the real data over the last 3-4 years*, in en kantite pli ba ki sa ki nou'n mete isi.

Mon konpran ou pwen poudir plito nou ti'n met en target pli o, *and then* nou ava eksplike akoz nou pa pe kapab achieve sa target. Selman sa - parey mon'n dir sa.

Ou pou war agresivman sorti 23.24.25 nou pe war en gran logmantasyon *from year to year*, nou pe aksepte bann prosedir ki nou pe met an plas bann diferan, bann *training* ki nou pe donn nou bann *staff*, bann aksyon ki nou pe pran ek kontrakter ,ki deza nou pe pran sa bann aksyon la lo bann

proze, i pou annan en amelyorasyon ase vit *over the next three years*, kot nou pou war en gran *improvement* dan lendistri *and* dan nou fason travay *as well*.

So mon konpran ou pwen selman *at the same time* baze lo *actuals* ki nou annan dan sa dernyen 2an, 3an, sa i deza en gran logmantasyon *on percentage completed on time and within contract sum*.

### **MR DEPUTY SPEAKER**

Mersi CEO. Minis oule azout en keksoz lo la.

### **MINISTER**

### **BILLY RANGASAMY**

Mersi CEO pou reponn sa. E Mr Chair mersi pou donn mwan en pri sans pou azout en pwen lo la. Ou konnen mon konpran kot Onorab pe vini akoz mwan personnelman mon leksperyans aletranze, mon'n vreman enkyet letan mon war bann sif konmsi bann sif dan sa nivo 50poursan.

Konmsi enn dan de proze pa fini a ler eksetera. E mon'n partaz sa ase seryezman avek CEO e avek COO osi. E nou pe vwar sa bann kontrakter ki pe travay avek nou lo en nivo vreman agresiv ou kapab dir. Letan mon dir agresiv nou *pe take them to task* nou pe *apply*

nou bann *liquidated damages*, bann domaz, bann penalti, en fason ki zot osi zot a sekwe zot.

Zot ava ranforsi zot resours ki zot met lo zot proze, parske nou vwar zot koman byen apre zot koman pran en kantite proze e ki fer Gouvernman ki ganny retar a lafen dizour.

Alors mon osi lo mon kote mon pe met pa mal presyon lo Lazans pou nou kapab ranvers sa sityasyon. E mon annan lespwar *by 2025*, mon war in met en target 75poursan i en travay tre dir ki mon pou bezwen fer.

E nou pou bezwen met lanfaz lo la e mon pe *hope* sa target i a realistik e nou a kapab *achieve*. Selman mwan personnelman ek mon leksperryans aletranze mon'n trakase letan mon'n vwar be CEO in partaz ek mwan en pti pe mannyer keksoz i ete e nou determinen pou ranvers sa - en fason ki nou kapab anmenn sa eleman serye letan ou pran en Kontra ou donn en dat pou ou fini a ler, *on time* e dapre Bidze. Mersi bokou Mr Chair.

### **MR DEPUTY SPEAKER**

Mersi *Minister*. Mon ava envit Onorab Romain.

### **HON GEORGES ROMAIN**

Mersi Mr Speaker. Minis bonzour avek ou delegasyon. Minis mon kestyon mon pe get anba '*maintenance and repairs*' mon war *landscaping works* sorti R26mil pou vin R48mil si nou kapab ganny en pti leksplikasyon lo la silvouple?

Apre mon war bann *non-financial assets*, mon war kot i dir ou Ile Aurore *Infrastructure Consultancy* an 2022 ti annan R4.5milyon e 2023 mon war R2milyon. Mon ti a kontan si ou ti kapab donn en pti pe leksplikasyon, an vi ki mon konnen pou napa proze ki pou al arive lo Ile Aurore - en pti pe vreman pou kwa sa? Mersi Mr Speaker.

### **MR DEPUTY SPEAKER**

Mersi Onorab. *Panel?*

### **CEO JITESH SHAH**

Mersi Mr Chair. Mersi Onorab. Onorab pou komans avek dan-pou *landscaping*, ankor i relye avek kot nou pe bouze. Sa sif ki la nou sipoze pe bouz kot Bel Ombre kot *NISTI* ti ete avan, kot STB ti ete dan lepase.

So parey zot konnen i en sif ki annan en kantite *landscaping* pou fer. I en landrwa ki annan en kantite *open space and* sa si i sif ki ozordi pe ganny depanse lo sa sit. I pa vedir poudir nou pou

depans sa kantite. Nou pou bezwen gete nou menm ler nou antre si i annan serten keksoz ki kapab ganny fer pou redwir sa.

Selman pou lemoman pou Bidze nou'n bezwen pran sa lenformasyon i nou annan deza. Byensir enn fwa ki nou'n arriv laba, nou ava al re vizit sa kontra ki la deza. Nou a konpran en pti pe ki mannyer sa kantite larzan ti pe ganny depanse. Selman pou le moman sa sif i par anba nou. So i en pti pe difisil nou'n bezwen al avek sa sif ki deza pe ganny depanse lo sa sif.

Lo kote Aurore Onorab vre ti annan en Lazans sa lannen o bor '*consultancy*', e nou pa'n depans sa larzan selman i annan en kantite kouraz ki'n ganny fer lo *review of master plan* Aurore. Nou ti ganny nou en pe lasistans sorti deor avek en consultancy ki baze deor e zot in donn nou sa lasistans nou pa'n bezwen pey zot naryen.

I ti zis pou nou sey konpran en pti pe ki vizyon nou ti annan pou Ile Aurore.

Byensir zot, zot ti'n vin la akoz zot ti nou kapab dir zot ti en pti pe enterese pou kekfwa devlop en bout lo Aurore. Selman nou ti fer kler poudir nou pare pou nou travay ek zot,

pou zot partaz en pti pe zot lekspertiz. Selman *anything* i pou ganny fer lo Aurore *moving forward* pou bezwen en keksoz ki pou ganny met deor pou tou dimoun partisipe.

So sa travay ki nou'n fer avek zot sa lannen in ed nou en kantite akoz in ed nou met an plas en *basic master plan* - en vizyon nou kapab dir, pou sa zil. *And the next step* i pou nou al deor avek en *expression of interest*, pou en dimoun devlop en *full master plan* pou Ile Aurore baze lo sa *skeleton master plan* ki nou'n fini met an plas.

I pou ed nou en kantite i pou ed nou kontrol en kantite sa novo *master plan*, lefe ki nou'n fer sa legzersis sa lannen.

So menm si nou ti'n bidzete pou sa e nou pa'n servi, i zis akoz nou'n ganny en loportinite pou nou fer li *without spending any money on it*. And sa lot bout ki ou pe war pou vin lannen prosenn, enn fwa ki nou ganny konsiltan pou ed nou devlop sa *master plan* en pti pe pli an detay.

### **MR DEPUTY SPEAKER**

Mersi CEO. Onorab Vidot.

### **HON AUDREY VIDOT**

Mersi Mr Chair. Minis anba *non-financial asset* dan

programm 1 pou *SIA*, i montre dezyenm faz proze flat Eden Village Roche Caiman. Eski Minis i kapab konfirmen si sa bann rekomandasyon ki Lotorite Distrik ti met devan ou la-tansyon Minis, an referans avek akse semen pou bann lezot dimoun dan sa zanmerant kot sa proze pe ganny fer?

Bouz *playground*, ki pou ganny fer dan sa landrwa lo sa nouveau *site playground area*, ki pou nou benefisyé tou dimoun, si sa pou ganny materyalize pou 2023?

Minis prenon kont ki Roche Caiman nou pa'n vwar okenn sa *unit* pou *MIVAN CEO* pou konn tre byen, napa renovasyon ki'n ganny fer. Eski i anba programm, menm programm sa morso kot *minor works* i kouver eski *SIA* i kapab konsider renovasyon la, oubyen eski zot pou kapab met presyon avek *PMC*?

Akoz mon konnen zot travay tre pros ki omwen *at least* boner 2023 Roche Caiman i kapab war sa *unit* in ganny *renovate* pou fer alokasyon. E dernyerman Minis mon kontan ki ou'n dir ki ou pe met presyon pou Gouvernman pou Lazans kapab bouze.

E nou osi nou met an kantite presyon atraver Minister, zisteman parey pou

ban kontrakter. E mon fek aprann ki i annan bann demann pou bann Departman Minister rod bann kontrakter pou fer *site visit* ek *tender* pou bann proze.

Alors mon annan en remersiman ki'n ganny vini pou *LOTO* ek Lekip *United Seychelles* pou sa bon travay. E zot pe vwar lekel ki pe koz pou zot. E nou swete ki sa diferans ozordi e pou 2023 i a mars byen. Mersi Minis.

### **MR DEPUTY SPEAKER**

Annou pa ouver laport pou bann komanter ki pa neseser sorti lo lot kote latab silvouple. *Proceed* avek larepons. Mersi. *Let's stick to the budget and the targets, the sums* ki ladan. E nou pa ouver laport pou bann repons. Mersi.

### **CEO JITESH SHAH**

Mersi Onorab. Mersi Mr Chair. Onorab pou sa proze 8 *unit* parey mon'n dir, sa mon ti a prefere pran apre midi ler *PS Barbe* i la *as well*, *PS* pou Lakaz. Akoz i pou annan pou fer avek en *ongoing project*.

Menm si zot pe war sa dan *non-financial assets* sa ti plito pou 2022, zot pou remarke poudir pou 2023 balans pou sa bann proze *ongoing* i tonm dan

Bidze Later ek Lakaz. Sa nou ava *take up* apre midi.

Lo kote sa *unit MIVAN* wi definitivman sa bann proze koumsa spesifikman ki ganny fer annan *minor works*, bann pti renovasyon bann keksoz koumsa. I pa bann keksoz ki, i bann pti sonm larzan ki pou difisil pou nou met en ta laliny dan Bidze.

*And i osi bann keksoz ki vini pandan lannen i pa neseserman bann keksoz ki ti'n ganny programmen depi komansman lannen. So sa i en keksoz ki nou kapab konsidere anba la.* Mersi.

### **MR DEPUTY SPEAKER**

Mersi. Prosen entervenan mon ava kriy Onorab Roucou.

### **HON MICHEL ROUCOU**

Mersi Mr Chair. Bonn apre midi a tous. *Welcome* Minis avek ou lekip. Minis mon kestyon i lo kote saler - 1. Mon war poudir i annan 41milyon lo kote saler. Nou konnen ki poudir se ki laplipar zot bann *staff* i sorti dan diferan Minister ki'n bezwen zwenn ansanm pou zot kapab fer sa Lazans.

Eski in annan okenn negosyasyon, ouswa *staff* ki ti pe ganny bann saler ki ou kapab dir ki zot tonm dan menm departman, ki zot in

bezwen revwar pou fer sir poudir bann saler i tonm preski parey? Apre en pti pe lo kote lofis li menm li, nou konnen poudir sakenn bann *staff* i en pti pe eparpiye Minis.

Taler ou'n koz en pti pe lo la, selman mon pa'n tro, tro kapab *capture* li. Eski la ou pe dir nou poudir zot pou annan en landrwa ki zot pou fini idantifye ki zot pe al *rent* ki fer sir poudir tou *staff* i la ansanm? Mersi.

### **CEO JITESH SHAH**

Mersi Mr Chair. Mersi Onorab. Onorab lo kote sa bann *staff* ki eparpiye en pti pe partou. Wi kort nou pe bouze annefe akoz i en batiman Gouvernman nou pa bezwen *rent* zo i sov nou lo kote *rent*. E wi nou pou annan tou *staff SIA* lo en sel sit anba en sel twatir kot i pou ed nou en kantite dan nou lefikasite travay *as well*.

E pou lo kote saler pou bann *staff* enn bann premye keksoz ki nou ti fer ler nou ti komanse sa lannen nou ti bezwen armoniz sa *Scheme of Service* ki ti deza la an plas pou Departman Lenfra striktir kot nou'n bezwen met tou bann lezot *staff* ki ti pe ganny abzorbe anba *SIA* lo menm *scheme*.

So la preznan nou lo menm sityasyon kot tou dimoun i, sa

*scheme* in fini armonize tou dimoun, nou napa parey 2 enzenyer ki pe ganny de diferan saler oubyen de teknisyen ki pe ganny de diferan saler i en sel standar partou, ya.

### **MR DEPUTY SPEAKER**

Mersi CEO. Mon ava prezan kriy Onorab Arissol Sandy.

### **HON SANDY ARISSOL**

Mersi Mr Chair. mon kontan letan ou'n dir annou *stick* avek Bidze ki devan nou e ou pe dir Onorab Audrey pa ouver okenn laport, parske parey mon dir sa novo parti la si zot ouver nou pou antre. I annan 24 nou pou antre! So apre laport pa pou kapab fermen. So alor annou *stick* avek Bidze.

So dan Bidze pou *SIA* i annan *transportation and travel cost*. Mon ti a kontan ganny en pti leksplikasyon lo la Mr Chair, parske pou *fuel for vehicles* i an en logmantasyon. Apre pou *hire charges for vehicles* i annan en logmantasyon;— *other transportation cost* i annan en logmantasyon. Kekfwa zis pou don nou en pti leksplikasyon si sa 3 kekfwa zot marye ansanm?

Apre mon ti a kontan demann *CEO*, mon tann ou pe vin Bel Ombre, zot pou bouz Bel Ombre? Eski si mon'n konparan ou kot *NISTI* ti ete?

Ou pe dir savedir ler lekol Belonie Segonder i bouze zot pe antre? Be letan ou pe koz *landscape*, mon krwar i ava enportan Mr Chair parske letan lekol Belonie in vin la, i annan en problem avek *landscape* parske o bor zot *NISTI* la, i annan en baraz.

E i annan bann vwazen ki reste la depi tou lot kote i ale ziska kote, be la toulstan i reste bwaze parske lekol pa pe. Mon mazinen tanzantan zot a vini zot, i ava annan sa travay ki ava annan ansanm avek distrik pour ki bann vwazen ki reste a kote zot pa santi zot menase avek bann vezetasyon bann keksoz ki la.

E mon mazinen sa bann larzan *landscape* ki ou pti pe koz lo la i ava zisteman ed en pti pe lo la. Mon ava aret la Mr Chair.

### **MR DEPUTY SPEAKER**

Zet sa travay lo zot Brigad Dirzans.

### **HON SANDY ARISSOL**

Zet sa travay dan distrik Bel Ombre laba nou ava organize.

### **MR DEPUTY SPEAKER**

*CEO*?

### **CEO JITESH SHAH**

Mersi Mr Chair. Mersi Onorab.

Onorab lo kote *transportation cost* ou'n koz lo *fuel for vehicles*. *Fuel for vehicles* in *increase* akoz nou pe fer provizyon pou le moman pou nou rod plis transpor. So sa definitivman pou vin avek en logmantasyon. E osi nou bezwen pran kont poudir nou pou Bel Ombre.

So parey nou bann sit dan sid i annan sa pti zistans an plis ki nou bezwen *travel as well*, so nou'n met en pri poursantaz an plis lo la ankor. Lo kote *hire charges for vehicles* ler nou pe get sa o prensipalman kouver nou bann *trips* ki nou fer Praslin.

Ler nou pe get volim proze ki nou pou annan Praslin sa kantite *trips* ki mon pou annan, malgre nou pou annan en tim nou pou annan en pli gran prezans Praslin apartir lannen prosenn, nou *still* nou pou bezwen annan manrmay ki pou monte desann sorti isi *as well* pou donn plis sipor. So sa nou bezwen kouver anba la.

E finalman anba lo kote *transportation cost*. Sa i kouver basically pou sa de premye lannen. Lefe ki nou en Lazans kot tou son bann travayer swa zot anvil oubyen zot pros avek lavil kot zot baze ozordi, nou'n fer en diskisyon avek Minister Finans.

E nou'n agree avek nou staff poudir pou sa 2 premye lannen nou pou *provide* en *shuttle bus service* sorti anvil bomaten, epi aswar pou re desann anvil pou nou kapab ed nou staff en pti pe avek sa tranzisyon zis pou sa 2 premye lannen.

Apre sa nou ekspekte pour dimoun pou komans abitye avek sa sanzman parey dan nenport lezot landrwa travay - wi. E byensir mon pran not ou konsern lo kote *landscaping* avek sa landrwa ki bwaze, nou ava *takele up* enn fwa ki nou bouz laba. Mersi.

### **MR DEPUTY SPEAKER**

Mersi CEO. Onorab Pillay.

### **HON SEBASTIEN PILLAY**

Mersi Mr Chairman. Mon a note Mr Chairman ki nou'n ganny 2 *threat* la nou'n tann dir le 24 pou antre. Be ler sa 24 in fini antre sa 10 osi pou antre fermal ek zot en, pa trakase zot.

(laughter)

### **MR DEPUTY SPEAKER**

Silvouple! Silvouple! Nou'n byen komanse bomaten *let's stick to the budget*. Zot vwar difikilte ki zot met mon ladan si enn lo en kote i komanse e i vin

### **HON SEBASTIEN PILLAY**

Be ou, ou pa bezwen ankoler ou! Premyerman Mr Chairman mon ti a kontan ganny ou gidans akoz mon krwar i enportan ki nou aziste. Mon pa krwar nou pou kapab pran en vot lo SIA akoz nou bezwen esper departman pou pran en vot, akoz ou annan - Bann manm in byen fer zot, i annan serten konponan ki tonm anba ou Bidze e nou pe pas ou Bidze la nou. *Ok*, nou annan nou en konponan devlopman Ile du Port ki 25milyon ki tonm anba ou Bidze.

Nou annan en konponan - sa i en konponan *lease*, so i en konponan ase serye. So Ile du Port eski i a pe tonm anba SIA direkteman, alors eski ou kapab reponn mwan lo la, oubyen si ou pe fer lenplimantasyon pou en lot Lazans? Premye kestyon.

Dezyenm kestyon; Gouvernan pe pey R25milyon pou *lease* Independence House. Eski Gouvernan pe pey sa R25milyon *lease* e pou ki kantite letan ankor ki Gouvernan pou pey sa R25milyon *lease*?

Apre anba ou ‘*housing*’ mon vvar en alokasyon 2.6milyon. Sa 2.6milyon eski ou kapab gid nou en pti pe-

mon war *wages and salaries*, mon war ‘*housing*’ i 2.6milyon. kote egzakteman ki zot pe rent lakaz e ki mannyer ki prosedir zot servi pou zot *rent* bann lakaz? Pour ki nou a kapab ganny en konpran?

E apre an relasyon avek liniform. Mon'n vvar en gro logmantasyon dan liniform. Pour ki rezon ki i annan sa logmantasyon dan liniform, e eski zot pou swiv, eski i annan okenn antite ki pe *provide* zot liniform oubyen eski zot pe *tender* donn liniform? Akoz nou konnen ki annan plizyer dimoun ki fer *tailoring* ki asosye avek Leta serten zot? Apre mon dernyen kestyon Mr Chairman.

### **MR DEPUTY SPEAKER**

I fer ou 5 la. Ou'n demann lo liniform, *housing*, Ile Du Port, *Independence House*. 4 la ou pe demann mon senkyenm.

### **HON SEBASTIEN PILLAY**

Mon pe abize *ok* Mr Chairman, savedir mon fer dernyen, dernyen menm. Nou'n koz lo sa *consultancy* par en group etranze. Eski ou kapab dir nou lekel sa group etranze silvouple? Pour ki nou ava ganny en nide lekel sa bann dimoun ki pe fer bann demann anver SIA? Vwala Mr Chairman 25milyon, 2.6milyon avek mon

krwar R300ekek mil pou liniform. Mersi.

### **MR DEPUTY SPEAKER**

*Proceed panel.*

### **CEO JITESH SHAH**

Mersi Onorab pou ou kestyon. Mersi Mr Chair. Wi mon kapab koz lo proze Ile du Port akoz parey zot war poudir i tonm anba Bidze SIA. So mon pou kapab koz lo la, selman ou pa'n demann okenn kestyon spesifik so mon pa konnen.

*Ok, so pou sa bout Ile du Port i basically nou pe fer en bout lenfrastriktir kot fish processing zone pe al fer, so zone 14. So pou lemoman nou deza annan en konsiltan ki pe fer sa review of sa design. Akoz Ile du Port ti deza annan en design pou lenfrastriktir dan lepase.*

Selman avek fason ki kekfwa zil in devlope *over the years*, nou'n war of course teknolozi i sanze, bann sityasyon i sanze. Nou pou bezwen revwar sa master plan pou sa lenfrastriktir. So li pou le moman i *ongoing*. E enn fwa ki sa in fini boner lannen prosenn, nou pe mazinen pou nou komans lenfrastriktir pou sa bout *zone 14*. Sa i pou sa kestyon Ile Du Port.

Lo kote *lease*, *Independence House*. *Lease Independence House* i anmenn sa *lease* ki mon krwar tou le lannen nou mansyon en kou i *lease* avek *GICC* pou *Independence House Annex* ki sipoze pe konplete an 2025.

Nou'n koz lo liniform Onorab - Onorab ti'n deza reponn iniform selman kekfwa ou pa ti la. Liniform larepons pou liniform se ki *basically* sa lannen nou ti napa en *logo or anything yet*. So nou pa'n fer okenn *uniform*, pou tou nou bann staff nou annan *118 staff as we speak today*.

So lannen prosenn nou pe fer promosyon pou nou fer *uniform*. E byensir parey prosedir nou pou bezwen rod plizyer kotasyon avek nou kapab swazir lekel ki pou fer sa bann *uniform* pou nou.

*Housing - housing* i 2.6milyon Onorab i *basically* nou *housing* pou nou bann *expatriates workers*. Ozordi as we speak nou annan 20 *expatriates* anba SIA. So i annan serten *housing* ki tonm kot nou pe lwe avek *PMC*, so li *of course* i en pti pe pli bon marse pou nou.

Selman zot napa sa volim pou nou kapab met tou nou bann *expats* ladan, so i annan serten ki nou pe lwe lo marse

privé. I annan en louvraz ki nou pe fer an se moman, pou nou si nou kapab dir en rediksyon lo kantite ki nou pe demande lo *housing*. I annan en kantite - parey nou'n koze lannen pase i annan en kantite travayer ki nou ti *inherit from* bann lezot departman.

E nou dapre nou analiz ki nou, nou'n fer nou ti war poudir ti annan en gran disparite lo kote kekfwa bann standar lakaz ki zot, zot ti ladan avek bann *staff* ki ti deza kot Departman Lenfrastriktir. So nou'n fer en nouveau Polisi *internal* kot nou pou en standar *housing*.

E nou pe travay pou nou kapab bann ki kekfwa zot dan bann lakaz ki nou ti krwar poudir i en pti pe pli ser, nou pe fer en fason pou nou kapab rod en lot alternativ pou zot. Selman i pa en keksoz ki arriv ase fasilman. Nou bezwen get en pe ki nou annan lo marse e nou'n fini komans sa legzersis, nou'n fini komans bouz dimoun. Mon krwar mon'n kouver ...

### **MR DEPUTY SPEAKER**

Dernyen kestyon *consultancy*, lakonpannyen etranze.

### **CEO JITESH SHAH**

*Consultancy* wi. Pou *consultancy* nou ti parey mon'n

dir Onorab nou ti annan en konsiltan sorti dan Lenn *JMC Projects* ki ti vin zot Gouvernman poudir zot ti a kontan kekfwa partisip dan en proze parey. Nou ti eksplik zot poudir sa bann proze koumsa byensir i en gran proze nasyonal.

*It would have to be something* ki ganny fer lo byensir lo en baz en *tender - the very least*, en *expression of interest* avan. Selman zot in pare pou zot asiste nou *just to develop a basic skeleton master plan*, ki pou ed nou *moving forward*. Byensir mon prezimen zot annan lentansyon pou zot aprezan la partisipe dan en *expression of interest*.

Selman zot in reisir ed nou e nou ti vreman apresye sa sipor ki nou'n gannyen avek zot, pou zot ed nou met en *skeleton master plan in place*, ki pou ed nou travay lo en gid *moving forward*.

### **MR DEPUTY SPEAKER**

Mersi. Ou annan klarifikasiyon lo ou 5 kestyon?

### **HON SEBASTIEN PILLAY**

Mersi pou *remind* mwan mon annan 5 kestyon. Mon annan de pti klarifikasiyon byen vit. *Regarding fish processing zone*, mon prezimen ler zot fini zot pe

*handover proze avek SFA or avek antite. What is the deadline on completion of sa proze?*

E eski prezan lefe ki zot pe osi fer bann proze pou zot menm e proze pou bann Minister, e prenon kont biznes Gouvernman e Polisi Gouvernman atraver sa Bidze pou al envestir en kantite dan *capital projects*, eski SIA i annan en pozisyon pou li kapab delivre lo tou sa bann proze kapital ki Gouvernman pe vin devan avek? Premyerman enn.

Dezyenmman reasir nou ki sa *GMC Projects* pa pou ganny okenn *favourable treatment* - pa pou ganny okenn tretman favori vizavi lezot kontrakter, lezot konsiltan Seselwa, *when it comes to billing to bann proze ki tou dimoun pou pas dan menm prosedir?* Mersi. E Mr Chairman mon pou bezwen dir mon apresye bann larepons ki *CEO* pe donn mwan. Mersi bokou.

### **MR DEPUTY SPEAKER**

Mersi. Panel?

### **CEO JITESH SHAH**

Mersi Onorab pou ou premye kestyon lo kote Ile du Port. *Infrastructure.* Wi, *Infrastructure* parey mon'n dir nou pe finaliz nou *master plan*,

*review of master plan* pou Lenfrastriktir e nou pe ekspekte pou nou *tender* premye kar lannen prosenn. Baze lo proze li menm lo nou prozeksyon lo kote - kekfwa si nou kapab dir valer sa proze e nou leksperyans lo kekfwa ki kantite i kapab ganny fer.

Nou pe targete poudir *by mid* - nou ti a kontan *by mid*, 2024 sa proze in konplete. So nou pe koz ant 15 a 18mwan pou devlopman lenfrastriktir baze lo valer proze.

Dezyenmman, lo kote Ile Aurore definitivman Onorab parey mon'n dir *at the end of the day* sa ti plito - I ti en keksoz ki nou ti anvi travay lo la. I ti plito en lasistans ki zot ti pare pou zot donn nou. Nou'n fer li byen ler avek zot poudir sa i en keksoz si mon kapab met sa an Angle *there's no strings attached.* Zot in agree poudir sa i ok.

E parey mon'n dir zot, i tou depan lo zot si zot pou oule partisipe *on any expression of interests.* And i pa pou zis pou zot, nou konnen pou en proze parey lo sa lanpler ki nou pe koze pou Ile Aurore, i pou bezwen en *expression of interest* ki kouver *internationally*.

Byensir bann konsiltan lokal pou annan sans pou zot partisipe e mon prezimen baze

lo lefe ki zot *locally based, hopefully* nou a ganny en bann pri ase konpetitif sorti kot zot tou.

Selman nou bezwen pran kont leksperyans bann dimoun tou. Parey mon'n dir *if we have other international companies*, i en proze ase signifikan, nou bezwen en dimoun ki annan en pe leksperyans pou li devlop en prose parey as *well*. So tousala pou ganny konsidere definitivman ler nou fer *expression of interest*.

### **MR DEPUTY SPEAKER**

Mersi. Akoz kontrent letan i mon lentansyon termin sa sesyon midi edmi parey tou bann *Caucus* in ganny enformen avan. So i annan 6 manm ki pa pou kapab demann kestyon, me zot a ganny dan en lot loportinite lo en lot *heads*. Dernyen entervenan Onorab Larue.

### **HON FLORY LARUE**

Mersi Mr Speaker. Mr Speaker mon ti a kantan demann Minis, lefe ki sa i en novo lenfrastriktir e i annan en mank *staff* sa i ganny montre letan nou pou regard paz 343, letan i dir nou ki enn son bann *current challenges* i ki letan pou li delivre lo travay fer *survey*,

*design, costing of projects, zot pa en problem mank skill set.*

Me par kont letan ou pou regard Bidze ou vwar ki prozeksyon lo kote saler *wages and salaries* pou 2023 i 41milyon 116 - 41milyon. E 2024 i 42milyon. Lefe ki *throughout* son detay CEO in dir nou ki zot mank *staff*. E lefe ki nou konnen ki sa lenfrastriktir i kle dan kou proze isi Sesel, e kou i larzan e nou letan pou popilasyon, akoz ki nou pa pe war sa diferans dan demann?

E si i annan plan pou *Mid-year Review increase* Bidze pour ki zot kapab ganny tou sa *staff* k zot bezwen pou zot kapab delivre lo tou proze? Mersi.

### **MR DEPUTY SPEAKER**

Mersi Onorab. *Panel* zot kapab donn mwan garanti zot pou reponn sa kestyon dan 3 Minis, pou mwan kapab rann lantenn *SBC* zis midi edmi? Mersi.

### **CEO JITESH SHAH**

Mersi Mr Chair. Mersi Onorab. Onorab byensir resours i pou toultan pran en *challenge*. Mon krwar sa i en topik en pti pe zeneral. Solman avek resers ki nou annan, menm si ou pe koz lo *wages and salaries* nou pa pe war en gran logmantasyon.

Enn bann rezon pou sa osi i akoz ler no it abzorb sa *wages and salary from* tou bann diferan departman, ti annan serten *post* – ki si zot permet mwan dir sa ri annan serten *dead post* ki ti *funded*, selman ti napa personn ladan kekfwa pou 1an, 2an, zanmen ti annan dimoun ki ti ganny mete dan sa bann post.

So menm si Bidze li menm pa'n ogmant par sa kantite konpare, i annan lespas pou nou fer en pe *recruitment* ant sa 2, dan nou Bidze R40milyon. E i annan sa bann *skills gap* ki mou pe koze nou deza annan en programm ki mannyer nou kapab *breach* sa *gap* en pti pe.

E byensir nou osi bezwen konsyan poudir proze i en pti pe fleksib, avek sa ki nou pe war ozordi avek nou sityasyon finansyel, nou pe war poudir in annan en, nou annan sans i nou envestir sa kantite dan *Infrastructure Projects*.

Selman si nou pou konpar ek sa de lannen ki'n pase, ti napa sa kantite larzan. So nou pi nou bezwen en pti pe responsab ki kantite *in house staff* nou annan. So nou war poudir i annan, i annan provizyon ki nou kapab met an plas pou si nou war poudir i annan en pti pe plis louvraz *staff* kekfwa nou napa ase, nou

annan possibilite pou nou al deor, rod konsiltan pou zot ed nou avek bann louvraz teknik; *beef up* en pti pe pou bann proze spesifik.

E sa ki nou pe fer sa i nou plan *moving forward as well*. So i pa neseserman tou resours i *in house* dan Lazans li menm. Nou osi kapab *manage* serten konsiltan dan sekter prive pou bann proze si nou war poudir louvraz pe deborde.

### **MR DEPUTY SPEAKER**

Mersi. Onorab Gill wi mon war ou'n lev ou lanmen. *Ok* fer li vitman 30 segonn koumsa nou rann lantenn avan midi edmi.

### **HON CHURCHILL GILL**

Mr Speaker *very brief* akoz sa i en pe kontradwir prosedir ki son departman i servi, *contingencies* pou *retention* R1.5milyon.

Normalman *retention* se baze lo sa pti kontrakter i pran nou, ou tenir en *retention*, so i pa vin en depans pou ou, be ladan i annan en depans R1.5milyon si ou kapab eksplik nou. Mersi.

### **MR DEPUTY SPEAKER**

*Proceed.*

### **CEO JITESH SHAH**

Mersi Mr Chair. Mersi Onorab. Onorab sa *retention* li menm pou bann proze ki *ongoing* oubyen ki'n ganny bidzete i deza dan Bidze son *retention*. So parey zot pou war par egzanp pou *cater* ek lakaz si ou pou get bann proze, zot pou war dan bann lannen ki swiv pou annan en pti sonm larzan ki li i *capture* son *retention*.

Sa *contingencies* pou *retention* nou ganny en kantite ka kot nou'n fer en proze 3an pase kontrakter pa'n zanmen vin *claim* son *retention*. So i bann keksoz ki i fini pase dan bann vye Bidze, and legalman nou ankor dwa zot sa larzan. So nou bezwen et en pti *contingency*.

I plito bann pti proze. Nou ti fer en pti lakaz isi en pti semen laba, kontrakter i deside apre 2an, 3an vin rod son larzan i ti blyie. So nou bezwen annan en pti *budget line*. So tou keksoz ki ganny peye anba la i bezwen ganny zistifye koman en vye retenir ki pa ti ganny peye lo en proze.

### **MR DEPUTY SPEAKER**

Mersi pou sa larepons CEO. Ki'n anmenn nou ler prezan pou nou pran en vot lo alokasyon *Seychelles Infrastructure Agency* ki trouve lo paz 343 a 348 pou en sonm

R108milyon, 844mil. Tou bann ki an faver endike silvouple. Mersi okenn Manm ki kont? Mersi.

Rezulta vot pou sa enn alokasyon setadir *Seychelles Infrastructure Agency* pou en sonm R108milyon 844mil. I *comme* swivan;—

20 Manm in vot an faver, okenn Manm pa'n vot kont, 4 Manm in absténir, donk alokasyon pou *Seychelles Infrastructure Agency* i pase. Mersi. E nou ava osi remersye bann zofisyé ki'n avek nou pou la bomaten e nou ava kontiny travay dan Staz Komite apartir 2er apre midi.

**(BREAK)**

### **MR SPEAKER**

Bonn apre midi tou dimoun. Mon krwar nou annord dan Komite. Nou *ok* nou dan Komite? Byen.

Onorab Henrie ou annan en pwen?

### **HON GERVAIS HENRIE**

Bonn apre midi Mr Speaker. Zis pou rapporte ki bomaten nou'n fini fer 2 antite. Premye ti *Planning Authority* e dezyenm ti *Seychelles Infrastructure Agency*. Alor la nou pou kontinyen avek programm aktyel.

Me Mr Chair letan mon ti dan Chair bomaten, Manm Elekte pou Zil Pros ti lev en konsern konsernan bann Digwa ki ti pe ganny difikilte pou vin Mahe avek tretman lasante.

### **MR SPEAKER**

Zisteman mon annan en mesaz sorti kot Dr Louange.

### **HON GERVAIS HENRIE**

Wi. Akoz nou'n ganny *invoice* poudir, mon annan en kopi la avek mwan lo mon telefonn ki sa in *sort out* par Minister Lasante aprezan. Mersi.

**(APPLAUSE)**

### **MR SPEAKER**

Wi. Mon a lir pou benefis Onorab Uranie.

*“In response to the comments raised by Honourable Rocky Uranie of La Digue:*

*In regards to patients travelling from Praslin/La Digue to Mahe by Cat Cocos, the Health Care Agency would like to confirm that the issue has been resolved and that the service has been restored”.*  
Mersi.

Madanm Reporter nou ava apel Minis pou konsiderasyon Bidze *please*.

### **MR SPEAKER**

Madanm Clerk ou kapab rapport avek Lasanble kot nou ete silvouple please? Si nou'n. nou napa ase sez? Madanm Clerk silvouple enform Lasanble kot nou ete.

### **MADAM CLERK**

Mersi Mr Speaker. Mr Speaker nou pe sey fer laranzman pou bann *officials* ki pe akonpanny Minis. Nou pe fer en pti laranzman lo bann latab devan pou nou met en sez an plis. As soon ki nou fini nou ava kontinyen avek *Committee Stage*. Mersi Mr Speaker.

### **MR SPEAKER**

Madanm Clerk eski nou bezwen sa zofisyе pou komans *Sitting*?

### **MADAM CLERK**

Mr Speaker *Minister* ki pe demann nou pou nou met sa zofisyе.

### **MR SPEAKER**

Nou kapab envit Minis pou antre silvouple. Apre nou ava regarde kot nou ete.

### **MADAM CLERK**

Yes.

### **MINISTRY OF LANDS AND HOUSING**

**MR SPEAKER**

Mersi. Minis antre silvouple. Madanm Clerk ou ava pran not lekel zofisyé ki nou napa lo nou lalis pou nou kapab prezante silvouple?

Antretan mon a dir bonn apre midi e byenveni Minis pou Later e Labita Minis Billy Rangasamy. E mon konnen nou annan Mr Denis Barbe *Principal Secretary* pou *Housing*. Mr Aubrey Horter Direkter Zeneral dan *Lands Department*.

E nou annan osi Mr Jitesh Shah *CEO Infrastructure Agency*. E nou annan Ms June Loveday *Financial Controller* dan sa Minister. E osi Mr Jude Commettant *Deputy Comptroller General* dan Minister Finans. Mersi. nou'n pare pou nou pran Bidze *Ministry of Lands and Housing* ki lo paz 332 ziska 340 pou en total R399milyon, 234mil.

E parey labitid nou a komans avek lentrodiksyon Minis lo son Bidze. E mon war i annan deza bokou lentere. Gard zot lanmen anler silvouple pou le moman. Minis ou kapab komanse.

**MINISTER  
RANGASAMY**

Bonn apre midi Mr Chairman. Tou Manm Onorab e tou

dimoun ki a lekout. Mersi bokou bomaten pou sipor ki zot in donn nou pou aprouv nou bidze *Planning Authority* e SIA Lazans Lenfrastriktir.

Apre midi nou annan en Bidze vreman enteresan. E letan mon get tou sa lanmen ki anler, mon war zafer i serye. E parey zot vvar mon osi monn vin ek en lekip vreman sanpyon la. E *full determinen* nou pou partaz sa letan ansanm e mon konnen zot tou zot pou vot pou sa Bidze.

Pou lannen 2023 en Bidze R399.2milyon in ganny propoze pou Minister Later ek Lakaz. Par kont Bidze Minister pou lannen 2022 i ti R94.7milyon. Sa logmantasyon R304.5milyon i relye osi avek finansman proze kapital ki'n ganny transfer sorti kot Lazans Lenfrastriktir e osi bann enzeksyon par Gouvernman pou bouz nou proze Lakaz e Later pli devan.

Pou lannen 2023 Bidze anba '*wages and salaries*' in ogmant anba R3.3milyon nouvo Bidze 2023 i fer provizyon pou 13enm mwan saler e 10poursan logmantasyon saler pou tou travayer parey Minis Finans ti'n anonse.

Minister pou osi benefisyé avek 2 novo *post* kle. En *GIS programmer* e en *senior monitoring and evaluation*

*officer* anliny avek nou plan stratezik ki nou ti pe travay lo la pou sa dernyen 1an edmi.

Nou pe osi ranforsi nou *Unit Customer Services* ki mon krwar zot tou zot okouran i amann serten lafebles. Par kont anba ‘goods and services’ Bidze 2023 konpare avek 2022 i reste preski parey eksepte enn de novo depans enportan ki pou ed nou avek nou stratezi *digitalisation*, sirtou dan domenn *customer service delivery GIS e survey* ki tre, tre enportan.

Nou pe osi devlop nou sistenm *tracker*, kot nou a kapab *track* tou bann dimoun elektronikman olye pe mazin sa dan nou latet oubyen rod en *file*. E en sistenm ki pou entegre tou nou bann sistenm ki annan dan tou bann diferan departman tel ki Later, *GIS e Plan - Planning Authority*, pou nou met sa sistenm entegre. Sa i form par pilye mannyer nou oule bouz devan dan sa Minister.

Avek amelyorasyon sityasyon ekonomik pandan lannen 2022, Gouvernman pe re envestir dan Proze Kapital atraver proze *land bank* e Lakaz pou en valer plis ki R300milyon. Fodre note osi Mr Chairman ki R20milyon dan sa

sif pou el ver tranzaksyon later ki Gouvernman i bezwen fer.

Par ler nou aste later pou nou kapab fer devlopman, kot later i limite e osi bann sityasyon peyman konpansasyon pou bann *encroachment*, bann semen ki nou'n bezwen fer dan lepase e sa R20milyon i al pou sa- in ganny bidzete pou nou fer sa.

E R12milyon pou repeyman *loan SSI* pou sa morso later Beau Vallon, kot devlopman pe al ganny fer e pe al ganny met devan atraver novo *master plan* ki nou'n prepare pou sa landrwa presye dan Sesel.

Mr Chairman en pilye nou plan stratezik, se pou rod opsyon *sou..te..nab* pou later ek lakaz pou tou nou bann ser ek frer Seselwa ki merite. E nou pa pou kit personn deryer, sirtou bann ki pran zot responsabilite o serye. Bidze 2023 i en fondasyon solid pou sa programm soutenab ki mon Minister pe vin avek.

Sa lenvestisman responsab par Gouvernman dan proze later ek lakaz dan bann lannen ki pe vini i en gran lankourazman ser ek frer dan sa direksyon. Sa mon asire zot tou zot ava dakor. Sa Bidze i enn ki anmenn lespwar pou tou

nou bann aplikan ki lo lalis e lontan pe espere.

Avek lansman *mid-range condo* Gouvernman pou double alokasyon lakaz san met presyon eksesiv lo Bidze Nasyonal.

Permet mwan Mr Speaker en pti pe pli klerman dan nou Bidze PISP ki devan nou ozordi, Minister pe propoz pou depans R38milyon dan kou lenfrastriktir pou deblok 128 *unit*. R38milyon dan Lenfrastriktir pou deblok 128 *unit mid-range condos*. Se sa ki nou apel en programm soutenab e enn ki responsabiliz nou pep.

Mon kontan pou fer resorti ki depi ki nou'n lans sa prodwi *mid-range condos* pandan Semenn Labita mwan pase, nou'n resevwar en lentere eksepsyonnelle e vreman ankourazan.

Mr Chairman, mon kontan pou osi fer resorti ki sa Bidze pe osi fer provizyon konstriksyon 342 *unit* lakaz abordab, ki pou demare an 2023 pou en valer R220milyon prozekte pou 2023. E osi nou pe target met lenfrastriktir tel ki semen, drenaz, delo, elektrisite pou nou kapab ouver en 100tenn kare later *land bank*. Sa i nou stratezi pou nou sey fer sa si finansman i permet tou-le-z-an.

Mr Chairman e tou bann Manm Onorab, Minister in pran letan pandan sa peryod pandemik, pou nou planifie plizer proze soutenab etale atraver tou bann distrik. Ekout mwan byen tou ... bann ... distrik baze lo plizer faktor tel ki demann, konstriksyon, kondisyon teren, resours finansyer eksetera.

Nou pe rod solisyon pou fer sir nou adres sa sityasyon later, lakaz pou nou pep annan tye. Permet mwan Mr Chairman a sa pwen o non mon Minister, pou rekonnert aksyon brav - la mon pa pe fer okenn politik, be selman nou bezwen rekonnert koman en kolektiv ti en aksyon brav ki Gouvernman ti bezwen pran an Mars 2021, pou re ouver nou pei.

Nou osi remersye Minister Finas a Labank Santral, pou bon planifikasyon fiskal ki'n onnetman anmenn sa stabilite ekonomik e par konsekans nou pe ganny mwayen finansman preznan, pou nou demar agresivman nou programm lozman dan pei.

Mr Chairman i fer nou bokou plezir pou propoz sa Bidze ki aliny nou plan avek nou resours finansman. Parey mon'n dir pli boner sa Bidze 2023 i en fondasyon solid;- en depar byen, byen kalkile pou en

programm later ek lakaz soutenab pou nou pei.

E bann lannen ki pe vini nou reste konvenki ki sa stratezi e Bidze ki pe ganny propoze, ankor enn fwa mon repeete ki pe ganny propoze avek lagras Bondye tou pwisan pou aport fri e soulaz nou bann fanmir ki dan bezwen e ki seryezman merite.

Sa mon asire zot tou Onorab atraver letan i konpran ki mon pe dir, parske i annan bokou fanmir ki merite. Alors mon envit e enplor tou - mon repeete tou Manm Onorab avek tou senserite pou donn sa Bidze zot sipor.

Ki Bondye i beni nou deliberasyon apre midi, e mon annan tou konfyans ki zot tou zot pou vot an faver sa Bidze pou byennet nou pei Sesel. Mersi Mr Chairman.

### **MR SPEAKER**

Mersi Minis. Bon nou annan en long lalis entervenan. Annou fer bann kestyon e bann repons *concise and to the point* silvouple. Mon zis pou komans par deryer e avans lo devan. Onorab Romain.

### **HON GEORGES ROMAIN**

Mersi Mr Speaker. Bonn apre midi to koleg Onorab. Minis ek ou delegasyon bonn apre midi.

Minis mon ganny sans pas en pti kou lo sa Bidze. Mon vwar ki distrik Anse Etoile li menm li koman en gran distrik *in terms of* zabitant mon pa pe tro vreman vwar bokou pou Anse Etoile. Mon kapab dir naryen vreman, apard mon vwar lo kote La Gogue ki annan sa ekstansyon pou *land bank* ki annan R9milyon ladan.

E mon kestyon i koumsa Minis. An vi ki plan *land bank* pou 35bout later ki sipoze in fini pare, e mon ti pe demande Minis ki sa ekstansyon 9milyon, eski i dan menm landrwa kot sa 35 bout ki'n sipoze in fini pare? Apre Minis kan sa bann dimoun i ekspekte ganny zot later ki trouve dan *land bank*?

Mon dezyenm kestyon Minis kan nou- si dan sa Bidze kekfwa mon ki pa pe vwar, eski i annan lezot devlopman? Akoz mon konnen ti pou annan 24 *unit* ki sipoze ganny fer La Gogue, ki mon'n ganny sans vwar plan e sa ti pou 3 blok flat. Eske Minis i kapab dir nou si sa devlopman pou arive oubyen si ou annan en lot keksoz ki annan pou fer pou Anse Etoile Minis i kapab dir nou? Mersi Mr Speaker.

### **MR SPEAKER**

Mersi Onorab. Minis ou pran larepons oubyen endik ou zofisyé?

**MINISTER**  
**RANGASAMY**

Mr Chairman mon pou demann mon *DG* Later akote mon pou donn leksplikasyon lo larepons pou sa proze La Gogue ki Onorab in demande - *land bank*. E *CEO* Lazans Lenfrastriktir petet i a ed nou eklersi sa proze La Gogue - lakaz *I mean*.

**MR SPEAKER**

Tre byen. *DG*?

**DG AUBREY HORTER**

Bonn apre midi tou Manm Onorab. Lo kote La Gogue *phase 2 extension* i pa dan menm lokasyon me selman i en pti git pli ba. Annefe i pou aksesib *from land bank phase 2*. Lo kote alokasyon *phase 1*, tou lenfrastriktir in fini ganny met an plas. Nou'n fini fer tou bann evalyasyon neseser e nou'n fini fer dernyen *due diligence* lo tou nou bann aplikan. E nou pe met bokou zefor, bokou lavi pou nou kapab fer *lot drawing* avan lannen fini.

E si tou keksoz i mars byen avan lannen terminen bann aplikan i ava ganny zot

*offer leter*, pou zot kapab fer zot peyman. Mersi.

**MR SPEAKER**

*Thank you.* Nou a pas ver *CEO*.

**CEO JITESH SHAH**

Mersi Mr Chair. Mersi Onorab. Onorab annefe sa 24 *unit* La Gogue ki ou pe koz lo la i dan Bidze. Son laliny i ladan i en ba proze lakaz ki la. I *basically* si ou get sa lalis proze ki nou annan, i sa enn dezyenm lo lalis 24units *H10051* La Gogue ki nou pe planifye pou nou komans li lannen prosenn. I pa dan bann 2024 i dan bann proze 2023. Wi.

**MR SPEAKER**

*Thank you.* Onorab Mondon.

**HON TERENCE MONDON**

Mersi Mr Chairman. Mr Chair mon kestyon i premyerman i adres a diferan kategori *Housing Projects* ki Minister pe al antreprann. I annan *Social Housing Projects* pou 39.3milyon apre i annan *Special Housing Special Development Poject* 14.1milyon apre i annan *Special*, apre i annan *Affordable Housing*, apre i annan en lot ankor- mon anvi konnen an vi ki i pe fer dan tou distrik pou Takamaka, Minis ki

kategori proze zot pou ganny antreprann dan mon distrik?

E mon dezyenm kestyon se sa koleksyon det ki zot in dir dan zot enn zot bann defi ki zot pa'n kapab kolekte bann det, tre pov lo koleksyon det. Ki lapros zot pe pran pou kapab fer sir ki zot ranforsi e adres sityasyon aktyel? Mersi Mr Chair.

### **MR SPEAKER**

Mersi Onorab. *Panel. DG.*

#### **MINISTER**

#### **BILLY**

#### **RANGASAMY**

Mr Chairman mon pou demann *PS Barbe* lo mon kote drwat pou ed nou avek klarifikasyon lo bann stratezi proze lakaz dan distrik Takamaka. E lo koleksyon ban det *PS Barbe* i a reponn epi an menm tan *DG* i a donn mwan en koudmen osi.

### **MR SPEAKER**

Mersi. *PS Barbe.*

#### **PS DENIS BARBE**

Mersi Mr Chairman. Onorab mersi pou ou kestyon. Mon a komans atraver ou dernyen kestyon lapros pou koleksyon bann det. I annan diferan lapros nou fer. Depandan lo bann det ki dan 30 zour, 90 zour, 60 zour e plis. Bann ki dan 30 zour, 60 zour nou

Seksyon *Accounts* i ekrir tou sa bann dimoun ki annan zot bann aryeraz pou zot *settle*.

E i en lapros ki normalman bann dimoun ki pa'n akimil en det en pti pe par lao 90zour zot *comply*. Nou pli gro *challenge* i bann det ki par lao 90zour e plis. E sa i bann ki nou'n kontinyelman depi en pe letan nou pe ganny difikilte pou nou kapab anmas sa bann larzan.

I lavaler en pti pe plis ki 18milyon kot la nou pe agresivman rod zot, fer bann miting. Bann ki nou pe war poudir zot pa pe *comply*, la i annan en pa mal dosye ki nou'n *escalate* kot *AG's Office*. So sa i en pti pe lapros Onorab.

Lo kestyon proze Takamaka, mon pou profit lokazyon avek ou permision Mr Chairman pou mwan petet, akoz mon konnen i pou vin pou sak distrik. E si mon'n mank en pti keksoz avek permision Chairman CEO Mr Shah i ava entervenir en.

Dan zot laliny *PSIP* ki avek zot nou annan en laliny spesifik ki dir 342 *Affordable Housing Units*. E sa i bann proze ki Gouvernman pou finanse lannen prosenn, e i pou dan sa bann distrik *comme* swivan;

Anse Boileau - 24 unit. La Gougue - 24 unit. Grand Anse

Praslin, Mont Plaisir - 6 unit.  
 Anse Francois Pointe Larue - 16 unit.  
 St Louis - 16 unit. Bel Ombre ex Khashoggi - 12 unit.  
 Baie Lazare Anse Poules Bleues - 16 unit. Perseverance - 24 unit  
 e kontinyasyon proze PSSW pou sa redevelopman - 24 unit.

So tou sa bann proze ki mon'n mansyonnen la zot, zot ganny bidzete pou komanse finansman par Gouvernman pou lannen prosenn. E i annan laliny Bidze ankor ki pou bann *foreign funded projects*. Dan menm paz PSIP, nou annan sa *Special Housing Development Project*. Sa i plito sa bann proze 24/24 ki ti'n komanse ouswa ki pa ankor fini, ouswa bann ki annan *retention* ki ou pou war i *feature* en pti morso larzan lo 2024.

Bann *Special Housing Projects* li i pou plito sa bann pti proze ki Minister i pou anvizaze fer - ou pou war dan lannen 2023 i 6.5milyon, lannen 2024 i mont 10milyon e 2025 i mont 10milyon.

Sa i pou bann proze ki nou pe sey met ater en solisyon pou bann dimoun ki annan later, me selman zot dan bann lanplwa ki enformel ki zot pa kapab al labank pou ganny en *loan*, e sa Minister i ankor pe travay lo en formel ki mannyer nou pou kapab asiste zot avek

en serten solisyon pou zot kapab *at least build* zot lakaz.

Anba *Vulnerable Repair Scheme*, i osi annan en laliny Bidze ki lo la pou *poverty alleviation* - li i 20milyon pou tou le 3 lannen 2024, 2025 ek 2023. Li i pou sa bann *scheme* ki ti la an Plas pou *Vulnerable Repair* ki la nou pe finaliz bann Polisi pou nou kapab *rollout*.

Si bann proze kekfwa ki pou Takamaka ki pa pe *feature* nou annan anba sa laliny pou Lenfrastriktir pou bann *mid-range condo* kot nou annan en 24 unit ki nou pe fer *ex Desaugin Takamaka*.

So en konponan dan sa laliny Bidze pou al atraver Lenfrastriktir pou sa proze, e nou annan dezyenm faz proze Desaugin pou *Affordable Housing* e ki li ki pou *feature* dan bann *foreign funded projects*. Thank you Mr Chair. Mon pa konnen si Mr Shah i annan en pti keksoz pou azoute lo la.

### **MR SPEAKER**

*Thank you. CEO i annan keksoz pou azoute? CEO i ok lo la, si Manm i satisfe we'll move ahead. Onorab Uranie?*

### **HON ROCKY URANIE**

Mersi Mr Speaker. Mersi. Byenveni Minis avek ou

delegasyon. Mr Chair mon oule remersye Dr Louange e bann Digwa ki'n anvoy mwan sa konplent bomaten e mon promet zot ki mon pou toultan defann zot lentere.

**(APPLAUSE)**

**HON ROCKY URANIE**

Mr Speaker mon premye kestyon i al koumsa; vi ki i annan larzan pou Minis, PS dan Bidze, mon oule demande ki pe vreman arive kot sa Departman Later e akoz ki sa PS ti'n ganny sispann? Mersi.

**(APPLAUSE)**

*(Interruption)*

**MR SPEAKER**

*Order please!*

**HON ROCKY URANIE**

Mr Speaker - Mr Speaker mon a klarifye akoz. Mr Speaker ma klarifye akoz Mr Speaker. Akoz sa PS nou ti dan miting ek li i ti annan en bout morso later ki ti pe negosye ant en dimoun La Digue pou li ganny en transfer en bout later Mahe. E la ...

*(Interruption)*

**MR SPEAKER**

Onorab Uranie ou'n mal komanse. Si ou kestyon i annan relasyon avek Bidze silvouple re fraz li. Mon pou pas lo en lot Manm ou kapab ganny letan re fraz ou kestyon si i annan en relasyon avek Bidze e nou a repran. Mersi. Ou annan en lot sans. *Everybody deserves a second chance.* Mersi. Onorab Woodcock ou kestyon.

**HON WAVEL WOODCOCK**

Mersi Mr Speaker. Minis les mon komanse par remersye ou avek ou bann zofisyne ...

*(Interruption)*

**MR SPEAKER**

*Order!* Eskiz mwan mon pa tande akoz bann Manm pe koze. En Manm i a koze a la fwa silvouple. Onorab Woodcock.

**HON WAVEL WOODCOCK**

Mersi Mr Speaker. Minis les mon komanse par remersye ou pou sa miting ki ou ti organize ansanm avek ou bann zofisyne avek tou bann *MNA* lo Praslin.

La Digue Onorab Uranie, mwan menm, Onorab Gill ek Onorab Porice, kot nou'n diskit-nou ti en diskisyon fran e onnet baze lo bann diferan proze sosyal *mid-range condominium* avek *condominium* pou *return graduate*.

Mon kestyon i annan sa lalis 128 *mid-range condos* e dan nou diskisyon ti'n ki nou ti annan Praslin premye miting inisyal apre nou ti zwenn ankor Mahe avek PS Barbe e osi PS Morgan, dan sa 128 *condominium*, ti annan en diskisyon pou annan *condos* pou *return graduate* Pti Lavil. Enkli osi sa *mid-range condos*.

Eski sa dan sa 128 *condos* i osi enkli detrwa sa bann *condos* ki sipoze ganny fer Pti Lavil? E dezyenmman Minis mon bezwen dir ou en gran mersi. Mon vreman ere e mon kontan ki ou'n ekout nou. Dan nou diskisyon ki nou ti annan mon ti met bokou lanfaz lo sa proze Mont Plaisir sa 6 *unit*. E mon vreman *happy* ki i annan sa 6 *unit* ki'n ganny enkli dan Bidze R7.2milyon, ki enkli 3.42 pou lannen 2023 e 3.42 pou lannen 2024.

So en gran mersi akoz sa i en proze ki annan sitan kantite lannen ki zabitant Mont Plaisir pe espere. De lapar zabitant Mont Plaisir mon dir ou mersi ki sa proze in enkli dan sa Bidze.

### **MR SPEAKER**

Mersi. Bon nou annan en kestyon la Minis. PS Barbe?

### **PS DENIS BARBE**

Mersi Mr Chair. Onorab mersi pou ou kestyon. Nou pa'n mete en konponan Lenfrastriktir pou devlop bann *mid-range condos*, spesifikman baze lo bann diskisyon k nou ti pe fer dan distrik avek diskisyon lo teren avek lekip teknik.

Nou pe vwar poudir nou pou bouz proze lo sa sit ki nou ti pe mazinen lo en landrwa ki nou'n deza annan lenfrastriktir ki Minister in fini fer. So i annan en konponan lenfrastriktir ladan. Bann proze ki nou pe kouver dan sa laliny Bidze pou lenfrastriktir *mid-range condo* i *comme swivan* avek permision Mr Chairman:-

Bel-Air, Anse Royale - 24 *unit*. Takamaka 24 - *unit*. Au Cap avek Petit París i 2 landrwa nou santi i annan ase potansyel so nou pe met en konponan Lenfrastriktir boner lannen prosenn, e konstriksyon *unit* li menm i sirtou kot i konsern Au Cap avek Petit París i ava pase boner 2024. *Thank you*.

### **MR SPEAKER**

*Thank you* PS. Onorab Cosgrow.

### **HON WALLACE COSGROW**

Mersi Mr Chairman. Mr Chairman mon annan de konfizyon annefe apre midi la. Mon premye konfizyon se ki bomaten zot in bat lanmen e dir

poudir Bidze i bon, be selman 2 Onorab in dir ki zot pa war naryen dan zot distrik dan Bidze. So mon pa ganny en konpran Bidze i bon selman ...

**(APPLAUSE)**

*(Interruption)*

**MR SPEAKER**

Onorab! Onorab!

**HON WALLACE COSGROW**

Ekoute, non en konsern sa Mr Speaker, en konsern. Mon ava vin lo mon kestyon preznan. Mon kestyon i annan pou fer avek lefe ki nou napa en *accounting officer* pou Bidze *Lands*.

Mon oule met sa kestyon devan Minister Finans, eski i normal, eski i en *normal practice* pou nou debat lo Bidze lo en gard, en Bidze kot napa en *accounting officer*?

Eski i annan en *accounting officer* ki'n ganny apwente akoz nou konnen ki sa *PS* in ganny sispann. So eski i annan *accounting officer*? Eski Minister Finans i kapab dir nou ki prosedir dan sa ka si nou *go ahead* avek Bidze *Lands Department* vi ki napa en *PS* pou *Lands Department*?

Mon lot kestyon Mr Speaker i konsern bann bout

later *land bank*. Mon pe get alokasyon pou *land bank*, mon war i annan tre pe ki'n ganny mete anver alokasyon pou devlop *land bank*.

Eski zot kapab dir nou an vi ki i annan en kantite dimoun pe esper en bout later e pou nou kapab donn lespwar sa bann dimoun, konbyen later *land bank* ki zot pou petet komans travay lo la ouver pandan lannen 2023 silvouple? Mersi bokou.

**MR SPEAKER**

Mersi. Minis nou a pas premye kestyon avek zofisyen Minister Finans?

**DEPUTY COMPTROLLER  
GENERAL JUDE  
COMMETTANT**

*Thank you Onorab. Thank you Chair. I en konsern ki Onorab in leve, me selman dan sirkonstans ki'n arive Minis in apwent en dimoun pou pran responsabilite pou Bidze. So dan sa ka nou bezwen proceed avek approval.*

*(Interruption)*

**(APPLAUSE)**

**MR SPEAKER**

Mersi. I en konsern. Minis kestyon lo *land bank*.

**MINISTER**                   **BILLY**  
**RANGASAMY**

Lo *land bank* mon pou demann CEO Shah pou donn en pe gidans bann proze ki nou pe target for lo la pou lannen 2023.

(Off-Mic)

**MR SPEAKER**

Les Minis fini koze avan. Wi Minis.

**MINISTER**                   **BILLY**  
**RANGASAMY**

Mon a zis reponn sa kestyon akoz mon war i pe kre en serten konsern e mwan mon'n apwent PS Denis Barbe pou li dan sa enterim ki nou ete pou li *the accounting officer* pou ranplas *ex PS Morgan*.

**MR SPEAKER**

Mersi. Ou annan en *point of order* Onorab?

**HON GERVAIS HENRIE**

Wi, mon annan en *point of order* Mr Speaker. Mon oule atir ou latansyon Onorab Loze ki zisteman - akoz mon krwar mon'n lev en *point of order* in taye aprezan, in fer bann

remark vilger kont mwan, tret mwan koman-

(*Interruption*)

**HON GERVAIS HENRIE**

... wi, wi monn tande.

(*Interruption*)

**MR SPEAKER**

*Order!*

**HON GERVAIS HENRIE**

Wi, in demande poudir-

(*Interruption*)

**MR SPEAKER**

*Order!* Eski-

**HON GERVAIS HENRIE**

Mr Speaker. Letan Onorab Cosgrow in dir i kapab pran mon tyak koman SG, Onorab Loze in dir zot a ganny en zonm aprezan akoz la zot annan en pti madanm en pti fanm, sa ki zot in dir.

(*Interruption*)

**MR SPEAKER**

Mersi.

**HON GERVAIS HENRIE**

E mon krwar i pa apropiye Mr Speaker mon pe met sa lo rikord Lasanble Nasional.

*(Interruption)*

**MR SPEAKER**

Lasanble silvouple mon pe demann zot ankor enn fwa pou gard lord. Nou bezwen prosede avek nou louvraz. Onorab Henrie mon not ou pwen mon a regarde ki mannyer nou pou kapab *investigate* sa e ki mannyer nou pou dil avek apre. Mersi.

**(APPLAUSE)**

**MR SPEAKER**

Minis nou ti annan kestyon lo *land bank* pou reponn.

**MINISTER**

**BILLY**

**RANGASAMY**

Mersi Mr Chair. Nou ava bouze nou a travay. Mon a les *DG* Horter *take care* ek sa kestyon *land bank* silvouple.

**MR SPEAKER**

*Thank you. DG.*

**DG AUBREY HORTER**

Mersi Mr Chair. Pou bann proze *land bank* nou target se pou *achieve at least* 100 kare par lannen. E zis pou donn zot en

bilan bann proze ki nou pe komanse pou lannen 2023.

Nou annan Salazi *Land Bank* ki pou 8 kare. Dan Banbou Anse Royale 60 kare. Fond Azore *Land Bank extension* -12 kare, e La Gogue *phase 2* i pou annan 16 kare. E an total i pou 96. E apre i annan bann lezot *land bank* ki nou ti'n deza komanse ki nou pe fer bann *minor works* pou konplet semen e nou kapab ganny sa 4 ladan pou nou *meet* nou target 100kare par lannen. Mersi.

**MR SPEAKER**

*Thank you. Onorab Roucou.*

**HON MICHEL ROUCOU**

Mersi Mr Chair. Bonn apre midi ankor. Minis mon konnen poudir i annan sa 16 *unit* ki'n fini ganny demare Corgate Estate e la dan Bidze mon war poudir i annan 24 *unit* Corgate ankor ki 27milyon si mon pa tronpe. Si ou kapab tous en pti pe lo la?

Apre Minis en pti pe mon war poudir Minister pou Lasante zot pe *recruit en public relations officer*. E an vi ki ennler en pti pe konsern kot Minister Lakaz se ki dimoun pa toultan pe ganny sa *feedback* pou petet serten biznes ki zot vin fer laba, si ou departman,

ou Minister annefe mon pe mazin al osi dan sa laliny?  
Mersi.

**MR SPEAKER**

Mersi. Minis.

**MINISTER****BILLY****RANGASAMY**

Mersi Mr Chair. Mon pou demann CEO Lenfrastriktir pou ekliersi en pti pe proze Corgate Estate pou Onorab. Mwan mon a tous sa *public relations officer*.

**MR SPEAKER**

Mersi. CEO ou a komanse.

**CEO JITESH SHAH**

Mersi Mr Chair. Mersi Onorab. Onorab wi i byen nou annan 16unit ki anba konstriksyon la ki nou pe anvizaze pou fini anver milye lannen prosenn. Selman nou stratezi ki koman Lazans Lenfrastriktir nou'n diskite avek Minister Later ek Lakaz, i pou no sey fer sir poudir nou annan en programm kontinyel Corgate.

Nou konnen ki enn fwa ki nou'n klersi en landrwa ki an lezot aktivite ennler nou komans gannyen dan bann landrwa. So zis pou nou fer sir poudir nou pa pe kit bann landrwa vid pou en kantite letan. So koman sa faz i fini mou a kapab klersi ankor en

bout pou komans salot faz ankor.

So i zis pou nou kapab kit en pe konstriksyon kontinyel ziska ler nou'n fini sa redevelopman Corgate.

**MR SPEAKER**

*Thank you.* Minis.

**MINISTER****BILLY****RANGASAMY**

Mersi bokou Mr Chair. En tre bon kestyon ou'n demann mwan Onorab, parske i enn non bann preokipasyon bokou kritik mon gannyen kot mon Minister - i pa fasil. Volim ki nou pe antreprann i pa fasil, mon krwar i en bann Minister ki antreprann pli gro volim ka piblik Seselwa. Kot i konsern later, lakaz, *Planning, PMC, Lazans Lenfrastriktir* osi i annan bann *challenges* ki i vin avek.

Selman mon krwar i pou kler ki enn bann Minister parey ban lasante parey i resevwar bokou kritik. E ler nou'n analiz sa dan nou bann plas stratezik sa lannen, i kler ki nou'n vwar sa enn nou lafables e nou pe adres sa vreman seryezman.

Ler mon dir ou vreman seryezman nou pe kre en *unit spesifik* pou *customer services, customer delivery* e donn nou bann kliyan sa leksperyans ki

mon merite. Sa lenformasyon ki zot, nou toultan azour avek zot bann ka e donn zot- annan sa relasyon pros avek zot bann kliyan.

So alors mi mo pe fe nou ro tir sa bann *customer services* dan bann departman met zot direkteman annan Sekretarya Minis, kot i a ganny *led by a DG Public Affairs* anba li i ava annan 3 *unit* spesifik i ava annan son *Public Information Communication Officer* ek son bann zofisyen ki donn lenformasyon ki donn ki komunik ek son bann piblik.

Sa i pou al lo en baz rezyonnal lo dan was dan les dan nor dan sid, Praslin, La Digue i ava annan en pti *unit* ki toulezour i an komunikasyon ek zot bann dimoun. I annan en lot i apel ki pou ganny *lead by a Senior Public Relations officer* ki nou annan deza nou zofisyen dan sa pozisyon. E sa pou target en pe ki an zeneral stratezi Minister, bann programm ki nou annan pou nou mentenir sa *public relations*.

So enn nou pe get nou bann kliyan, en nou pe get piblik an zeneral e osi kit piblik azour ki nou pe fer. E pou lot unit pou nou met sa lentegrasyon, akoz nou Minister i sakenn ou al kot

*Lands* zot annan en sistenm, ou al kot *Housing* i annan en sistenm ou al kot *Planning* en lot sistenm, ou al kot Biro Lanrezistreman.

Malgre i pa dan mon sistenm i dan en lot sistenm nou pe seye anmans for pou nou met sa sistenm entegre enn fwa pour tou, apre ki nou pilye *digitalisation* kot tousala i ava mars ansanm.

So sa seksyon li ,sa *unit* pou travay for lo la, me selman enn son baz son konponan prensipal, mon krwar i bokou kestyon dan sa Lasanble pe ganny demande lo sa pwen, se ranforsi sa *public relations*, reponn telefonni dimoun letan dimoun i telefonnen, parey bomaten ti fer resorti ,annan en sistenm ki kapab *track* tou sa bann ka elektronikman.

So mon annan lespwar ki si tou keksoz i tonm an plas ek Bidze ki nou pe gannyen, nou a kapab demars *unit*. Nou ava vvar la diferans bann lannen bann mwan *hopefully* ki pe vini. Mersi bokou Onorab.

### **MR SPEAKER**

Mersi Minis. Onorab Adelaide.

### **HON FRANCOIS ADELAIDE**

Mersi Mr Speaker. Bonn apre midi Minis avek ou lekip e tou dimoun ki a lekout. Minis mon

war menm *PS* in dir nou poudir Anse Poules Bleues *ex Hunt*, i annan sa 16 *unit* ki pe fer. Pli ba ankor mon war i an 32 *unit* Dame le Roi - lakaz. So petet mon kapab ganny en pti leksplikasyon lo la.

Apre *in regards to* Minis ou komen Baie Lazare i annan en bon pe devlopman, apre nou an en bon pe profesyonnel osi. Petet eski ou Minister pe mazinen pou - *at least* nou osi donn nou en pe *condo* akoz mon tann zis *condo* anvil.

Parey mon ti dir yer nou bann manrmay Baie Lazare nou osi malen. So *at least* konsider sa en pti gin pou nou. Apre petet en pti *update to web GIS*, petet ki zistans ou ete avek ou pou nou kapab *update* li? Mersi.

### **MR SPEAKER**

Mersi. Minis.

### **MINISTER RANGASAMY**

Mr Chair sa konponan *web GIS* Direkter Zeneral i a donn ou leklersisman koman en teknisyen, e dan sa laliny li menm dan son *Masters Degree* dan *GIS*, nou *bless* ki i a kote nou so i a donn li en pti *update* lo la.

E lo kot i konsern bann *mid-range condos* pou Baie

Lazare eksatera, i annan en bann proze ki ou'n mansyonnen Onorab *PS Barbe* i a donn ou bann *feedback*. Mersi bokou.

### **MR SPEAKER**

Byen nou kapab komans ek *GIS. DG.*

### **DG AUBREY HORTER**

Mersi Mr Chair. Onorab pou *GIS* nou rekonnet koz nou portre *very outdated*. Annefe depi 2011 ki nou ti servi en avyon pou nou pran bann zimaz, me avek lavansman teknolozi, nou kapab fer li avek bann *drones*. So nou deza annan en proze ki'n fini ganny konsevwar par nou Departman *GIS*.

Annefe pou *GIS Week* ki pour ganny lanse demen, nou pou annan en *pilot mapping* lo Praslin Baie Ste Anne, Cote D'Or avek Grand Anse, pou nou kapab komans anba en pe zimaz. E apre *once* ki nou'n konplet sa zimaz, sa *mapping next year* nou pou al li *full swing* lo Mahe. An servan nou drone ki nou annan aktyelman dan Minister. Mersi.

### **MR SPEAKER**

Mersi. Wi nou a pas kot *PS Barbe*, me zis en pti not nou teknisyen in *advice* ki sa *micro*

pa devret ganny bouze. Akoz nou sistenm *micro* i en pe an detres. So si nou tro bouz lo i riske perdi li. PS.

### **PS DENIS BARBE**

Mersi Mr Chairman. Baie Lazare Onorab zis parey nou lentansyon se ki ou ti pou zenn avek sak distrik pou nou kapab *map out* nou programm lakaz dan sa prosen 3an a 5an. E nou'n fer li avek parey onoran Woodcock in dir Baie Ste Anne La Digue avek Grand Anse Praslin.

Nou ti anvizaze fer li avek azan distrik me selman avek laplipar ditan pa'n permet nou. Me selman pou Baie Lazare an gro nou pe war poudir i annan en serten morso later sirtou Dame Le Roi ki annan gran potansyel, e i en bann keksoz ki no ti pou diskit avek distrik.

Me selman nou avek travay teknik ki nou'n fer, mon'n met en provizyon dan bann *foreign funded projects* pou 2024, ki eksplor tou posibilite *condo* pou Baie Lazare ouswa pou rezyon an menm tan avek lakaz sosyal.

So sa bann detay pli teknik nou pou fer li dan boner Zanvye, depandan lo *availability* bann Manm, an menm tan avek bann zofisyen teknik pou nou pas en pti pe an

detay lo bann plan. *Thank you* Mr Speaker.

### **MR SPEAKER**

Oule en klarifikasyon Onorab? Silvouple bref.

### **HON FRANCOIS ADELAIDE**

PS non, ok, non konpran ki ou pe dir mwan, be selman nou annan sa dan Bidze 2023 la mon pe gete la, Dame Le Roi nou annan en larzan la 43.7 ki mon'n war in mete apard ki sa zafer *condo*. So zis donn nou en pti detay ki i a donn lespar bann dimoun dan Baie Lazare ki pou annan ankor plis lakaz pou zot dan 2023. Mersi.

### **MR SPEAKER**

Mersi ou a klarifye. PS?

### **PS DENIS BARBE**

Sa i en *top plan costing* ki nou nou'n fer baze lo *estimate* anndan. So si tou bann keksoz i al byen avek bann negosyasyon ki nou pe fer avek nou bann partner, nou pou kapab deklans en keksoz 2024. Sa nide avek lespri Onorab. *Thank you.*

### **MR SPEAKER**

*Thank you.* Onorab Gabriel.

### **HON CONRAD GABRIEL**

Mersi Mr Speaker. Bonn apre midi Minis ek ou lekip. Bonn apre midi tou zabitan Pointe La Rue ki pe ekout nou. Mon ti a zis kontan demann Minis pou donn nou en pe detay, plis detay lo sa bann proze swivan;-

I annan Nageon Estate *phase I*, Nageon Estate *phase II*, ex Sarlezia, i annan Adela Road, apre enn pti pe lo sa *ex Mellon land bank*. Dezyenmman mon'n tann PS Barbe nonm Anse Francois, 16 *unit*, ou kapab donn nou plis detay lo la silvouple? Mersi.

### **MR SPEAKER**

Mersi. Minis. PS ki pou pran tousala? DG wi.

### **DG AUBREY HORTER**

Mersi Mr Speaker. Pour *ex Mellon land bank* nou'n fini tir nou 36 kare. Tou nou bann lenfrastriktir i an plas. Nou ti pe zis fer serten azisteman kot i konsern bann lenfrastriktir, akoz ti annan serten *encroachment*. Nou'n fini konplet sa travay, *survey*.

E nou pe ekspekte ki milye Desanm nou pou fer *lot drawing*, pou bann aplikan ki'n *pick bi* pour zot konnen ki *parcel* zot in gannyen. *Thank you.*

### **MR SPEAKER**

*Thank you.*

### **PS DENIS BARBE**

Lo bann proze lakaz Onorab. *Nageon Estate* faz enn, mon vwar nou'n fini konplete. Faz de i annan bokou travay teknik ki nou'n fini fer e bann dokimantasyon, ozordi zour i laplipar i dan staz *planning* pe esper *Planning approval*.

Me selman dan Bidze nou'n fini fer provizyon - ou kapab vwar laliny Bidze, pou Nageon faz 2 en 7milyon. Nou'n fini fer provizyon pour nou kapab *at least* deklans sa bann proze lannen prosenn.

Nou'n rekalkil enn pti pe stratezi anliny avek *ex Sarlezia*, akoz nou ti pe servi *ex Sarlezia* pour nou kapab konstrir, apre pour nou bouz sa bann dimoun ladan pour nou fer re-lokasyon, apre pour nou antre pour fer proze Nageon.

Lefe ki sa pou pran nou enn pe plis letan, nou dir be nou ava pran sa larzan ki nou ti pou fer *ex Sarlezia* fer antre koman en solisyon direk pour sa bann aplikan, ki nou'n fini fer sa bann travay teknik lo la. I pou zis annan detrwa zot ki nou pou bezwen *sort out* solisyon re-lokasyon ler nou pou bouze.

So gran posibilite nou pou kapab deklans proze boner

lannen prosenn, anliny avek tou bann travay teknik ki nou'n fini fer. Sa ki dan Bidze anba *Government Funding Anse Francois i 16 unit affordable housing*, ki nou pou komanse lannen prosenn.

An realite, stratezi travay Departman Lenfrastriktir se ki pour prepar tou bann proze, en fason ki koman Bidze i aprouve zot kapab *tender*, which Minis poudir gran posibilité lannen prosenn nou pou kapab demare ek sa bann proze ki ganny finanse par Gouvernman. *Thank you.*

### **MR SPEAKER**

*Thank you PS. Onorab Samynadin.*

### **HON KELLY SAMYNADIN**

Mersi Mr Chair. Bonn apre midi avek ou delegasyon. Minis enn bann defi ki zot in rankontre an 2022, se pour kapab garanti disponibilite later *land bank* soutenab pour bann proze fitir.

So mon ti ava kontan konnen ki zistans ki zot in arive ek sa *survey*? Ki bann defi k i zot pe rankontre, pour konplet sa prosedir? E si zot pe mazin konplet li an 2023? Mersi.

### **MINISTER** **RANGASAMY**

Mr Chairman zis enn pti klarifikasiyon, nou pe koz lo *state land inventory*? Ok. Mon ava reponn sa kestyon mwan menm.

### **MR SPEAKER**

Yes Minister.

### **MINISTER** **BILLY** **RANGASAMY**

Akoz i en proze ki mon'n pran li mwan menm a ker pour mwan pouse. Akoz mon dezapwente letan mon'n pran biro Minis, pou vvar ki nou napa en levanter later Leta ki kredib. So,

*(Off-Mic)*

### **MINISTER** **BILLY** **RANGASAMY**

Pardon?

E nou'n bezwen ralye detrwa departman, konsernen tel ki *GIS*, tel ki Biro Lanrezistreman Later - *Land Registration* apre Biro Later Gouvernman - *Lands Department* e en proze spesifik ki'n ganny fer, i byen avanse.

Malerezman mon ti a voudre ozordi dir ou in konplete. Me byen avanse i annan zis en peryod, en legzersis validasyon, pour nou konpar bann lenformasyon ki

pa pe marye ou kapab dir sa an Kreol. Kot an Angle nou poudir sa bann *discrepancies*.

So nou pe fer sa legzersis netwayaz lo sa bann pwen, en fason nou pe pouz tou pour tou ki avan lafen lannen, nou ava annan nou rezis later Gouvernman. I pou en rezis ki pa zis kapab fer, i pou bezwen reste en keksoz ki reste dinamik aziste koman Gouvernman, par egzanp dizon sa bann kare later *land bank* i ganny transfer, i pou bezwen sorti lo Gouvernman, al lo sa bann endividé.

Alors tou zefor pe ganny fer pou *wrap* sa *up*. E nou stratezi se pour met li dan nou platform *GIS* osi en fason. Parey toultan zot ganny demande koman bann Onorab, zot *select* get bann bout later dan zot distrik pour bann dimoun ki pe rod en bout later siplemanter, *whatever*.

I ava annan sa lenformasyon ki nou a kapab servi. En baz kredib. Selman sa kredibilite i enportan, akoz nou pa oule *mislead* en dimoun, ler i ale i vwar poudir sa in fini vann. So tou zefor pe ganny fer Onorab, ek lagras senyer si sa i *wrap-up*, i a donn nou en platform vreman, vreman enportan pour nou travay avek.

Mersi Chairman. bokou Mr

### **MR SPEAKER**

Mersi Minis. wi Onorab Gabriel, mon vwar ou'n lev lanmen, mon sipoze ou le retourne lo en klarifikasyon. Silvouple *go ahead*.

### **HON CONRAD GABRIEL**

Yes Mr Speaker. Mersi ti annan zis enn pti bout leklersisman, nou pa'n gannyen. Sa i konsern Semen Adela. Mersi.

### **MR SPEAKER**

*Thank you.* Semen Adela. Yes CEO?

### **CEO JITESH SHAH**

Mersi Mr Chair. Mersi Onorab. Onorab anefe, sa Semen Adela i pa, sa *Adela Road* pa pou aparet dan Bidze Minister Later ek Lakaz. Akoz i tonm anba *Local Government*. Solman *anyway* lefe, ki mon la mon ava zis profite pou donn enn pti lenformasyon lo la.

Sa i en proze ki pe ganny *funded at the India Grant*, dan Bidze ou ava vwar li dan *PSIP Local Government*. I annan en laliny pour li lannen prosenn.

### **MR SPEAKER**

*Thank you.* Mon a retourn lo kote isi lo Onorab Bistoquet, avan mon sot pli devan.

### **HON ROSIE BISTOQUET**

Mersi Mr Speaker. Bonn apre midi Mr Speaker. Bonn apre midi Minis ek ou delegasyon e bonn apre midi tou bann Onorab. Minis mwan mon ti anvi demann ou, mon pa'n vwar dan ou bann *strategic direction*, si Minister i annan okenn, proze dan lefitir pour par egzanp mon pe koz lo Mirabel Pointe Larue, ki annan bann fanmir, i en *one-bedroom* e laplipar sa bann fanmir zot in plis ki 10an.

E zot annan en fanmir, zot annan zanfan, 4,5 zanfan ki proze ki Minister i annan pour sa bann dimoun ki ankor pe reste dan sa *one bedroom*?

Apre eski Minister i annan plan petet, dan lefitir, parey nou trouve dan lezot pei deor, pour nou etablir en sistenm kot, nou annan bann *housing numbers*. Apart ki mon vwar bann *flats*, ki mon vwar i annan, be eski ki legzersis, ki petet Minister pou kapab antreprann ki tou lakaz dan Sesel i ava annan en nimero, ki a fasilit -

Akoz mon'n tann koz lo *GIS*, i a fasilit mouvman apre i a fasilit servis osi ki par egzanp

*PUC* i donnen, e lezot faktor *whatever* ki kapab, fer lavi pli fasil pour tou dimoun. Mersi. Apre file pa a perdi.

### **MR SPEAKER**

Mersi Onorab. Minis.

### **MINISTER**

### **RANGASAMY**

Mersi Chairman pour sa size stratezi, e plan Gouvernman kot i konsernan bann dimoun ki ankor dan bann lakaz *one bedroom*. Kot ti apropriye en moman donnen, me lafanmir in agrandi. Mon pou les *PS Barbe* reponn sa vi ki i pe analiz sa size o profon.

Lo sa size *housing numbers*. Sa mon kapab reponn li mwan menm, e mon a profite mon a reponn la. *Ok?* E mon a profite mon a reponn la. *Ok?*

I annan en *postal address system* ki Gouvernman Lokal pe *drive*, e ki pe konmsi pran *the lead* e zot ki pe met sa proze ater. E mon Minister e sirtou Departman *GIS* pe donn tou sipor neseser, pour kapab fer sa vin en realite.

Mon aprann atraver bann korespondans ki mon ganny gannyen ki sa pe marse tre byen. Bokou legzersis in ganny fer dans serten distrik, anvil par egzanp. Dan rezyon Victoria,

zot in komans ale, analiz bann sou-distrik dan distrik. So kot i ava annan, parey *L'Angleterre* zot apel sa en *postal code*. I ava annan en kod ki relye ek tou sa bann sou distrik, apre dan sa sou- distrik dapre pozisyon lo semen i ava annan en nimero pour sak lakaz, e dan bann blok *of flats* i a parey.

So i vreman enportan. I en proze ki pe ganny pran vreman seryezman lo nou kote, nou pe donn tou sipor avek Departman *GIS*. E nou annan en rol kle pour nou zwen nou osi lo sa, avek Gouvernman Lokal, koman zot sipor teknik pour zot, pour nou kapab deklans sa proze.

Mon annan lespwar lannen prosenn, nou a kapab vin devan prezant ek Lasanble apre ki nou'n fini avek *Cabinet* pour nou met sa proze ater. La mon'n sot enn pti pe an deor mon limit akoz i sipoze en proze Gouvernman Lokal.

Selman mon koleg i permet mwan ki'n kriy ki in konpran ki mon pe sey dir, ki i en proze vreman enteresan. E enportan pour pei. Nou anvi fer li vin en realite. Mersi Mr Chairman.

### **MR SPEAKER**

Mersi Minis. Onorab Vidot. PS i annan lot keksoz pour adrese?

### **PS DENIS BARBE**

Mr Chair mon ti anvi zis adres enn pti pe kestyon Onorab pour sa stratezi *one bedroom*. Stratezi Minister, i plito vize anver ban transfer ki avek sak alokasyon nou sey bouz bann manm fanmir, en?

Nou rekonnet baze lo kantite *unit* en senp legzanp, par egzanp nou pe vwar ki lannen prosenn nou pou annan zis 16 *unit* ki pou a dispozisyon distrik Pointe Larue par egzanp. Dan alokasyon nou tant pa zis pou get bann dimoun, ki pe annan laspirasyon pou annan son lakaz, pou la premyer fwa, me osi bann gran fanmir ki dan bann *one bedroom*, pour nou kapab bouz li.

E nou tant pou rod solisyon, avek sak alokasyon koumsa. I pran en pe letan akoz nou napa pa mal bann gran fanmir ki dan sa bann sityasyon parey. Nou stratezi enn pti pe pli zeneral, se ki reget byen income osi sa bann manm fanmir ki dan sa bann sityasyon.

Akoz i kapab annan zot ki pou tonm dan sa bann *mid-range condos* pour mwan kapab pouz enn pti pe pour nou fer ale. Me dan nou plan ki nou pe travay lo la an menm tan ki nou anvi diskit avek distrik, nou pa

anvi get zis bann aplikan ki lo lalis pe esper en lakaz de nouvo.

Nou anvi osi get sa bann lalis transfer, pour nou kapab *map out* en *way forward*, pour ki distrik an menm tan aplikan i annan en nide, en *time frame*, kan ki kekfwa zot pou ganny en lakaz ouswa ka ki mon pou sorti dan sa *one bedroom*. So avek desizyon ki nou fer avek distrik, ou pou vwar enn pti pe nou laspirasyon pour Pointe Larue. Menm si parey dan Bidze la ou pe vwar zis sa 16 *unit*.

Be i annan ankor bann keksoz ki nou pe planifye ki nou bezwen ganny diskisyon avek distrik. An menm tan si nou pe mazin met ankor enn pti pe plis *unit* par egzanp *ex Albert*, e ki ava ed nou stratezi bouz dimoun anmenn tan ed stratezi bann dimoun ki dan lalis pe esper lakaz, pour nou kapab met en *time frame*, avek tou sa bann moman espere. *Thank you.*

### **MR SPEAKER**

Mersi PS. Onorab Vidot.

### **HON ANDREY VIDOT**

Mersi Mr Chair. Mr Chair mon premye kestyon pour Minis. Minis dan bann alokasyon *land bank* ki ou'n dir pou an annan 2023. Eski zot in fini demark bann rezyon, ki zot pou fer

alokasyon, prenon kont parey mon dir toultan Roche Caiman i depan antyerman lo Minister.

So eski i pou bann, i pou parmi bann rezyon ki pou benefisye, pou bann aplikan Roche Caiman? Lot kestyon Minis. Eski dan sa provizyon Bidze, zot pe konsider desantraliz *housing officer* dan distrik, petet pou adres ptipti pe bann konsern Manm Onorab i demande, e osi ava ranforsi bann vizit, avek vwar kliyan.

Pou bann proze dezyenm faz proze 24, ki pe annan dan bann distrik, la mon regard Roche Caiman. I pou benefisye nou bann dimoun, pour zot ganny plis lenformasyon, apre osi pour komunik enn pti pe klerman, sa bann *scheme* ki ou Minister pe fer resorti. Mon donn en senp legzanp parey si en lakaz en dimoun i brile. Eski lo ki i pou tonbe, eski *vulnerable housing* oubyen, lo sa lot *low cost*?

Apre Minis pli boner ler mon ti pe demann *SIA*, konsernan proze Roche Caiman ki dan Bidze. 8 *unit*, pou trwa lasanm, ti annan bann rekomandasyon ki Lotorite Distrik ti met a la porte Minister.;-Par egzanp mon konnen zot ti pou *build* en *playground* dan sa *housing estate*.

So nou ti dir pour evite pour annan zis enn pti group zanfan ki benefisy. Me pou bouz li dan sa lokasyon, ki nou'n donnent pour en *playing field*, spesyalman pou bann zenn e zanfan Roche Caiman Eden Village. E osi bann sa enn, premye proze ki ti fer, serten sa bann lekipman osi pour bouze, pou al laba, konmsi pour konplimant benefis en bon proper *playground* pour bann zanfan sa vilaz. Mersi.

### **MR SPEAKER**

Mersi Onorab. Minis nou annan 3 kestyion 1 a.

### **MINISTER**

### **BILLY**

### **RANGASAMY**

Wi 3 kestyion Mr Chair. Sa enn ki tous enn pti pe *playground* mon pou les avek CEO SIA.

Sa enn ki tous enn p ti pe sa bann *Scheme* lakaz, mon kit ek PS Barbe. E DG li i a donn nou en pe leklersisman lo bann stratezi alokasyon, pour 2023 ki konsern *land bank*.

### **MR SPEAKER**

Kot nou komanse avek CEO. Wi.

### **CEO JITESH SHAH**

Mersi Mr Chair. Mersi Onorab. Wi Onorab sa kekfwa fodre mon pou bezwen zis demann ou

leskiz lo la. Akoz nou ti an komunikasyon avek distrik e avek ou menm. Ou ti'n fer serten, rekomandasyon ki nou ti'n anvoy kot Minister Later avek *PMC*. Nou ti ganny zot komanter zot osi zot ti dakor avek sa *proposal* ki ou ti met ater avek distrik.

E nou'n sanz nou proze pour reflekte sa. Zis kekfwa in annan en mankman komunikasyon lo nou kote pour nou enform ou poudir tousala in ganny *captured*. Selman wi nou pe fer dapre sa ki nou'n agree. Wi.

### **MR SPEAKER**

Nou a swiv avek *DG* oubyen *PS*. Ok *DG*?

### **DG AUBREY HORTER**

Mersi Mr Chair. Onorab pou bann aplikan Roche Caiman, rikord ki mon annan i annan enn pti pe plis ki aepre 18 zot. Zis pou note bann *land bank* pe ganny fer lo en baz Nasyonal.

Savedir i *doesn't matter* kote ou tonm *from* eksepte baze lo pwen ki ou'n gannyen. Savedir bann *top qualifiers* zot pou ganny priyorite dan bann *land bank* ki pe vin *online next year*. Thank you.

### **MR SPEAKER**

*PS*.

### **PS DENIS BARBE**

Mersi Mr Chair. Onorab mersi pou kestyon. An realite i en kestyon vreman valab akoz i en keksoz ki nou'n *management Housing* in pran en pe deliberasyon lo la en.

An realite la pour lemoman nou annan ou apepre 3500 aplikan lakaz. E ler nou pe dir aplikan lakaz pour lemoman, avek sa lansman *mid-range condo*, nou anvi kategoriz sa 3500 avek bann dimoun lakaz sosyal, avek bann *middle income earners* ki pou kapab al pou *condo*.

Sa i enn pti pe enteresan, an menm tan i donn nou sa posibilite prezan pour nou kapab annan sa group dimoun, ki nou bann *housing officers* pou travay avek spesifikman lo nivo distrik. Kot zot bezwen enn pti pe plis sa latansyon, enn pti pe plis sa swivi.

Baze lo bann statistik ki'n antre depi ler nou'n lans sa *mid-range condo* la nou'n annan apepre 1000 dimoun, ki'n ekrir nou in dir nou i anvi bouze. Savedir dan sa 3500, nou'n fini bouz en tyer, e nou pe santi poudir i annan ankor dimoun ki pe ankor fer zot nide pour zot bouze. Savedir nou pe redwir sa volim ki bann *housing officers*, pe dil avek.

An menm tan nou konstate poudir grand ki nou'n gannyen avek *Cabinet of Ministers*, se pour retir bann falter sosyal dan alokasyon lakaz. E sa li menm li i pou redwir enn pti pe kantite travay ki bann Zofisyen fer pou al dokimant bann sityasyon lakaz, an relasyon avek fason viv dan lakaz. Nou pe met enn pti pe plis lenportans lo dat laplikasyon. Kantite ki bann dimoun in peye e tou sa bann lenformasyon i deza dan nou sistenm.

Travay ki nou'n komanse avek nou bann *housing officers* depi an Zen, ki nou target pour nou konplete by Desanm, pour tou bann dimoun ki aktiv dan distrik, ki zot bezwen dokimant tou, *update* bann ki pa ankor vreman ganny dokimante ouswa bann ki pe vin aktiv la, zot bezwen konplet tou sa bann travay by Desanm.

En fason ki ler nou vir paz, Zanvye nou kapab rekalibre tou bann aplikan lakaz anliny avek sa novo sistem pwen, ki vedir poudir an term travay teknik, pou al fer bann vizit i pou redwir lannen prosenn. I pou plito prezan ki mannyer nou fer sa travay avek distrik, pour nou rod solisyon, ouswa bann ki annan bann pti lenteraksyon bann *counselling* ki nou bezwen

fer pour nou envestir enn pti pe plis nou letan ladan.

E se kantite dimoun ki pe sorti, pour sorti dan bann *affordable housing* pou al dan bann *mid-range condo* i kontinyen redwir parey nou pe vwar, ki vreman ankouraz i vedir poudir *housing officers* pou annan enn pti pe plis letan pour li pas dan distrik avek son DA avek son MNA, pour rezourd en pe teknikman sa bann *case difisil*.

An menm tan *trash out* bann solisyon dan plas esper ki ler nou annan alokasyon lakaz, la prezan ki nou pou sey diskite ki solisyon, ki pli abordab pour sa dimoun, dan plas ki osi pou asize dan lalis lakaz pou espere.

So nou konvenki ki sa lapros pou anmenn nou enn pti pe plis pre avek nou bann aplikan, enn pti pe pli pre avek distrik. An menm tan Onorab, nou'n fer en provizyon dan Bidze an 2022 pour nou promot enn nou bann *staff*, koman en *senior housing officer*.

E sa i ava kree lespas pour nou *recruit* ankor en *housing officer*. E sa promosyon li menm li pou pran lefe *sometime in December*. E sa i ava donn nou byen lelan pour nou kapab avek sa bann sanzman ki pe arive la, partaz byen travay partaz byen

responsabilite parey nou ti'n programmen. Sa i enn.

Lo kote lakaz brile Onorab, mon krwar mon pou repas ankor enn pti pe, mon pou enn pti pe ankor mesaz ki nou napa en laliny Bidze ki konstrir lakaz brile, nou pe ankouraz dimoun ki annan en lakaz ozordi zour rod en lasirans.

Akoz sa larzan ki Gouvernman pou servi pour rekonstrir ou lakaz, nou, nou pou ed ou ek laspe teknik, nou pou ed ou si annan bann dimoun ki kapab pran enn pti *loan* pou ede fer ou konstriksyon. Me selman dan Bidze ki devan nou la, nou'n napa en laliny Bidze ki dir lakaz brile nou servi sa larzan pou rekonstrir.

Laplipar bann *case* ki ou vwar nou'n ede dan lepase, nou bloke akoz sa bann dimoun napa en lasirans, nou, nou bezwen gete lekel bann manm fanmir ki pour pa kapab pran responsabilite *now*, pou pran en *loan* ki nou *facilitate* avek lasistans teknik, pour zot kapab rekonstrir lakaz.

So nou lapel ozordi, ankor Onorab an menm tan avek bann ki a lekout rod enn pti lasirans asir zot lakaz. I pa kout bokou. *Thank you.*

**MR SPEAKER**

Mersi. DG. Nou kapab *move on*. Minis ou annan keksoz pou azoute?

**MINISTER****BILLY****RANGASAMY**

Wi mon ti le azout enn pti pwen lo pwen ki *PS* in fer resorti. Nou pe fer en *Housing Conference* le 24-25 avek en seksyon nou pou target, en zournen nou pou target bann seksyon banker ek bann konpannyen lasirans.

E dezyenm zour bann kontrakter avek bann *suppliers*. Tousala pou bi pour nou partaz en pe nou bann defi, e pour nou gete ki mannyer nou travay ansanm pour regle serten sa bann *challenges*.

E par egzanp kot i konsern lasirans, i en size ki lasirans i en size ki nou pou diskit lo la seryezman e vwar lo volim si zot kapab balans en pe zot bann kou lasirans pou bann ka parey. E pran sa koman en prodwi ki atiran.

E nou anvi ankouraz nou pep dan sa prensip pou responsabiliz nou bann dimoun, konmsi me selman annan bann prodwi ki fer sir ki abordab osi e rezonnab. Me se sa enn pti pe nou stratezi. Lo lot kote, *ok* mon pa pou tous sa pwen la me selman mon a fer

resorti, ek kontrakter avek bann *suppliers* nou determinen, nou determinen pou fer desann pri konstriksyon dan pei.

Sa i mont en nivo agresiv, mon konpran nou enn pti pe balanse. Kot nou ete nou lwen. So nou bann materyo i enporte bokou. So nou bezwen selman travay ek sa bann *suppliers*, pour nou vwar possibilite pou fer desann kou konstriksyon.

Selman mon'n profit sa letan, pour mwan dir enn pti pe sa size an zeneral. Akoz i enportan dan nou programm, si nou kapab fer desann en pe kou. Nou a kapab ed bokou plis fanmir. Mersi bokou.

**MR SPEAKER**

Mersi Minis. Onorab Andre.

**HON CLIFFORD ANDRE**

Mersi Mr Chair. Mr Chair mon premye kestyon, i annan en alokasyon, an referans avek *current receipts*, kot i annan *long term lease lands and buildings* 63milyon. I annan *sale of state land* ki enkli 2.5 e *landbank* ki 6milyon. So mon ti a kontan petet Minis i donn nou en kontrandi li la.

Mon dezyenm kestyon, Mr Chair se permet mwan lo programm. *Sorry* lo latab 7, ki lo paz 338, dan SP 1 i annan *land state management*.

E li in sorti lannen pase R39milyon in mont 83.3milyon. Mon ti a kontan konnen akoz sa logmantasyon. E nou annan *affordable housing*, lo latab nimo 8 ki lo paz 339. I annan 50 unit ki *under 'local'* ki PS in donnen, e i annan 12 anba *foreign*.

Ki PS pa ankor donnen, selman i met 12 lakaz e dan sa ki lokal nou pa'n gannyen. Anse aux Pins pa'n gannyen e dan sa ki 12, mon pa konnen si tou le 12 pour Anse Aux Pins. Selman ti a bon petet si nou ganny en kontrandi lo la. E dan bann detay i annan en *VIP service*, Minis ki i tonm R27mil.

Apre i annan en *housing* anba PS, anba SP2 kot PS Sekretarya i tonm R420mil par lannen ki tonm aepre R35mil par mwan. Mon ti a kontan ganny en leksplikasyon. I annan ankor kestyon selman mon a get lezot demande.

### **MR SPEAKER**

Me wi mon a les lezot dil avek sa bann? Minis.

### **MINISTER**

### **RANGASAMY**

Mr Chairman mon pour demann PS Barbe pour adres bann kestyon Onorab Andre. E si i annan lezot pou azoute pour siplemanter nou ava travay ek

DG ek mwan menm, nou a reponn. Mersi bokou.

### **MR SPEAKER**

*Thank you, PS Barbe.*

### **PS DENIS BARBE**

*Ok thank Onorab Mr Chair. Mersi pour ou kestyon. Lo kote reset - lo kote reset bann long term lease, bann prozeksyon ki nou pe fer pour lannen 2023, li i pou plito sa bann later ki nou pe lease par lao 30an, 60an, 99an.*

*E nou pe antisipe anmas lo long term lease nou pe antisipe anmas 63.7milyon pour lannen 2023. Ok savedir i bann lease ki deza deor, ki bann dimoun ti pe pey zot bann premium lo la, de fwa par lannen, en?*

*Lo sale of state land, i annan 2 kategori, nou annan bann pti bout later ki li i ganny vann - bann pti encroachment, ouswa bann pti bout ki bann dimoun i demann aste, bann pti bout koumsa, ouswa bann pti bout ki 200-300met kare pou amalgamate avek zot plot, pou donn zot zanfan en bout pou kapab fer en dezyenm lakaz.*

*So li nou pe antisipe pou anmas 2.5milyon lannen prosenn. Sa i diferan avek sales of plots anba land bank. Li i plito bann sales ki nou pou*

anmase reveni atraver pirman  
*land banks*.

Lo bann *short term rent* sa pou plito, si oule bann pti *lease* ki nou annan kourt term;- savedir 5an swa 10an. Ouswa bann lespas osi ki nou pe *rent out* lo bann propriete ki Minister i annan. Par egzanp si i annan en dimoun ki pe okip en bout later, tanporerman ki pa'n ganny *allocate* avek li, me selman ki'n demann permision spesifik ki nou pe *rent* avek li pour en serten *premium*, ler nou anmas sa larzan, la nou pou, nou pou fer li antre ladan.

An sa ki konsern, anba Sekretarya Minis. Sa i pou servis *VIP Lounge*, ler Minister pou travel. So i ganny *capture* ladan. Zot kapab vwar poudir dan nou Bidze osi, laplipar bann depans *overseas airfares* avan dan bann sa lannen, pour lannen 2021-2022, sa ti ganny *catered for* par Bidze santral.

La prezan i pe desantraliz en pa akoz nou sityasyon pe retourn *back to normal*. Avek ou permision Mr Chair, mon pa'n tro, tro ganny ou kestyon pou *Housing* dan nou soz. Si mon kapab Onorab repet son kestyon *please*.

### **MR SPEAKER**

Minis avek DG i annan okenn pwen pou azoute la? Onorab Andre ou le klarifye kestyon.

### **HON CLIFFORD ANDRE**

In dir i pa'n tro ganny kler kestyon *housing*. Me selman i annan de, de kestyon ki PS pa'n touse. *State land management* ki'n sorti 39.5milyon in mont 83milyon. Apre i annan *affordable housing* ou pa ankor eksplik mwan.

An referans avek sa *housing* se anba, *at least* dan sa dokiman ki mon annan SP2. E son title se *PS Secretariat, HR Admin Finance*. I dir ki *housing, wages and salaries in kind - Housing* i met 420 konmsi sorti 522 in vin R420mil. Ki letan mon kalkilasyon i tonm R35mil par mwan mon pe gete, *what is-Kisia sa konmsi?* Mersi.

### **MR SPEAKER**

PS ou kapab adrese?

### **PS DENIS BARBE**

Ok Mr Chair mon panse avan *state land* ti annan de programm li en. I ti annan sa *state land management*, ki ti pe *deal* avek zis lavant later. E apre zot ti annan en lot programm Bidze. Si ou pe get byen dan *budget last year* zot ti annan en lot programm ki ti pe *deal* for avek bann lezot

*acquisition avek leases. So those two programs sa lannen in ganny merge into one program.*

Ki fer poudir an term dan reporting avek *budget line* pou *wages and whatnot*, ou pou vvar en *increase* ladan, me selman i en *consolidation* ki'n arrive.

### **MR SPEAKER**

Se tou *PS*?

### **HON CLIFFORD ANDRE**

Mr Chair, mon krwar *PS* pa ankor reponn sa de kestyon. In reponn enn la ki lo land *management* ki *still* i annan kestyon selman, mon ava poz sa klarifikasiyon, akoz ler nou get son lannen answit i desann *substantially*.

So si nou'n *merge* de programm i pa kapab desann *significantly*. Me selman sa i mon kestyon, ki mon pe demande. Apre i annan sa zafer kot *affordable housing*, ki tonm lo latab 8, ki lo paz 139 *PS* pa ankor dir mwan pour Karyol.

Spesifikman nou pa ankor ganny nanryen en i annan sa *housing* anba son Sekretarya ki lo la i met ki tonm R420mil. Nou'n ganny zis 6 ,donn nou enn pti pe plis silvouple.

### **MR SPEAKER**

*Ok annou sey deal avek sa bann silvouple *PS*, koumsa nou a kapab move on.*

### **PS DENIS BARBE**

Pour *affordable*, Mr Chair. Bann ki nou'n *capture* dan latab, latab 8 pour nou bann *performance indicators*. Nou'n *capture* plito bann lakaz, ki *Government funded*.

Me nou annan sa pou Anse aux Pins, anler Karyol, li ki dan *foreign funded* li, ok? Li mon a zis get enn pti kou Onorab mon a dir ou konbyen nou ti'n fer provizyon. 32 *unit* Onorab. Korek, yes.

Zis donn mwan gidans Onorab pour sa 432 dan ki latab ou pe gete silvouple?

### **MR SPEAKER**

*Sorry mon pa'n ganny en konpran. Ti annan en pwen ou ti pe dil avek la. Eski sa kestyon lo sa *rent* 420milyon - 420mil, wi.*

### **HON CLIFFORD ANDRE**

Wi Mr Chair i an referans, i pa aparet koman *rent*. I aparet dan detay kot *SP2 PS* Sekretarya *HR, Admin, Finance* e al, i annan son *Code* ki i mete. I *wage and salary in kind*. Kot i annan *housing*, in sorti R722 mil in vin R420mil. So zis pour

nou ganny enn pti konpran,  
*what it is.* Mersi.

### **MR SPEAKER**

Yes PS. Ok.

### **PS DENIS BARBE**

*Ok Onorab sorry mon ki'n pran en pe letan pou al lo sa proper laliny. Savedir nou revised budget nou, pour sa laliny nou 522 lannen pase, nou'n fer pa mal travay kot nou'n tir en pe expats ki ti dan bann private rent, nou'n met li dan bann lakaz PMC kot nou'n kapab free en pe sa bann expatriate housing, so la in desann li.*

*Nou pe propoz en 420, for this year. Me nou pe antisipe osi ganny detrwa expat ki pou antre. So sanmenm sa ki nou pa'n tro kapab fer desann tro ba, menm si nou'n fer enn pti pe progre pou tir dimoun dan bann private rent.*

### **MR SPEAKER**

Wi terminen silvouple Onorab.

### **HON CLIFFORD ANDRE**

Leksplikasyon silvouple Mr Chair. Nou pe dir expat anba sekretarya PS, konbyen expat ki nou pe koz lo la. Akoz kekfwa i annan bann pozisyon osi ki nou kapab osi ankouraz bann Seselwa pou pran, dan plas nou fer vini expat. Mersi.

### **MR SPEAKER**

Yes please. PS.

### **PS DENIS BARBE**

*Ok zis pour klarifye enn pti pe Onorab. Sa i vot administrativ sa. Savedir anything that has to do with nou expat, nou bann staffi ganny peye anba sa vot ki la spesifikman.*

Pour lemoman nou annan 3 arpanter ki kot Survey, ki expat. Apre nou annan en land valuer ki kot Land ki expat. Nou annan de ankor ki'n fek antre bann expat ki fek antre, so nou pe antisipe ankor rod ankor de lannen prosenn.

So sanmenm sa ki Bidze nou pe mentenir li enn pti pe. Thank you.

### **MR SPEAKER**

*Thank you. Nou kapab move on. Bon mon a pran ankor en kestyon, Onorab Gill.*

### **HON CHURCHILL GILL**

Mersi Mr Chair. Bonn apre midi Minis ek ou delegasyon. Bonn apre midi tou Manm. Mon premye kestyon, se Minis anba ou anba SP1. Anba ou Sekretarya i annan en domestic airfares pou R20mil, apre anba SP2 ankor i anba Sekretarya HR, Admin, Finance. I annan en

R42mil ankor anba *domestic air fare* ki fer en total R62mil.

Mon konnen ki tanzantan, ou vin Praslin pour bann vizit. mon pe demande pour benefis dimoun Praslin ek La Digue, si dan sa vot i posib pour ou kapab osi kit en pe larzan ladan, pou ou kapab fer vizit Praslin kot sa vizit selman li.

I pou bann apwentman dimoun Praslin ki ti a kontan vvar ou, ki annan zot konsern pour koup depans pour zot desann Mahé, vi ki dan sa Bidze i deza annan sa laliny.

Eski sa i en keksoz ki ou kapab promet dimoun Praslin ki ou kapab fer vi ki i annan dan Bidze? Akoz dimoun ki abit Mahé zot annan sa posibilite pour vvar ou akoz par semenn i annan zour ki ou vvar zot. Whereas dimoun Praslin zot napa sa bann privilegez.

So anba sa vot mon pe demann ou, si sa i en keksoz ki ou pou kapab konsidere, vi ki i en nesesite, pour bann zabitan Praslin? Mon dezyenm kestyon, mersi pour sa miting ki ou ti vin fer zour *week Semenn Labita* avek bann dirizan Lotorite Distrik ek bann *MNA*.

E mon kontan *PS* ler in rann larepons konsernan *condo Cote D'Or*, Pti lavil, in fer konnen poudir napa, akoz ti kler dan miting ki ti pou napa.

So mon pa vvar akoz sa kestyon in vini. E mon dezyenm kestyon, Salazie i annan en sonm R1.5milyon, Salazie *Land Bank* 8 plot. Zis ki nou oule konnen ki premye faz travay, ki sa alokasyon la in ganny mete pou fer. Dezyenm Fond Azore *electricity infrastructure civil work* - 750mil.

Nou konnen problem sete lakantite zabitan ki reste laba, apre sa novo devlopman ek sa bann plot. Kapasite, kouran pour mont anler, i pa ase. Eski sa R750mil i egzakteman pour adres sa?

E trwazyenm Fond Azore *Land Bank extension*, i annan en R2.3milyon. Si ou kapab zis donn mwan en leksplikasyon, ki bann premye faz travay ki zot anvizaz-e fer anba sa vot?

E dernyen *PUC water connection, for land bank*. Sa si sa travay i pou ganny fer menm si ou bann alokasyon oubyen bann plot ki pa ankor ganny arpante, sa bann koneksyon delo pou ariv laba, apre sa pou ganny fer.

Zis en klarifikasyon, pour bann dimoun ki deza annan laplikasyon pou sa bann landrwa. Mersi Mr Speaker.

#### **MR SPEAKER**

Mersi Minis, mon'n note 4 kestyon. Eski ou pou pran.

**MINISTER** **BILLY**  
**RANGASAMY**

Wi Mr Chair. Mersi bokou Mr Chairman. PS Barbe i ava tous enn pti pe 1 o sa *domestic airfares*. Mon ava azoute si i neseser. E CEO Lazans Lenfrastriktir Mr Shah i ava reponn larestan bann kestyon konsernan bann laspe teknik proze. Mersi Mr Chairman.

**MR SPEAKER**

PS Barbe i a komanse.

**PS DENIS BARBE**

*Thank you, Mr Chair. Minister Finans, ti demann tou Minister pou fer en zero based budgeting.* Savedir nou ti bezwen get enn pti pe plan travay, Sekretarya Minis pou li get egzakteman konbyen trip ou pou fer, lo bann zil lannen prosenn.

E se egzakteman sa ki'n fer, li ki'n - son sekretarya in dir nou egzakteman konbyen *trip*, i pou *travel* i donn ou *costly* an relasyon avek tiket avek bann *subsistence allowance*. E konbyen *staff*. So i annan en provizyon pour Minister mont enn pti pe pli souvan lo zil lannen prosenn.

So nou, nou'n fer provizyon pour sa pour son Bidze pour li ki reflekte si oule

dan *P1*. Par kont dan *P2*, sa i pou plito bann *domestic airfares* i pou plito bann *staff administrativ* ki pou bezwen mont lo Praslin fer serten travay avek lofis Praslin, an menm tan avek lofis *LRP*, li ki'n fini ganny preski fini ganny enstale pour nou kapab demar proze. *Thank you.*

**MR SPEAKER**

Wi Minis swivan.

**HON CHURCHILL GILL**

In donn mwan rezon akoz sa alokasyon ki mon konpran. Me selman mon kestyon akoz dan bann vizit Minis ozordi, i pa pou bann apwentman ki anvi vwar li. Mon kestyon sete si nou pa kapab osi fer provizyon pour sa.

E si wi Minis i santi i kapab fer, preznan *then* i bezwen ganny anonse ki mannyer sa prosedir i ete. Pour bann dimoun Praslin ki ti a kontan vwar li, fodre zot fer apre la tou keksoz i a tonm an plas. Se sa ki mon ti pe rode.

**MR SPEAKER**

Wi mersi.

**MINISTER** **BILLY**  
**RANGASAMY**

Mr Chairman i mon lentansyon avek tou senserite pour mwan vwar tou bann dimoun, bann

kliyan dan tou distrik. Mon'n komans fer sa pour sir dan distrik lo Mahé. Nou'n fer enn en pe an zeneral lotrozour. E la mon determinen sa lannen pour mwan al fer Praslin, La Digue. E atraver mon Sekretarya, nou ava travay - parey nou'n fer dan lepase, nou travay ek sa *MNA* ek sa *DA* sa distrik.

Nou ganny zot lalis e nou kordin ou prepar nou bann dosye pour nou konpran sa bann ka an prensip, si en ka leter, si en ka lakaz. Nou konn bann detay lo la. Fason zour nou vvar sa manm piblik, mon'n deza annan en apersi lo son sityasyon, pour mwan kapab donn li avek mon lekip en kontrandi kot mon'n arive.

So sa i definitivman lo mon azanda, e Praslin La Digue e tou bann lezot distrik dan pei. Mersi Mr Chairman, mersi Onorab.

### **MR SPEAKER**

Savedir Onorab i ava annan Minis. I ava annan vizit. Wi lezot pwen preznan. Minis *CEO* wi.

### **CEO JITESH SHAH**

Mersi Mr Chair. Mersi Onorab. Onorab zis pour mwan pas lo sa lalis proze. Nou'n, Fond Azore, Salazie *Land Bank* 8 plots. Sa larzan ki nou'n bidzete i pour

nou dapre nou analiz ki nou'n fer, nou ase, nou ase sanse poudir i en *site* ki ase fasil.

So nou pe ekspekte nou pou kapab fer tou le neseser pour nou kapab fer semen avek drenaz, lannen prosenn. Kontrer sa i enn bann proze kot tou dokimantasyon in pare. So nou pa pou esper lannen prosenn, koman nou ganny laprouvasyon Bidze ozordi nou kapab komans prosedir *tender* deswit.

I annan pour Salazie nou'n - pou Fond Azore *electricity infrastructure* li osi. Wi i korek sa ki ou pe dir lo pou ogmant kapasite lo laliny elektrik pour sa rezyon. Nou'n fer en louvraz sa lannen avek *PUC* kot zot, nou'n travay ansanm lo en *design* pour nou kas dan sa semen, pour li kapab monte avek en kab anba later. Sa i kouver tou sa bann *civil works* ki nou be zwen fer pour nou kapab fer sa *upgrading*.

So li osi nou'n pare avek tou dokimantasyon, nou'n pare pour nou *tender*. Nou annan epi Fond Azore *Land Bank extension* li parey *DG Lands* in dir nou annan lentansyon pour nou kapab ouver ankor 12 kare later. Espesyalman lefe ki nou pe fer sa lenvestisman pour elektrisite. I fer sans pour nou

kapab ogmant kapasite dan sa landrwa.

So sa larzan ki ou vwar nou'n bidzete i pou nou kapab ouver sa 12 kare an plis. Mon krwar, finalman *PUC water connection for landbank*. So sa i kouver enn pti pe. Wi i pa zis pou Praslin definitivman, in annan bann lezot proze ki nou'n koz lo la dan proze *land bank*.

So sa i kouver enn pti pe partou, enkli en proze ki anba konstriksyon sa lannen pou Sorento pour nou kapab fer son peyman pou delo *as well*.

### **MR SPEAKER**

*Thank you, CEO.* Mersi. Onorab. Bon nou a permet en letan pou *refresh* pour zot pa tro stress pour kontinyen. Nou a repran travay 4er.

**(BREAK)**

### **MR SPEAKER**

Mon a donn kestyion Onorab Hoareau.

### **HON JOHN HOAREAU**

Mersi Mr Speaker. Bonn apre midi Minis avek tou dimoun ki pe ekout mwan. Minis ler Mr Shah ti vin dan distrik, ti vin koz ek nou lo redevelopman Pascal Village, ou ti vwar en plan, e nou ti ganny dir pou dir pou annan *at least* en *first*

*phase this year - I mean* lo Bidze lannen 2023. Me mon pa'n vwar sa dan Bidze aparet.

Mon ti a kontan konnen akoz, e si i pou aparet petet lo 2024 fer nou konnen. Dezyenm kestyion, lo *program 2* anba *land management*.

Mon vwar i annan en *recovery of 70 per cent of lease debt for the beginning of financial year* e *at a rate of 85 percent*. Pour mwan mon enn pti pe trakase ler mon get sa. Akoz mon ti a kontan konnen konbyen sonm total petet, sa i amount to. E ki bann zefor ekstra zot pe fer pour anmas bann det lo *lease Gouvernman?* Mersi.

### **MR SPEAKER**

*Thank you, Onorab. Minis?*

### **MINISTER**

### **BILLY RANGASAMY**

Mr Chair i annan de kestyion ki Onorab in demande. Mersi bokou pour ou kestyion. Kot i konsern proze lakaz, PS Barbe i ava ed nou ekliersi sa proze. Wi nou rapel letan nou ti al vizit ansanm e mon pe *look forward* ki sa proze i kapab demare be PS i a ed nou lo la.

E mon travay ek *DG* lo sa lot pwen. Lo sa lot kestyion.

### **MR SPEAKER**

Mersi PS ou a komanse.

**PS DENIS BARBE**

*Thank you Mr Chair Onorab. Mersi pour ou kestyon. An term redevlopman Pascal Village Société Du Logement, nou'n met en provizyon dan Bidze 2024, pour nou komanse. Pa neseserman dan 2023. Thank you.*

**MR SPEAKER**

*Good. Minis*

**PS DENIS BARBE**

*Pour dezyenm kestyon Onorab. Savedir nou pe koz latab nimero 6 2enm pwen savedir *recovery of 70percent of debt lease*. Parey mon'n dir avan Onorab, currently la nou aryeraz lo det bann dimoun lo later *lease* ki pa pe peye, pa 100 poursan.*

*Akoz nou annan bann ki kekfwa, bann later *landbank* ti aste en pe letan, pa ankor repeye. I aepre 18milyon. Savedir, Biro Later, Departman Later e zot pe antisipe pour pe target total of *recover at least 85 percent of* sa. Son stratezi spesifik mon pou napa detay. Solman sa i zot target ki zot pou mete, pour 2023.*

*Thank you.*

**MR SPEAKER**

*Thank you PS. Minis ou le azoute?*

**MINISTER**  
**RANGASAMY**

*Wi-wi mon le azoute Mr Chairman. Mon target mwan personnelman mon anvi pous sa to 100 poursan e i annan en lapros parey IEA in pran laba Providence kot zot nou'n donn en peryod *amnesty*. In donn zot en letan pour regle zot bann det.*

*Akoz i enportan pou Gouvernman anmas son reveni. E mon krwar pour tro bokou letan i annan dimoun pe zwe ek sa. Annefe malgre sa target i la, parey mon pe dir, al entern nou pou al pouse pour nou pou get revwar sa en pe.*

*Regarde ki mannyer sa i progrese, si nou pa pe vwar okenn rannman dan en dele letan, sansan nou pou bezwen adres sa size enn pti pe pli agresivman ki petet nou pe fer pour le moman. Mersi Mr Chairman.*

**MR SPEAKER**

*Mersi Minis. Onorab Aglae.*

**HON EGBERT AGLAE**

*Mersi Mr Chair. Minis bonn apre midi ankor enn fwa. Minis ler mon pe get dan Bidze li menm li i annan 8 outstanding*

lakaz dan sa 24/24, pou Port Glaud, Foret Noire. Mon pa pe vwar petet zot in plas li, mon pa konnen si anba *Social Housing Project*, si ou kapab donn mwan en pe leklersisman lo sa. E petet osi ki dele letan ki sa proze, pou konplete.?

E dezyenmman, Minis. kot i konsern revizyon legzersis ki zot ti pe fer lo bann later *land bank*. Ok kan eski sa pour pare e bann alokasyon kapab ganny fer? Sirtou dan nou rezyon.

Apre Minis i annan sa proze ki nou ti'n *forecast* pour sa 69 unit, pou Beolière. Kan eski plan pou pare pour kapab soumet et distrik, pour nou kapab ganny en pti kontrandi lo la avan ki bann finalite i ganny fer lo la, pour lannen ki pou swiv apre pli tar. Mersi.

### **MR SPEAKER**

Mersi Onorab.

### **MINISTER RANGASAMY**

Mersi Mr Chairman. Mr Jitesh Shah nou *CEO* pou Lazans Lenfrastriktir i a reponn sa kestyon lo lakaz akoz i bann proze ki *ongoing*. E Mr Horter *DG* i ava reponn kestyon lo *land bank* Onorab. Mersi Mr Chair.

### **MR SPEAKER**

Mersi *CEO*, ou al premye.

### **CEO JITESH SHAH**

Mersi Mr Chair, mersi Onorab, Onorab lo size sa bann *unit* ki anba konstriksyon annefe i 6 *unit* pa 8 *unit* i 6 *unit* i *ground plus two*. Akoz ti en proze 25 total 19 ti'n fini konstrir aprezan sa dezyenm faz i 6 *unit*. Li nou prozeksyon i pou li konplete an Avril lannen prosenn.

Epi lo kote, sa 69 *unit*, parey ou pe dir. Sa 69 *unit* annefe Onorab, nou target se pour nou komans li 2024. So baze lo nou program travay, kot byensir nou bezwen konsantre nou resours enn pti pe plis lo bann proze 2023 avan, pour nou bann proze 2024, nou pe ekspekte par trwazyenm kar lannen prosenn, nou pou'n fini tou bann zafer desen.

So that *then* nou, byen plase pour nou kapab komans son lenplimantasyon an 2024. So sa pour lemoman i kan nou kapab ekspekte annan en plan ki lo en nivo kot nou kapab asize diskit pli an detay.

### **MR SPEAKER**

*Thank you.* Nou al kot *DG* pour kontinyen.

### **DG AUBREY HORTER**

Mersi Mr Chair, Onorab lo kote bann *land bank* annefe nou'n fer plizyer analiz dan plizyer distrik ki annan potansyel pou fer proze *land bank*. Me selman stratezi ki nou pe vin avek pour 2023, se *focus* lo bann landrwa ki nou kapab *yield maximum land bank* posib.

E ler nou pou ariv 2024-2025, nou'n fer provizyon 25milyon, sa nou pou target dan bann lezot landrwa ki petet nou kapab tir bann mini *landbank* parey 10-15 plots.

So i deza annan bokou legzersis, e si dan Port Glaud i annan landrwa ki'n ganny idantifye oparavan, petet i a kapab ganny *pickup* dan 2024-2025. Mersi.

### **MR SPEAKER**

Klarifikasyon Onorab – wi?

### **HON EGBERT AGLAE**

Mersi pour zot larepons. Pour *DG* menm sa, anvi ki *PS Barbe* la i par enterim ki pe reprezent pour Later osi. An vi ki i ti la dan en vizit, ki nou ti fer lo plato lo Port Glaud, an vi ki sa potansyel sa landrwa i pou ganny plis ki 15 plot mon konnen.

So eski sa osi i ava ganny mete koman enn zot bann priyorite pour 2024, sirtou? Mersi.

### **MR SPEAKER**

Mersi.

### **DG AUBREY HORTER**

Mr Chair.

### **MR SPEAKER**

Yes, PS.

### **PS DENIS BARBE**

*Thank you.* Onorab mersi pour ou kestyon. Parey *DG* in sinyale Onorab, lekip *survey* zot pe met lanfaz enn pti pe lo bann proze ki pou *tender out* sa lannen. Byensir boner lannen prosenn *I mean*. E byensir ler zot in fini fer sa, apre sa travay an menm tan avek bann sit potansyel ki nou'n idantifye, ki nou pe vwar poudir an term ekonomik, i pou kout nou mwens pour nou kapab deblok plis later.

So nou pou prioritize travay anliny avek sa Departman *Lands*, an menm tan avek ban lekip teknik kot *Survey* zot konnen sa lapros ki nou pe fer. So i annan gran posibilite baze lo kalite teren ki a disponib enn pti pe partou lo Mahé, ki distrik Port Glaud avek sa potansyel ki nou'n vwar, i annan posibilite pour zot kapab fer sa travay teknik, pour nou kapab gete egzakteman, kantite kare nou kapab

gannyen avek sa zoli pti bout later ki nou ti al gete.

Me sa i pou apre ki zot in fini deblok sa bann, travay teknik pour kapab permet Departman Lenfrastruktir *tender* tou sa bann proze *land bank* an menm tan sa bann *topo survey* ki zot bezwen fer pour sa bann proze lakaz ki zot pe priyoritiz lo *tender* boner lannen prosenn.

Savedir i kapab travay teknik pour antre dan faz pou planifikasyon Bidze 2024 e 25 dan dezyenm kar lannen.  
*Thank you.*

### **MR SPEAKER**

*Thank you.* Minis. Onorab William.

### **HON WAVEL WILLIAM**

Mersi Mr Chair. Mr Chair avan mon fer mon entervansyon, i annan manm piblik ki pe *text* ki pe dir ki i annan portre lo televizyon. Me selman zot pa pe ganny son.

### **MR SPEAKER**

Zot pa pe ganny son?

### **HON WAVEL WILLIAM**

Zot vwar portre me solman zot pa pe ganny son.

### **MR SPEAKER**

Lo televizyon.

### **HON WAVEL WILLIAM**

Wi. Lo televizyon...Glacis in konfirm sa ..Grande Anse Mahé fek komunik sa.

### **MR SPEAKER**

Madam Clerk, madanm Clerk ou a kapab kontakte nou teknisyen, pour regarde si zot annan okenn lenformasyon. Go ahead Onorab nou a kontinyen avek ou kestyon.

### **HON WAVEL WILLIAM**

Mersi Mr Chairman. Mr Chairman premyerman mon ti a kontan remersi Minis pour sa vizit ki zot ti fer avek zot delegasyon le 4 Novanm Grand Anse Mahé.

Swivan sa vizit, mon pe koz lo sa alokasyon, sa 40ekek *social housing*, ki sipoze ganny fer Grand Anse Mahé, i ganny trouve dan sa fon. E an menm tan i annan osi bann *condo*, e si Minis ti kapab dir kan ki sa bann proze pou komanse.

E dezyenmman Minis bann zabitant Vilaz Orchid, pe demande kan ki sa laponp pou ganny enstale, pour zot kapab ganny konekte avek STP? Akoz pe al lo apepre 3-4an la, ki trou in ganny fouye, in ganny bare, *parking* i en problem. E zanfan pa kapab zwe, so zot anvi

konnen kan ki sa laponp pe vini e pour ganny enstale?

Finalman mwan anvi demann avek Minis kantite letan i pran ki letan en fasilite lakaz ki anba zot kontrol, ki vid ler en dimoun i mor ki zot antre pour repare?

Mr Chairman si ou permet mwan enn pti leklersisman la, akoz sa mon krwar i enportan pou piblik. Akoz letan mon'n ekout PS Barbe koze, sirtou kot i konsern bann *special housing* ki mon mazinen i *emergency*.

Me PS Barbe in dir poudir zot poudir bann dimoun ki lakaz i brile al pran lasirans. Me sa bann dimoun ki deza la dan lakaz ki lakaz in brile dan *emergency house*, i annan en bann zot ki la pour 4an-5an.

Nou anvi konnen, sa bann dimoun osi i anvi konnen ki zot pozisyon vizavi *transition*. Akoz sa bann lakaz i sipoze en *transit point*, so pour lemoman Polisi pa tro kler. E sa bann dimoun enn pti pe mon kapab dir kwense, akoz zot pa konnen vreman dan lavenir la ki pou arive avek zot? Mersi.

### **MR SPEAKER**

Mersi. Onorab. Minis ler ou pare.

### **MINISTER RANGASAMY**

### **BILLY**

Mersi Mr Chairman. Mr Chairman lo bann kestyon ki relye avek lakaz, bann *emergency houses*, enn pti pe dan sa bann kalite laliny kestyon, mon pou les *PS Barbe* reponn. Epi lo kote konsern *ex-Troyan*, *CEO Lenfrastruktir* i kapab reponn nou, i a ed nou ganny en larepons lo la.

### **MR SPEAKER**

*Thank you. PS.*

### **PS DENIS BARBE**

*Thank you Onorab pour ou kestyon. Sa 40 unit ki nou pe met ater pour Vilaz Orchid, li i pou tonm dan *foreign funded* ki nou pe finaliz bann Lakor atraver *diplomatic channel* avek UAE. Li i pou en Grant.*

Nou pou osi annan en dezyenm faz, si oule, pa dezyenm faz be selman en proze ki nou pe sey, atraver Departman Lenfrastruktir *right now*, nou pe fer sa ki *topo survey* deryer laba par deryer sa dernyen blok Vilaz Orchid pour nou kapab gete si nou kapab, si kondisyon teren i permet pour nou kapab met en *mid-range condo* laba deryer.

Nou annan en plan provizwar ki Departman Lenfrastruktir in travay, pou kapab fer en provizyon pou trwa blok, avek en akse semen. An

menm tan pour nou kapab maksimiz lenvestisman ki nou'n fer lo STP dan rezyon.

Si sa i prometan, nou war poudir i annan en posibilité, i posib ki Gouvernman li i pou met son konponan lenfrastriktir dan Bidze 2024, pour nou kapab komans devlop laba deryer. Sa i plan Onorab. Lo kote kantite letan i pran pou fer serten renovasyon. Avek ou permisyon mon ava donn ou klarifikasyon lo de eleman. Bann lakaz *PMC* ki bann dimoun i sorti ladan, oubyen en dimoun i mor, *PMC* li ki bezwen antre fer serten renovasyon, zot bezwen antre fer zot prosedir *tender*, baze lo scope louvraz e kondisyon ki sa lakaz in ganny kite.

Nou pa vreman kapab met en *time frame* lo la, me par leksperyans nou pe vwar poudir an mwayenn avan ki *PMC* i arrive *award* sa *tender*, pour sa louvraz ganny fer. I a an 2-3mwan. Sa i baze lo leksperyans ki nou pe vwar praktikalite la.

Me an menm tan, e osi depan lo performans kontrakter prezan ler zot in ganny sa travay, kantite letan i kapab pran pour zot *at least* re-delivre sa lakaz *back*. E pour nou *PMC* dir nou be *ok* lakaz in pare la.

La kot Departman Lakaz i antre, i fer alokasyon.

An sa ki konsern bann lakaz brile, ler nou ti devlop sa lapros lakaz tranzit, pour nou pran ka, bann ka dezas avek bann ka lakaz brile. I ti avek lentansyon poudir sa bann dimoun pou reste laba pour en 2an. Apre 2an nou pou'n fini trouv solisyon.

Malerezman nou pe vwar poudir bokou bann lakaz ki brile, *either* bann dimoun i aze. Zot pa kapab vreman pran en *loan*, ouswa bann zanfan osi pa toultan ki zot pare pou ed paran.

So nou bezwen toultan pe sey travay pour nou rod solisyon. Nou konstate poudir i annan ka ki'n reste laba pe al lo 4an la. Ki nou, nou pe mazin fer nou, e ki provizyon nou nou'n fer nou. Pour sa bann lakaz ki'n brile, nou pe sey travay avek nou bann partener *PMC* avek *HFC*.

Sanmenm sa osi ki nou'n met sa Bidze pour sa *special housing project*. Pour nou kapab rod en fason ki manyer Gouvernman i kapab finanse pour sa bann dimoun ki dan sa difikilte parey, ki zot lavi in ganny *disturb* pe al lo 4an la.

E zot pa pe vwar en fason finanse. E pour nou kapab sey finanse e zot apre repeye, nou

pa ankor fini dyalog avek *HFC* avek *PMC* pour nou kapab gete ki modalite pour nou kapab fer li.

Me sa lide nou'n fini fer provizyon bidzeter ki ava al ansanm avek sa bann dimoun ki nou pe dir zot pa dan lanplwa formel, me selman zot annan en bout later. So sa provizyon Bidze i la. Sanmenm sa ki nou'n komans avek 6.5, avek lide pour nou increase li 2024 pour 10 milyon. E an menm tan nou'n met 20milyon pour sa *Vulnerable Repair Scheme*.

E nou pou anvi ki avek permisyon Minister Finans, pour sa larzan *interchangeable*. Akoz si nou pe fer zis reparasyon, nou pa antisipe poudir reparasyon lo bann lakaz ki Lotorite Distrik, dan striktir egziste pou vin met devan, i pou ariv 20milyon par lannen. Nou pou ekspekte i pou enn pti, en *figure* enn pti pe pli ba.

So nou pe savedir Onorab nou pou annan aepre 26.5milyon pour nou zwe avek sa de. An menm tan ki a kapab permet nou vin ek en solisyon pour sa bann dimoun ki'n desot 3an 4an laba ki nou ankor pe sey rod solisyon. Be zot napa fason pour finanse.

So nou annan en mekanizm an plas, nou bezwen

jis prezan tonm dakor ek nou bann partener ki mannyer Gouvernman i re-anmas sa larzan apre. Mon krwar lo sa de kestyon mon'n fini Mr Chair. *Thank you.*

### **MR SPEAKER**

*Thank you.* Larestan CEO.

### **CEO JITESH SHAH**

Mersi Mr Chair. Mersi Onorab. Onorab pour kestyon *ex-Troyan*. Son *lifting station*, pour lemoman kontrakter in fini travay lo son sum kot i kolekte, zot pe la prezan travay lo sa *containment tank*. Parey ou konnen i en gran *challenge*, akoz ou pe travay dan en landrwa kot i annan delo, son *ground water* li menm li i polye, en kantite. *It's been a big challenge* pour nou, in en sours fristrasyon pour nou tou lo kote Departman Lenfrastriktir, Lazans Lenfrastriktir la prezan.

E nou pe targete pour an Zanvye, fini tou keksoz *by then* laponp pou'n ariv dan pei. Sirtou *civil works* in konplete, zis koman laponp i vini i ava ganny enstale *and* nou konekte lo sa STP.

### **MR SPEAKER**

Yes Onorab.

### **HON WAVEL WILLIAM**

Mersi Mr Chairman, de pti, leklersisman. Minis par lefe ki kot sa baraz, zot in fer i annan delo i sal. E bokou moustik e la nou konnen i annan en problemm dennge dan pei.

Mon ti a demande ki zot kapab *manage* sa landrwa, fer *spray*. An menm tan Minis lo kote *emergency*, i pa normal pou bann dimoun ganny ekrir let pour zot sorti, si zot pa ankor ganny en landrwa pour zot reste.

So nou ti ava demande ki Minister, bann zofisyen zot enn pti pe annan sa konpasyon pour pa anvoy sa bann let. Mersi.

### **MR SPEAKER**

Minis wi?

### **MINISTER**

### **RANGASAMY**

Mersi Mr Chair. Mon'n pran note tou lede pwen ki ou'n fer resorti Onorab. I enportan ki mon, premye kot i konsern *spray* sa landrwa epi *deal* avek sa, avek mon pou travay avek *PMC*. Si i a donn mwan en koudmen dan enterim letan nou pe esper laponp arive. I vre ki en lo li menm i pa izyenik eksetera.

Sa konpasyon, sa ka ki ou pe dir mwan mon rapel sa dimoun nou ti zwenn sa zour.

Nou bezwen adres sa. Mwan mon en dimoun ki parey ou konnen mon antisip lo sa pwen konpasyon, mon pran li vreman a ker.

So mon pou bezwen met sa pwen devan ek mon bann zofisyen, pou fer atansyon avan ler nou fer sorti en let. Petet en komunikasyon avan, konpran sityasyon sa dimoun. I annan ka kot dimoun i abiz lo la. Me selman kot i annan ka kot i merite, nou bezwen annan sa konponan konpansasyon.

Mr Chair si ou permet mwan lo sa pwen kot i pran 3mwan pou fer en reparasyon en landrwa. Menm pou ariv lo sante pour repare, pour mwan i pran, i tro lontan. I en dyalog ki mon'n gannyen avek *PMC* e *Deputy PMC* pour li *take up* ek son *Board*. Pour nou sanz stratezi. E mon krwar in komanse. Pa dir mon vwar mon konn in komans ser ten lazistaz dan lapros kot nou kapab annan parey nou apel sa bann *Maintenance Framework Agreements*.

Ki ou'n fini ganny ou bann, ou'n fini *tender out* an zeneral pour ser ten kalite travay konbyen pe kout ou. Ki letan ou lakaz i vin, i neseser pou fer reparasyon dimoun in bouze, nou kapab antre avek en

Kontra ki'n fini *fix bann rates*. Fini agree.

En fason nou pa perdi letan prezant ki nou pou al lo *tender*, prezant ki pou al fer *scope*. E bokou letan i ganny perdi tou sa dimoun ki pe espere pa fer sans pour nou kit en lakaz vid 3-4-5, mwan pa azoute.

So alor i en pwen ki mon pou al remet lanfaz lo la pour nou adrese. Mersi pour donn mwan en *reminder* lo la Onorab. Mersi Mr Chairman.

### **MR SPEAKER**

Mersi Minis. Onorab Pillay

### **HON SEBASTIEN PILLAY**

Mersi Mr Chairman. Bonn apre midi. Bonn apre midi Minis avek ou bann teknisyen. Mr Chairman mon ti a kontan Minis i klarifye pour nou, anba zot *non-financial assets* ki annan sa R258milyon 226 ki pe al ganny depanse. I annan plizyer proze ki'n ganny mete. E la mon ti a kontan spesifikman klarifye anba sa *Vulnerable Scheme* la. Kot nou vvar i annan, *poverty alleviation, vulnerable repair* R20milyon. Mon ti a kontan konnen an relasyon ek sa dan ki bann distrik ki zot pe al antreprann bann proze, an sa ki konsern sa R20milyon ki zot in met devan?

Prezan si eski dan sa R20milyon ki zot in met devan, zot pou osi par egzanz konsider bann proze par egzanz kot madanm Mica Confiance, ki reste Baie Lazare. I osi annan problemm *sewage* Anse Gaulettes *ex Pool*.

E mon ti a kontan konnen kan sa pour komanse. Mon ti osi kontan konnen, i annan Anse Gaulettes ki pour konekte avek *ex Gondwana Sewage Plant*. Apre i annan detrwa proze ankor, dan Baie Lazare an sa ki konsern *vulnerable*. Bann dimoun *vulnerable*.

E apre osi an relasyon avek osi Anse Boileau, mon ti a kontan ganny klarifikasiyon lekel bann proze ki zot pe antreprann an relasyon avek sa, *given* ki anba sa bann *social housing development projects* mon vvar zis sa tit.

Me mon pa pe vvar *breakdown* kote sa bann proze pe ale. Si i annan proze ki pe al ver Anse Boileau, e Grand Anse osi. Sa i mon premye kestyon.

Mon dezyenm kestyon Mr Chairman, se sa bann larzan ki mon vvar in ganny mete dan Bidze la, par egzanz pour sa *social housing project*, mon vvar sa R39milyon. Eski sa prozeksyon se pour li ganny konplete 2023?

Oubyen pour li ganny komanse 2023, oubyen pour li ganny kontinyen 2023? E si nou swiv sa laliny, mon kapab konpran bann ki enn pti pe li pti, ki pe koz R1milyon. Sa mon prezimen bann proze ki deza *ongoing*.

Be i annan detrwa gro *head*. I annan 22milyon pour 32 *social housing units*. I annan 39milyon pour *social housing*. Apre i annan 342 *affordable housing units* pour 91milyon, swivi par en lot alokasyon 14milyon pou *social housing Government projects*.

So ki mannyer zot repartir sa bann proze. Eski tousala i tonm anba *PSIP or eski i annan ki in house* zot ankor pe pran konsiderasyon lo kote zot pou *allocate* sa bann proze, pour zot komans travay lo la *according to* bann distrik e kan i sipoze komanse?

E an relasyon avek bann *unit* dan *ex Ferrari*, mon vwar sa 12 *unit* mon vwar in ganny met R6milyon. Eski sa R6milyon dan *ex Ferrari* i pour komans *ex Ferrari Glacis*, oubyen eski i pou zis pou bann travay preparasyon. Eski pou enkli son konstriksyon dan sa bout Bidze?

Prezan Mr Speaker a sa pwen, ou a permet mwan pour klarifye en keksoz avek Minis,

ler mon vwar anba ou Bidze pour ou Sekretarya Minis, mon vwar i annan diferan alokasyon.

Me bomaten ler mon'n ekout Minis pour Finans koze, in mansyonn ki mon personnelman mon ganny *allowance* R86mil pou *fuel* e R75mil pou *entertainment*.

Mon'n vwar i drol ki ni ou, ni Clerk pa'n klarifye ki sa i vin dan Bidze Lasanble kontrole par Lasanble, *be, be that as it may* Minis in anvi senm son mansonz, in koz son mansonz. Be sa ki mon ti a kontan klarifye avek Minis...

*(Interruption)*

### **MR SPEAKER**

Onorab. *Order! Please. Ok* Onorab ou fer le pwen lo ou *allowance*, nou kapab retourne lo ou kestyon pour Minis Finans, Minis Later.

### **HON SEBASTIEN PILLAY**

Sa ki mon ti a kontan klarifye avek Minis. Dan en pwen ki mon'n ekout Minis bomaten, an sa ki konsern par egzanp Lasanble Nasyonal, alokasyon pou *fuel* ki bann dirizan i gannyen anba Bidze Lasanble i al ver zot loto ofisyel.

Eski dan Gouvernman alokasyon ki pou *fuel* ki bann Minis i gannyen, eski sa i al ver, petet mon pa vwar Mr Commettant la. I la petet Mr Commettant i kapab klarifye. EsKi alokasyon pour *fuel* dan L'Egzekitiv sa i kapab ganny servi osi pour loto prive.

Akoz ek Lasanble Nasyonal Mr Speaker, nou pa ganny drwa servi li anba direktiv ki ou mwen ou ou'n etablir avek Lasanble.

### **MR SPEAKER**

Bon nou a permet Minis reponn kestyon ki lo Later avek Lakaz silvouple. Mersi Minis.

### **MINISTER**

### **RANGASAMY**

Mr Chair mersi bokou pour ...

### **MR SPEAKER**

Minis eskiz mwan enn pti kou, zis akoz kekfwa i pou ed piblik. Lenformasyon i se ki problemm portre i ganny rezourd ti en problemm SBC e, me SBC in *switch* nou SBC 3. Si bann manm piblik i kapab note. Eskiz mwan kontinyen Minis.

### **MINISTER**

### **RANGASAMY**

Mersi, mersi Chair. Mr Chairman i annan en bon pe kestyon Onorab in demande. E

mon pou demann CEO Lenfrastruktir Mr Jitesh Shah ki okouran sa bann proze.

Pou donn nou detay e si i annan keksoz adisyonnel, swa mwan, swa PS Barbe nou ava gete.

### **MR SPEAKER**

*Thank you, CEO. Wi.*

### **CEO JITESH SHAH**

Mersi Mr Chair, mersi Onorab. Onorab mon ava pran kestyon lo bann *main*, lo *bann housing projects*. Epi PS Barbe i a kapab eksplik enn pti pe lo *poverty alleviation project* ki mannyer i ganny aporsyonnen.

Pour bann *main housing projects*, annefe dan sa Bidze i annan trwa laliny ki kouver *major projects*. I annan *special housing development projects*, ki li son Bidze i R14.1milyon lannen prosenn.

Sa i nou bann proze 24/24 ki ankor reste pour nou konplete. So sa i ganny peye anba sa enn ki la. *Then we have then a breakdown of tou bann proze affordable.* Si ou pou vwar li sa 342 unit ki nou pe koze, ki li anba sa laliny i annan 17proze an tou ki mon krwar kan, *in the main PSIP i annan en breakdown of the full 17 projects.*

So li nou annan 9 proze ki pe komans lannen prosenn. And nou pou annan 8 proze ki pou komans an 2024, baze lo *budget allocation* avek *ceiling* ki annan pour nou kapab balans en pe lo kote Bidze.

*So and then anba Saudi which is the special housing projects, nou annan 274 units ki li osi, i deza bann define projects, i annan 13 sit, pour nou fer proze lo la which is a 274.*

So napa okenn laliny Bidze la, ki i annan bann proze ki pa ankor vreman definir son lokasyon. *All of that is already in there at least for the next 2 years.* Sa ki nou pe gete in terms of 2022, 2023, 2024 commencement, i koumsa so mon krwar i mon'n reponn sa bout ki la. Pour *ex Ferrari* wi, pour *ex Ferrari* sa 12 unit.

Sa R6.1milyon is basically, akoz i en *ground project*. Ti annan en bout larzan dan Bidze sa lannen. Ler nou ti prepar Bidze nou t i dan en faz kot nou ti pe ekspekte that the project would already have started from September this year.

Solman nou'n ganny enn pti pe retar lo kote dokimantasyon avek nou bann negosyasyon avek *Qatar and proze aktyelman* i lo tender la.

So i annan en bout larzan ki annefe ti pe tonm Bidze sa lannen. Ki ler ou azout li avek sa larzan ki la.

*Is the full amount for the project, so given that's it's a ground project avek sa larzan in deza ganny transfer isi, we would be able to complete the whole project avek larzan ki nou annan dan nou Bidze.*

Menm si par dan sa 6milyon i annan ankor en larzan an plis. Me solman ler budget ti pe finalize nou ti pe ekspekte nou pou kapab depans enn pti pe plis sa lannen.

Baie Lazare. Pou *vulnerable* sa? Pour mon ava koz lo *ex Pool*. *Ex-Pool* son *sewage*, son *sewage* pou *ex Pool* actually nou'n anvoy, nou'n anvoy tou dokimantasyon kot *POU* for us to start the tender process.

Nou ti annan en konsiltan ki ti pe ed nou ek sa. So all of that have now been finalized and nou pe al met sa proze lo tender ki parey ou, kekfwa parey ou konnen i pe ganny finanse par *PMC*.

### **MR SPEAKER**

*Thank you. PS Barbe ti annan keksoz pou azoute.*

### **PS DENIS BARBE**

Mersi Mr Chair. Mersi Onorab pour ou kestyon. Mon lenthervansyon i pour plito lo sa *Vulnerable Repair Scheme* avek *poverty alleviation*. Sa 20milyon ki nou pe mete Onorab, i pa pou spesifye pour okenn distrik.

Nou annan nou forse 200 ka ki bann dosye ti ganny mete lo *pending* an atandan ki oditer i fini son travay, i bann dosye ki nou pa ti ankor fini atraver kolaborasyon ASP avek Gouvernman Lokal avek Departman Lenfraastriktir.

I annan bann dosye ki n ou pa ti ankor fini egzekite. E ler nou ti vin Lasanble nou ti dir poudir sel bann dosye ki annan Kontra *ongoing*, ki nou ti'n met en finansman pou fini sa bann proze. So ler nou pou ganny *endorsement Cabinet*, lo sa nouvo Polisi pou *Vulnerable Repair Scheme*, nou pou bezwen reget en kou sa 200 ka ki ti avek nou, re teste li *again*, sa bann kriter ki anliny la.

E i annan bann ki avan kekfwa ti dan laliny pour, dan sa *Poverty Alleviation Scheme*. Me selman la nou pe re *package* li, nou pe dir nou pou fer zis bann *repairs only*. Bann *new build* nou pou fer li, dan sa *special housing* vot ki nou pe dir dan pour 2023 i 6.5 avek 10milyon pour lannen prosenn. Me selman nou pe swete depan

lo volim ka nou kapab *at least* avek permisyon Minister Finans *interchange* larzan ek sa de vot.

So bann *new build* li i pou plito parey sa ka spesifik ki ou'n mansyonnen, i pou plito bann dimoun ki annan zot later, me zot napa mwayen pou *raise* en *loan*. I kapab bann *carer*, i kapab bann peser, e i bann dimoun ki kekfwa i lo en Kontra, dan 2an ki nenport lenstitisyon finansyel pa pou kapab servi sa koman en konfor pour ou fer sir, pour sa dimoun repey en *loan proper*. So sa enn pti pe lapros.

E an menm tan, savedir nou priyorite se pou rod en fason pour nou kapab dil avek sa 200 *case*. E tar lannen prosenn, depandan lo lapros ki *Cabinet* i aprouve. Nou pou kapab komans take *onboard new cases*, planifye bann lenthervansyon ki nou bezwen fer pour 2024 an montan.

Baze lo bann nouvo ki distrik pou anmenn devan baze lo formil ki nou pou'n met ater. *Thank you.*

### **MR SPEAKER**

*Thank you.* Terminen Onorab silvouple. E annou pa al lo *fuel* ek *allowance*.

### **HON SEBASTIEN PILLAY**

Mersi Mr Speaker. Wi mon ganny *allowance* palto R18mil parey Onorab Georges e Onorab i gannyen

**MR SPEAKER**

Onorab ou kestyon.

**HON SEBASTIEN PILLAY**

Mr Speaker, mon ti a kontan ki Minis i klarifye pour mwan. Ki prosedir ki sipoze ganny swiv par egzanp si ozordi dan en distrik, meton distrik Mont Buxton, i annan en proze ki sipoze al anba *Vulnerable*. Ki mannyer en dimoun pou kapab ganny akse avek sa, Lotorite Distrik pou ganny akse avek sa bann proze.

Prezan an pasan Mr Speaker Mr Speaker, mon le zis met devan ou ki i annan en dokiman ki pe sirkile lo rezo sosyal anba Linyon Demokratik Seselwa, pou fer propagann zisteman lo sa bann *allowance* e ou koman *Leader LDS* Mr Speaker ...

(*Interruption*)

**HON SEBASTIEN PILLAY**

... koman *Leader LDS*, ou devret kondann sa! Akoz sa pa pe koz laverite e pe kasyet laverite!

E zot pe sey kasyet lefe ki zot in ...

(*Mic switched off*)

(*Interruption*)

**HON SEBASTIEN PILLAY**

(*Off-Mic*)

Byen aranz zot parey mon'n dir!

**MR SPEAKER**

Minis i annan en dernyen kestyon ki'n ganny mete. Si ou kapab adrese silvouple.

**MINISTER**

**BILLY**

**RANGASAMY**

Mersi Mr Chair. Mr Chair lo sa size *Vulnerable Housing Repair Scheme* ok. Mon kapab donn en *update* Lasanble ki travay a entern in konplete nou'n travay etrwatman ek bann departman konsernen.

*Next step* nou pe fer en prezantasyon avek bann Minis ek zot *PS* konsernan ki i annan serten *input* ki zot kapab fer. Parey en *cross-sectorial type of sesyon* avek zot. So i ava annan Gouvernman Lokal, Lafanmir, Sosyal, *ASP* par egzanp kot nou ava analiz sa ki nou'n prepare.

Epi avan ki nou al *Cabinet*, nou pou *run* sa *pass* bann *MNAs and DAs* lo nivo distrik. E si tou keksoz i mars byen, apre ki nou'n ganny en agreman ki'n pran konsiderasyon tou *input*, tou

bann akter prensipal, zot menm bann Onorab, ek zot *DAs* an menm tan bann Minister konsernen.

Nou a prezant avek *Cabinet* dan en fason ki nou a kapab. Pardon? Pour sir ou kapab anvoy ou bann *case*, mon pa, mon ti a voudre sa lenformasyon i vini. Prezan nou a konpar ek sa lalis ki nou annan ek nou deza. Sa pa en problem.

Mwan dan lafason mon pe get li, i annan en pe larzan, nou bezwen fer mannyer nou filozofi se pa kit personn deryer, pa kit okenn landrwa deryer. So si nou kapab partaz sa, met dapre merit, dapre kritikalite sa ka sa dimoun.

Selman mon plan se annan sa *input* sa entervansyon par tou Onorab, lo sa plan ki nou pe al fer. En fason ki al *Cabinet* pour nou *lock* sa Polisi enn fwa pour tou. *That's the plan of action.* E mon swete byento nou kapab vin dan *Cabinet*, nou a kapab vin Lasanble nou ava fer konklizyon lo sa pwen. Nou a kapab bouz devan. Mersi Mr Chair, en.

### **MR SPEAKER**

Mersi Minis. Onorab Henrie.

### **HON GERVAIS HENRIE**

Mersi Mr Chair. Bonn apre midi tou dimoun. Mr Chair mon rekonforte vwar sa sonm larzan dan *non-financial asset*. Nou pe koz pres 258milyon ki annan sa diferan proze lakaz, pour lannen 2023. So mon kontan ki bokou dimoun pou byen pase enkli Lofis *Leader* Lopozisyon.

Kestyon mon ti ava kontan demann Minis i relye avek manda, ou Minister, e ler mon pe get zot plan stratezik, nou koman politisyen nou kontan ki lakaz pe ganny fer akoz i pe ed bann dimoun dan nou kominote.

Me an konstrir lakaz, nou anmenn bann lezot problem sosyete. Ki mannyer ou Minister ki mon'n antann la i pe al fer *multiprofessional* konversasyon, nou pou adres sa bann problem. Parski nou pa oule zis en leksplozyon lozman apre i vin avek on bann problem, ki retom lo nou tou. E nou konnen ki sa bann problem nou pe koz lo la.

So ki mannyer dan ou Bidze, eski i annan en *unit* dan ou Minister ki pou adres sa bann size, lespas pour zanfan zwe, *management* salte, letan ki zot pe konstrir sa bann lozman la. Ki mannyer nou *take care of* sa? Ki ozordi nou pa donnen me kree en fardo pou zenerasyon

demen. Sa i mon premye kestyon.

Dezyenm kestyon i annan de prodwi ki sa kote latab souvan in koz avek ou Minister lo la. Enn i partisipasyon prive dan konstriksyon lozman, e dezyenmman i bann later zeritye kot bann fanmir i kapab vin ansanm pou ganny en lasistans.

Premyerman zot ava ganny zot prop lakaz me kekfwa par lao i kapab vin en lot *unit* pou zot lwe. So e dan Mont Buxton, mon vwar i annan bann later ki dan mon lentervansyon Bidze mon'n koz lo la dan lannen. Nou a kapab diskite kontinyelman avek ou Minister.

So ki mannyer sa de eleman la. Partisipasyon prive akote Gouvernman, *PPP* e bann later zeritye, pour nou kapab defalke en pe sa 2500 *plus* demann ki pe annan dan pei ozordi? Mersi.

### **MR SPEAKER**

*Thank you Onorab.*

### **MINISTER**

### **RANGASAMY**

Mersi Mr Chairman. Mr Chairman mon ava demann *PS* Barbe pour adres sa bann kestyon Onorab. Epi si i annan

lezot pwen mon ava azoute. Mersi bokou.

### **MR SPEAKER**

*PS wi.*

### **PS DENIS BARBE**

Mersi Mr Chair. Mersi Onorab pour ou kestyon. En kestyon vreman enteresan ki nou osi Minister nou'n pas en bon pe letan pou analize pou reflesir lo la.

Tou lede kestyon annefe. Ou premye kestyon si mon kapab avek ou permision mon a fer li dan de fason mon larepons. Dan sa konponan lespas pour zwe avek *waste management*. Sa i en konponan ki Departman Lenfrastruktir zot ti *unit* ki pe get bann proze lakaz. Zot devlop li an menm tan zot fer sa konsiltasyon avek Lotorite Distrik avan zot finaliz bann plan.

Si i annan okenn lezot pti keksoz Mr Shah i kapab azout lo la ki mannyer zot fer sa. Kot nou donn lespas bann manrmay pour zot kapab zwe. An menm tan sa *waste management* li avek bann differan azanda ki Minister Lanvironnman pe pouse, pouse parey en pe nou bann *waste*, ki mannyer zot kapab fer sa antre dan zot bann plan?

*Of course nou restrikte bokou par bann kondisyon teren ki fer li enn pti pe difisil, e la ki reelman *Planning* osi pe demann nou pour sak 2 apartman, nou bezwen kree en *parking* so sa osi i met kontrent lo sa devlopman ki nou anvi fer.*

*So nou bezwen rod sa balans, ki mannyer nou fer li pour nou kapab satisfer tou sa bann norm *Planning*, an menm tan donn lespas bann manrmay e an menm tan annan en brans zeson salte. So sa i en travay kontinyel.*

Nou lot konsern i sa bann *behavior* anti-sosyal enn, e dezyenmman i bann lezot faktor ki i pe kontribye pour nou *still* annan en demann lakaz ki ase eleve pour enn pti pei. So pour devlopman anti-sosyal nou napa en formil mazik. Nou ankor pe fer bann diskisyon, a entern pour nou kapab gete. I enn bann rezon akoz ki nou santi poudir sa proze *mid-range condos* i ava anmenn en *breath off fresh air* si ou kapab dir. Akoz nou pou anvi bann dimoun pran responsabilite zot bann *unit*.

E ki pli bon ler dimoun pe envestir son prop larzan pour li *safeguard* son lenvestisman, i pe pran kontrol son blok lakaz son *unit* lakaz. So si sa lapros i marse. Nou'n deza pe komans

fer ser ten dyalog avek bann lezot partener pour nou kapab gete ki pli boner posib nou kapab pas sa responsabilite avek en aplikant ki pe esper en lakaz avek Gouvernman.

Ki dan plas pou antre lo *house purchase* pou pey sa lakaz 19an-20an, ou rod en mekanizm enn pti pe pli vit pour ou kapab pran *ownership* sa lakaz pli boner posib. E *by then* ou pran responsabilite ou blok avek son bann fakilte ki vin avek. Sa i ava ede redwir enn pti pe sa *burden* lo *PMC* pou menntenenns.

Ler dimoun pa pran zot responsabilite anver zot prop *unit* ouswa dan zot lanvironnman sa zalantour. So i en prosesis ki nou santi i vin avek bokou ledikasyon, e avek bokou siper nou bann lezot partener.

Lo dezyenm pwen i annan pa mal travay ki nou pe sey fer anndan enternman. Me selman nou santi poudir sa nou bezwen siper nou bann lezot partener. E sa mon krwar Minis i kapab azout enn pti pe lo la, kot pou nou kapab vin avek sa ledikasyon akoz ki nou pe vwar, nou pe vwar poudir ozordi en manman avek de trwa zanfan i antre dan lakaz, i pa'n pare pou resevwar lakaz pour li ankadre son fanmir.

Apre sa fiy osi ki'n antre avek li ouswa garson, zot fer zanfan i vin en lot presyon prezan nou bezwen donn lakaz ankor e nou pa pe rezourd sa ledikasyon ki vin avek poudir pran ou responsabilite. Pa zis lo kote met en aplikasyon, e an menm tan servi sa aplikasyon, me osi lo kote responsabilite ankadre ou lavi ek lavi ou zanfan.

So sa i pou enkorpor en travay avek bann lezot partener, *be it Social Affairs, Family Affairs* pour nou kapab ek Minister Ledikasyon byensir, pour nou kapab partaz sa ledikasyon akoz koman enn pti pei. Zis nou pe get Bidze kapital ozordi, nou pe koz nou en bon pe larzan.

E sa larzan nou pa pe anmas li, dan 1an 2an sa nou pe anmas li sa envestisman ki nou pe fer la, sirtou lo kote *affordable housing*. Nou pe anmas li dan 15an montan. Savedir i pe tir en trou dan Bidze Gouvernman me selman i en bon lenvestisman ki nou pe fer pour nou pep.

Me selman i bezwen vin avek serten responsabilite ki vin avek. E nou, nou pe dir nou bann partener zwenn nou, nou komans fer serten travay pour nou travay enn pti pe lo sa ledikasyon. Travay enn pti pe

pour sa bann dimoun pran en pe responsabilite zot prop *unit* ki ava redwir enn pti pe depans ki *PMC* ouswa Gouvernman i bezwen fer lo li menm lei pou kontinyelman met solisyon lakaz ater.

Lo sa pwen *public* partisipasyon prive, avek zeritye i kwa ki nou kontan avek sa *mid-range condo* an menm tan, i donn nou plizyer posibilite ki mannyer sekter prive i kapab antre dan diferan fason.

So nou an vi komans met li ater, les nou bann envestiser avek nou bann kliyan osi ganny konfidans poudir Gouvernman i serye, nou pou donn zot en solisyon lakaz tou le lannen a en baz regilye.

E ler sa e komans arive, nou bezwen pe tap laport avek sekter prive ki mannyer ou kapab antre prezan pou vin ed nou, kekfwa avek sa kou *middle income earners*. Ki kapab vin koman en loportinite pa zis biznes, be koman en loportinite pour sekter prive kapab partisipe.

Wi i annan bokou linisyativ ki nou'n fer pour nou ankouraz bann manm fanmir, manman papa *allow* en dezyenm lakaz, ouswa al vertikal. I bann ki mannyer nou devlop avek sekter labank,

prezan pou fer sir poudir an term garanti, an term sekirite, ouswa baze lo kou konstriksyon.

Akoz letan ou pe al met en lakaz vertikal i annan sa kou, slab ki egzorbitan, ki kalite *incentive* Gouvernman i kapab vin avek, ouswa ki bann partener *HFC* i kapab vin avek pour ankouraz sa?

So i annan ankor en pe travay ki nou pe sey fer lo la pour nou kapab *at least* ankouraz bann propriete zentitye, ouswa bann paran al *vertical*, ouswa donn enn pti pe plis permision zot bann zanfan, baze lo bann sekirite ki *HFC* ouswa ki nou kapab met an plas pou fer sa arive.

Sirtou pou bann distrik santral ki fer fas avek bokou problemm kot teren pa disponib. Nou pe koz Saint Louis, Mont Buxton, Bel Air, byento osi La Rivière Anglaise i ava antre dan konversasyon, a sa ki nou pe koze. *Thank you.*

### **MR SPEAKER**

Mersi *PS* Onorab Arissol. Sorry Onorab Minis i anvi azoute en keksoz.

### **MINISTER**

### **RANGASAMY**

Wi mersi bokou. Mr Chairman mon anvi fer en lenthvensyon

### **BILLY**

siplementer apre ki *PS* in koz lo la. Akoz sa pour mwan, mon krwar ou pwen i vreman enportan Onorab. Nou kapab fer lakaz, wi Gouvernman pe enzekte en ta larzan, en kantite larzan pour nou fer proze.

Me si sa konportman, pa sanze dan vilaz, nou pou fel, nou napa ase problemm lakaz, nou annan en problemm sosyal agresiv dan sa pei. Nou fek donn lakaz Bel Ombre, deza nou vvar droger in komans antre laba. Fek donn lakaz Port Glaud, menm problemm. Mon pa pe koz ou lontan la, mon pe koz ou konmsi dan sa dernyen 6mwan.

Be i enportan ki nou adres sa seryezman. Sa *intersectoral group* la kot nou pou bezwen group Minister Ledikasyon, Lanplwa, *Housing*, *ASP*, Sosyal, *Local Government*, Lapolis, *Internal Affairs*, pour nou vvar sa size o serye.

An menm tan avek Lenfrastriktir travay avek bann facilite pour sir. Be selman bann konportman anti-sosyal i agresiv sirtou, la sirtou prezan. Napa teren pour nou al lateral, nou bezwen al vertikal, tou dimoun pe blok dan pou vin reste an flat.

Perseverance i annan batiman ou pa kapab monte, akoz bann la pe pike dan peron,

pe fim drog dan peron. I pa akseptab! i pa akseptab! Roche Caiman osi parey.

So nou annan en gro problemm dan pei. E i pa en problemm la novo, i en, vreman konmsi nou kapab pe met tou sa zefor *tax payers* pe met zot larzan pou nou fer lenvestisman dan proze.

Me si nou pa adres sa bann pro blenm anti-sosyal, ki pou vin pli grav akoz nou pe fer plis flat prezan. Akoz napa lot teren pour nou al fer bann pti lakaz ater. Nou bezwen vreman seryezman travay serye lo sa pwen pour nou vvar en solisyon e ledikasyon i lakle, dan mon lopinyon personnel.

So e SBC mon pe envit li ek *TeleSesel* pou adres sa, fer sa en programm Lopinyon.

*(laughter)*

**MINISTER**  
**RANGASAMY**

Fer sa - pa zis en size enportan debat lo sa size. Non serye akoz i en problemm, i en sityasyon ki afekte nou pep. Konmsi met dimoun atraver lo latab nou a diskit sa. Nou a ganny lopinyon. Egzakteman.

So mon krwar zot konpran mon pwen, mon krwar i annan bann size vreman enportan dan pei, nou bezwen deside.

**MR SPEAKER**

Mersi. Mersi Minis. bon Onorab Arissol ou kestyon.

**HON SANDY ARISSOL**

Mersi Mr Chair. Bon mon ti a kontan premyerman remersi Minis avek ou bann teknisyen. Pandan sa lespas 2an proze ki nou pe gete dan Bidze i ekselan. Letan nou pe get 72 *housing unit* Cap Bonm Zan Anse Royale, 69 *housing* unit Beolière, ok. I bann proze ki nou Gouvernman in *forecast*, pour nou Gouvernman met li an pratik Mr Speaker.

Parske zis Gouvernman US ki ti annan drwa fer lakaz Sesel. Me la nou, nou gou vreman in mete dan Bidze e nou lo sa kote latab nou'n siorte, parey labitid. E dan Bidze, dan Bidze nou pa'n *google* me nou met li an pratik, e dan Bidze Mr Speaker, nou'n asire ki bann dimoun dan nou distrik zot kontinyen ganny ede, bann dimoun ki bezwen ganny ede parey nou'n vvar.

Me olye *google*, parey Minis in dir zot bomaten, alor zot kontinyen *google* nou, nou met li an pratik Mr Speaker. E letan nou lo sa size, mon kontan osi ki Bidze in fer provizyon poudir i annan sa nou ava al lo la pli tar, bann gro

*allowance* ki nou ava koz lo la Mr Speaker ki ou'n dir nou pa koz lo la.

### **MR SPEAKER**

Annou al lo lakaz ek later Onorab.

### **HON SANDY ARISSOL**

Ok proze Bel Ombre. Bel Ombre proze ki nou'n vwar se i annan Corsaire, 6 *unit* Corsaire Bel Ombre, mon mazinen sa Minis i atraver ou Mr Speaker i relye ek sa proze 24/24. Ki nou'n ganny 16 *unit*, 3 lasanm. Savedir la si zot pe donn nou 6 *unit*, unit i fer 22 zot drwa nou 12 pou fer nou 24 konplet.

Zot drwa mwan 2 flat. Savedir sa ki mon pe demande olye annan en proze 6, nou fer vin en proze 8 ki mon 24 i vin 24 olye 22. Prezan sa k i mon pe demande an relasyon avek sa 16 *unit* ki nou'n gannyen i ti zis 3 lasanm.

Zis 3 lasanm ki nou'n gannyen, e letan nou'n fer li 3 lasanm i annan bann fanmir ki nou'n bezwen defavoriz zot parske menm kantite letan zot in la, nou pa'n kapab donn zot *allocate* zot avek en *flat*.

Parske zot aplikasyon i 2, e zot annan zis 2 zot. E la mon ti a kontan demande si sa proze 6 ki nou pe fer *ex Corsaire* zot pe fer konsiderasyon de lasanm

olye zis 3 lasanm parey zot in fer pour Delo Ladal. Mon premye kestyon.

Mon dezyenm kestyon i an relasyon avek proze menm dan distrik Bel Ombre, nou ti ganny anmennen en vizit Cameroun. Cameroon i deryer *Shell Beau Vallon*. Nou ti ganny viza pour al laba nou ti ganny viza pour ale, nou ti ale.

E letan nou ti ariv laba ti annan en vye *bedsitter*, en vye *bedsitter* ki annan 2, 3 e nou ti ganny montre en plan avek Mr Choppy sa letan, poudir la osi i sipoze annan en proze pour nou kapab materyalize pour nou kapab assiste nou bann dimoun.

So mon ti a kontan demann zot, dan bann proze ki a pe vini si sa ti lo latab, si ti dan plan, si i ankor la, pour nou konnen poudir omwen Bel Ombre nou annan sa proze. Akoz ti annan zis en zabitan Bel Ombre, zabitan Beau Vallon ki ti pe refize sorti nou'n fer le neseser.

E in sorti e la landrwa i *available* pour nou bann dimoun kapab benefisy, bann dimoun Bel Ombre kapab benefisy dan nou landrwa, dan nou distrik.

Trwazyenmman sa ki mon pe demande an relasyon avek *land bank* Mr Chair. Ou konnen *land bank* mon pe zis swete ki

sa voyaz zot fer li byen. Sirtou pour La Gogue, non La Gogue oubyen en proze *land bank* ki en pe letan in vatevyen, bann dimoun in ganny let, zot in al vizit later. Me finalman zot pa'n tann nanryen, nou zis swete ki sa i ava akselere, ki bann dimoun ki'n eksite, ki'n al vizit later, zot pa'n ekout nanryen.

Dezyenmman lo *land bank* an relasyon avek Bidze pour ki bann lenfrastriktir i ganny mete. Dan Gala Le Niole dan mon distrik i en *spot* enorm. Ziska ozordi apre 3an, napa delo napa elektrisite. Parske proze *land bank*, pou Gouvernman Polisi sete lenfrastriktir semen, elektrisite avek delo. Mon swete ki a lavenir bann proze *land bank*, nou pa les bann dimoun, *let* zot *down* parey nou dir an Angle.

Letan zot in fini fer zot aplikasyon, zot in fer zot peyman, apre bann lenfrastriktir Mr Speaker pa ganny mete. E sa i vin en problemm pour zot kapab fer zot devlopman, lo zot later.

Dernyen kestyon mon ti a kontan demande an relasyon avek lakaz ek later, Nou annan sa fame lakaz brile Cameroon, dan mon distrik. So kan ki bann fanmir pour finalman bouze, pour nou kapab servi sa bann flat pour nou kapab

*occupy* lezot dimoun ki dan finalizasyon. Ki nou ti tonm dakor lo la koman distrik.

Mersi bokou Mr Chair.

### **MR SPEAKER**

Mersi Minis.

### **MINISTER**

### **BILLY**

### **RANGASAMY**

Mersi Mr Chairman, mon a les PS Barbe reponn bann kestyon ki relye avek lakaz. *DG* i annan serten *input* pour li donnek konsernan later, epi bann proze *land bank* teknikman lenfrastriktir eksatera. Mon a les CEO Jitesh donn nou en koudmen lo la. Mersi Mr Chairman.

### **MR SPEAKER**

*Thank you. PS premye.*

### **PS DENIS BARBE**

Mersi Mr Chair. Onorab mersi pou ou kestyon. Corsaire i konfirmen i 2 *bedroom*, mon pa tro asire si teknikman nou pou kapab met ankor en letaz pour fer li vin 8 Onorab.

E Cameroon kot nou ti ale deryer kot *ex Khashoggi*, nou annan en proze 12 *unit* ki deza dan Bidze 2023. So li i pou komanse boner lannen prosenn. Pour sa bann ka dife ankor Cameroon par deryer alokasyon in fini ganny fer. Ti

annan zis enn pti retar, akoz nou ti pe adres en sityasyon kot en manm fanmir pa ti le bouze.

Alokasyon in fini ganny fer, *last week or the week before*. E zot in komans bouze, mon pase mon'n vvar poudir i annan serten mouvman dan lakaz. *Thank you.*

### **MR SPEAKER**

Byen next. CEO pou kontinyen.

### **CEO JITESH SHAH**

Mersi Mr Chair, mersi Onorab. Onorab lo kote *land bank*, wi definitivman i annan en kantite zefor ki pe ganny fer, pour nou fer sir nou annan pli bon kordinasyon avek pli bon komunikasyon lo kote *land bank*.

Kontrer enn bann sa pa zis pour *land bank*, sa mon pou koz enn pti pe an zeneral koman nou rol koman *SIA*. Nou annan en plan pour nou zwenn avek *PUC Desanm*, pour nou annan en sesyon ek zot, kot nou met ater tou bann proze Nasyonal, ki pe ganny planifye *over the next three years*.

Pour zot osi kapab enkorpor sa dan zot plan pour zot lenfrastruktir *as well*. *Upgrading of* zot lenfrastruktir pour zot konnen, kan nou pe vin kot zot, ki zot kapab

ekspekte nou pe vin kot zot avek.

Zot ava annan en pli bon portre, tou devlopman ki Gouvernman, pe planifye pandan sa prosen 3an. So definitivman sa pour enkorpor *land bank* tou an menm tan, zis pou tous lo sa pwen Dan Gala li menm. Nou'n konnen poudir in annan problem lo kote delo. *PUC* nou ti'n fini fer tou peyman avek zot pour delo.

E zot dan prosedir la, pour zot enstal tou bann laliny delo, tou keksoz avek tenk. Lo kote elektrik, sa mon krwar ti a bon si mon kapab pas sa enn pti pe zeneral *as well*, lo kote elektrik pour *land bank*. *PUC* in fer nou konponan ki elektrik zot pou enstale ler dimoun i fer aplikasyon pour elektrik.

Sa mon krwar i enn pti pe anliny avek zot, zot osi zot annan enn pti pe kontrent lo kote resours. Dan lepase nou'n vvar serten landrwa kot nou'n donn kare later dan *land bank* pour kekfwa 2an dimoun pa devlope.

So zot ti a prefere servi bann landrwa kot i annan devlopman pe arive. So koman dimoun i komans met zot aplikasyon pour elektrisite, *then* zot mont lo sit zot enstal le neseser. Me selman sa ki enportan, nou nou'n fini peye,

so zot, zot pa sipoze pe kolekte okenn larzan an plis avek sa bann dimoun ki'n ganny asiste anba sa *land bank project*.

Zis sa *connection fee* ki vini pour konekte zot lakaz ki dimoun pou bezwen peye.

### **MR SPEAKER**

*Thank you.* Eski DG ti annan keksoz pour azoute? Nou'n fini, ok. Onorab Arissol silvouple. Vitman.

### **HON SANDY ARISSOL**

Mr Speaker vitman wi. Mon ti a kontan zis demann Minis en kestyon, an vi ki taler ou'n fer en statement an relasyon avek sa kestyon Onorab Henrie in demande *in regards to* bann fanmir o bor ed kanmarad dan sa later limite.

Be ti annan en legzersis ki Gouvernman ti pe demann tou bann dimoun, bann fanmir si zot santi i annan en bout later o bor zot pou vin devan vin fer konnen, anrezistre ki mannyer in ale sa legzersis.

Eski in annan en zoli *turnout*, oubyen dimoun pa'n vin devan? Mersi bokou Mr Chair.

### **MR SPEAKER**

Yes.

### **MINISTER**

### **BILLY RANGASAMY**

Mr Chairman DG i byen plase pou reponn sa kestyon. So mon pou les li eksplik Onorab enn pti pe kot, mannyer keksoz in ale.

### **DG AUBREY HORTER**

Lo kote aplikasyon pou bann later o bor paran. Annefe nou'n kapab asiste en bon pe aplikan, *over fifty* e i annan plizyer dimoun ankor, ki pe vin devan. So ler nou'n lans sa lapel bokou dimoun in vin devan, so in retir en pe sa letan ki zot bezwen esper *land bank* pare.

E o firamezir i annan bokou dimoun ankor ki pe vin devan. I zis ki lo entern nou bezwen *improve* nou efikasite pour nou kapab *process* sa bann *case* pli vitman. E sa bann dimoun i kapab ganny zot solisyon lozman o pli vit posib *as well. Thank you.*

### **MR SPEAKER**

Mersi. Bon mon annan bann Manm ki'n lev lanmen apre nou pe *run out of time*. Silvouple fer zot kestyon vitman. E bann repons osi annou sey gard li direk silvouple. Bon Onorab Esparon.

### **HON REGINA ESPARON**

Mersi Mr Speaker. Mr Speaker mon pour tre bref mwan. Mon ti ava kontan demann ek Minis an vi ki negosyasyon pou proze 24/24 Glacis in al ase byen. E nou'n kapab ganny *wayleave*, pour al lo sa morso later *ex-SACOS*, ki konponan dan sa 273milyon *from Saudi Funds* ki pour al anver konstriksyon sa proze 24/24 kot nou sipoze annan nou 48 *unit*? Mersi e kan pour komanse? Mersi.

**MR SPEAKER**

*Thank you.*

**MINISTER**

**RANGASAMY**

Mr Chairman mon pou demann CEO Lenfrastriktir reponn sa.

**BILLY**

**MR SPEAKER**

*CEO, ou repons.*

**CEO JITESH SHAH**

Mersi Onorab. Mersi Mr Chair pour proze *ex SACOS*. Mon annan son sif la, mon annan li *sorry*, proze *Saudi* ki mon pe servi la. Mon ti annan li an Dolar, mon a zis kalkil enn pti kou an Roupi, lo kote son *breakdown*.

Apepre R57milyon i sa ki nou ti'n prozekte pour lemoman pour sa proze. Byensir zis apre ki nou'n *tender*, nou pou konn son pri egzakt.

**MR SPEAKER**

*Yes Onorab vitman, please.*

**HON REGINA ESPARON**

Mersi Mr Speaker. Be an vi ki zot in ganny sa morso later ki zot in fek negosye ki konsiderableman en gran morso later.

Eski zot pe mazin osi, annan en proze lakaz ki ava donn nou en pe plis lakaz lo sa bout later ki zot fek *acquire*, avek sa dimoun dan prive? Mersi.

**MR SPEAKER**

*Mersi.*

**CEO JITESH SHAH**

Mersi Mr Chair, mersi Onorab. Definitivman i parey ou'n dir i en gran bout later ki nou'n bezwen *acquire* pour nou ganny akse lo sa proze. I annan serten landrwa lo sa sit ki pa vreman bann landrwa ki nou kapab devlope, selman i annan bann landrwa ki nou kapab devlope *as well*.

So nou pe get en stratezi kot kekfwa pa zis lakaz, nou kapab kekfwa annan enn de pti *outlet* komersyal tou. En laboutik eksitera, akoz nou konnen sa proze li menm i enn pti pe izole kot i ete. So i ava ed dimoun enn pti pe pour zot

annan enn de fasilite ki enn pti pe o bor zot *as well*. So nou pe get li enn pti pe global.

### **MR SPEAKER**

*Thank you.* Onorab Labrosse.

### **HON RICHARD LABROSSE**

Mersi Mr Speaker. Minis bonn apre midi ek ou delegasyon. Bonn apre midi tou dimoun a lekout. Minis dabor mon ti a kontan remersye ou ek ou delegasyon pour vizit ki ou ti fer dan Plaisance.

E mon kestyon i pou viz en pe lo en pe lo sa vizit. Mon'n get lo Bidze *non-financial* 258milyon. Minis eski ou si briyevman, en larepons bref mon ti a kontan ou dir ek Lasamble, si kekfwa dan sa Bidze i annan enn pti keksoz kekfwa ki pou fer lo kote sa proze Société Du Logement, si ti pou annan en komansman ladan.

E si non, ki garanti ki ou annan pour bann zabitan *or* en mesaz lespwar pour zot? Mersi.

### **MR SPEAKER**

*Thank you.* Minis.

### **MINISTER BILLY RANGASAMY**

Onorab mersi Mr Chairman. Mon a demann PS Barbe pour donn en leklersisman kot nou

ete, kot i konsern Société Du Logement. E si i annan keksoz siplemanter mon ava azoute. Onorab.

### **MR SPEAKER**

*Thank you.* PS?

### **PS DENIS BARBE**

*Thank you.* Minister, Chairman mersi bokou Onorab. Mersi pour ou kestyon. Dan provizyon Bidze Onorab nou annan proze Kan Gard ki pou komanse, ganny finanse par Gouvernman 2024. Li i pou 16 unit - Kan Gard apre nou annan en lot provizyon anba sa Grant, ouswa sa loan Saudi li i pou 8 unit.

Sa de konponan i vin enn pti pe enportan, akoz parey nou ti pe diskite lo teren, nou bezwen gete *mechanism* ki mannyer nou kapab *at least*, komans tir en serten ranze anler, Société Du Logement pour nou kapab kree lespas, pour nou kapab komans fer sa devlopman.

So nou'n met sa dan en konponan, la. E an menm tan i annan bann lezot alternativ ki nou pe mazinen, pour nou get enn pti pe lapros spesifikman. Enn bann rezon prensipal, akoz ki nou pe sey fer osi dan sa proze ki pe finanse, par Gouvernman lannen prosenn pour Perseverance avek bann

pour ki pou vini enn pti pe apre,  
*funded par Saudi.*

Pour nou kapab kree enn pti pe lespas osi pour sa bann redevelopman. An menm tan ki nou pe asiste osi, bezwen pour bann aplikian Perseverance. So i annan de stratezi ki nou pe sey travay avek. Me selman lakle se kree sa lespas pour nou kapab tir en pe dimoun pour relokasyon.

Apre pour nou kapab fer redevelopman. Sirman ler nou'n ganny sa formil byen, la nou pou dan en pozisyon enn pti pe pli konfortab pour nou partaz sa stratezi avek distrik, avek *time frame* ki vin avek. *Thank you.*

### **MR SPEAKER**

Minis. Wi.

### **MINISTER**

### **RANGASAMY**

Mersi Mr Chairman mon li zis azout enn pti pwen siplemanter lo sa *Société Du Logement Bélvèdere*. Ler mon'n analiz bann problemm prensipal laba i kler ki sa sistenm *sewage* i enn ki trakasan.

E pour lemoman mon kapab konfirm ek ou i annan travay teknik ki pe ganny fer avek *PMC*, e Lazans Lenfrastriktir pour nou o mwen, o mwen konekte sa vilaz

avek sistenm *PUC*, anba pres o bor Corgate Estate. I annan en fason nou annan en aliman tiyo pour nou *at least* tir sa depans ponpe ki pe arive toulezour laba dan sa vilaz.

PS in fer resorti sa laspe redevelopman. So mon krwar nou annan detrwa Onorab atraver latab la ki pe ganny afekte ek bann proze redevelopman. Ou konnen letan mon ti fer sa pti proze Ile Aurore mon ti ganny enn pti pe kritik, ki mon ti pe fer bann lakaz bwat kartron.

Me sa bann proze in ed nou, sa 19 *unit* in ed nou ozordi pour nou kapab fer serten proze redevelopman. E se sa lentansyon sa proze. Pa ti en keksoz permanan. Me si i neseser pour kapab deblok sa bann proze, si finans i permet, mon pou kontinyen pouse ki nou kapab rod sa bann kalite solisyon. Pour nou kapab enn fwa pour tou fer sa bann proze redevelopman.

Les Mamelles i annan problemm, Bel Ombre i annan problemm, Port Glaud i annan *challenge*, Corgate Estate parey Saint Louis parey. So i kler si nou pa de blok sa bann dimoun deplas zot pour nou kapab ganny bann santye vid pour nou kapab, bann kare later vid

pour nou kapab konstrir lo la,  
nou anpaye.

So se sa loptik, sa bann  
stratezi pour nou kapab ede fer  
nou bann proze redevelopman.  
Me Société Du Logement i en  
priorite pour mwan e mon  
Minister pour nou kapab regle  
sa problem sewage. Amwen i  
a tir enn pti pe sa sityasyon dan  
vilaz. Mersi Mr Chairman.

### **MR SPEAKER**

Mersi Minis. Onorab Uranie  
ou'n ganny en kestyon lo sa  
Bidze?

### **HON ROCKY URANIE**

Mersi Mr Speaker. Lefe ki PS  
pour Later ki pa la ti o sant  
lamazorite diskisyon bann  
proze later, enkli sa lesanz later  
La Digue. Eski sa lesanz in fini  
materyalize, si wi konbyen unit  
zot pe mazin konstrir laba?  
Mersi.

### **MR SPEAKER**

Minis.

### **DG AUBREY HORTER**

Mersi Mr Chair. Sa lesanz nou'n  
preski fini materyalize. Nou  
reste zis pour nou finaliz  
transfer. *Thank you.*

### **MR SPEAKER**

*Thank you Onorab Labonte.  
Klarifikasyon Onorab Uranie.  
Spesifik silvouple.*

### **HON ROCKY URANIE**

Wi Mr Speaker i pe dir mwan  
menm keksoz ki sa PS Later ti  
dir mwan. Sa PS Later ti dir  
mwan preski fini. Li osi i dir  
mwan menm zafer.

*(Interruption)*

### **MR SPEAKER**

Mersi. *Order!*

### **HON SEBASTIEN PILLAY**

*(Off-Mic)*

### **MR SPEAKER**

Onorab Pillay ou kapab aret  
kriye, silvouple dan sa lasal?

*(laughter)*

### **MR SPEAKER**

Onorab Labonte ou kestyon  
*please.*

### **HON ANDY LABONTE**

Mersi Mr Chair. Minis mon pou  
bref. Petet ou konnen lo ki mon  
pou al demann kestyon. Sirtou  
lo sa devlopman anler Union  
Vale, ki i dan proze 24/24 me  
so far nou'n ganny selman 8,  
apre tou sa letan ki  
Gouvernman presedan, in fer

promet avek pep Seselwa. Petet si ou kapab dir nou, konbyen alokasyon in ganny mete e kan nou pou termin sa dezyenm faz?

E si i annan en finansman, ki'n ganny *allocate* pour en trwazyenm faz sa proze? Mersi.

**MR SPEAKER**

Mersi.

**MINISTER**

**RANGASAMY**

Mr Chairman. Avek ou permisyon, PS Barbe ekliersi sa pwen silvouple wi.

**MR SPEAKER**

PS silvouple wi?

**PS DENIS BARBE**

*Thank you, Mr Chair. Onorab mersi pour ou kestyon. Tantativman proze i pe byen ale apre ki nou ti pe ganny diferan difikilte anliny avek bann challenges Covid-19 avek kontrakter.*

Me nou'n ganny komitman avek en plan revize ki kontrakter pour delivre lakaz *by Avril, May. So nou, nou plan travay pou alokasyon i vize anver sa komitman. E nou annan en provizyon dan Bidze pour dezyenm faz sa proze*

anler, anler Union Vale. *Thank you.*

**MR SPEAKER**

Wi Onorab ki pwen?

**HON ANDY LABONTE**

Enn pti klarifikasyon. Savedir PS ou pe konfirmen poudir sa lannen, lannen 2023 nou pou kapab koup riban pour sa proze? Mersi.

**MR SPEAKER**

Wi. Onorab mersi. PS ou kapab konfirmen?

**PS DENIS BARBE**

2023, wi Onorab balans proze ki nou pa ti ankor delivre lannen pase, nou pou delivre li 2023. E osi avek lapros ki nou pe fer avek Gouvernman Saudi, si i posib tar lannen prosenn nou pou komans dezyenm faz La Rivière Anglaise, e sa i ganny i deza fini ganny *capture* detaye dan *Budget Book*. *Thank you*

**MR SPEAKER**

Mersi PS bon nou'n fini avek entervansyon lo sa Bidze. E prezan nou a kapab, vot lo Bidze pour *Ministry of Lands and Housing* ki lo paz 332 ziskan 340 dan zot liv Bidze pour en total R399milyon234.

Manm ki an faver pour aprouv sa Bidze lev lanmen

silvouple? Mersi Manm ki kont.  
Lo Bidze pour *Ministry of Lands and Housing* pour en total R399milyon 234, 28 Manm in vot pour 0 kont e 1 in *abstain*.

Alor Lasanble in aprouv sa laliny dan Bidze. Bon i reste pour mwan ...

**(APPLAUSE)**

**MR SPEAKER**

I reste pou mwan remersye bann Manm pour zot partisipasyon e Minis e son delegasyon pour tou zot preparasyon e pour *delivery* sa Bidze.

Nou pe terminen nou a repas dan Staz Lasanble pour nou kapab sorti. Lasanble i a *adjourn* ziska demen bomaten 9er.

**(ADJOURNMENT)**